

明
宣宗實錄

卷七十五至九十五

宣德六年正月至七年九月

明
宣
宗
實
錄

卷七十五至九十五
宣德六年正月至七年九月

明宣宗章皇帝實錄卷之七十五

宣德六年春正月丙寅朔 上御正朝受賀大宴文武羣臣及
四夷朝使文武羣臣命婦朝 皇太后 皇后○丁卯罷湖廣
採木之役初工部奏遣侍郎黃宗載吳廷用往湖廣督採材木
并發民運舊所採木赴南京至是 上聞湖廣旱災民困遂罷
其役以勅諭之曰比聞湖廣旱災軍民艱苦而木皆在深山大
谷之中道路崎嶇猝難致力若已出山在水次及向之漂流已
得者令軍夫運至龍山廠其未出山與漂流未得者悉罷又聞
向所採木多是虛數今宜以實聞毋踵前非以道後志爾等即
日還京○戊辰夜有彗星大如盃色青白先燭地起玉井後有
二小星隨之西南行至天後五鼓有流星大如雞彈色青白尾
跡有光出天并東南行至濁○庚午迤址鞋鞞祀台不老實未

歸奏願居京自效命為副千戶所鎮撫賜冠帶金織裝衣絲帶
銀鈔綿布鞍馬有差仍命有司給房屋器物如例○夜五鼓有
流星大如雞擘色亦有光出天槍西北行至濁○辛未孟春享
太廟○遣中官祭司戶之神○壬申祀河等衛女直指揮僉事
哈刺等奉朝貢馬○癸酉行在兵部尚書兼太子賓客張本卒
本字致中山東東阿人洪武中自國子生擢揚州府江都知縣
太宗皇帝義兵及境本率耆老詣軍門朝陞揚州府知府內難
平論功進江西布政司右叅政本能徵為工部左侍郎坐累請
文趾 仁宗皇帝在東宮奏召為刑部右侍郎益持敬慎議獄
必原情實于發奸擿伏靡不切中 仁宗皇帝初嗣大位重南
京根本之地曰張本特立不阿首進南京兵部尚書兼掌都察
院明年被召入見言國家大計遂留行在兵部毅然以革弊舉

廢馬務 上嗣位高叟反 幸駕親征罪人既得命本撫輯其
衆而錄其餘黨比還以兵政久弊奸人用貨脫伍藉而援平民
實任者遠邇一轍言于 上擇廷臣四出釐正于正他弊尤多
賜勅獎諭命兼太子賓客且兼戶部戶部政紀尤弛木夙夜不
懈講求其故蠲其積弊舉其墜典事甫就緒而卒年六十有五
上深悼惜遣官賜祭賜賻三萬緡命工部營葬戶部覆其家奉
一志奉公廉介有執而尚刻少怨衆念羣怨皆所不恤其錄高
煦餘黨而脅從者多不先云○甲戌以大祀南郊 上御正朝
文武羣臣受誓戒○丁丑大祀 天地于南郊 上還謁
皇太后畢出御正朝文武羣臣行慶成禮○戊寅以 大祀慶
成大宴文武羣臣及四夷朝使○春刻有流星大如雞彈色赤
尾跡有光起閭道後有一小星隨之西南行至奎○己卯命行

左禮部尚書胡濙兼掌行在戶部事○巡撫直隸侍郎周忱奏
鎮江民言本府經歷韓盟為政公勤速歲部糧措置有法小民
獲安糧無虧欠後為人誣其受賄積蒙赦宥乞復盟原職以慰
民望又丹徒縣民言府軍左衛官軍舊于本縣緣江佃種荒地
近年招誘遁逃軍因假為義男女婚每戶或一二十人恃其強
力占耕民田二千餘畝稅糧不供甚至相聚為盜民受其害乞
勅戶部遣人挨捕 上諭行在吏部戶部臣曰經歷可令復職
占耕民田者全裏城伯李隆同忱理之作過者擒送京師○湖
廣都司奏武昌衛左中前三千戶所舊因城內地狹皆居城外
今調去武昌左右二護衛官軍城中多閒屋乞給之以便守備
從之○庚辰上元節賜文武羣臣宴○巡按直隸監察御史鄧
棻奏鎮江府丹徒縣常奏縣民所種官田蘆場草灘六十餘頃

皆臨大江為潮水衝決入江今稅糧仍舊徵納臣奉命覆勘如
縣所奏上命行在戶部即除之○河南按察司奏洛陽中護
衛千戶沈能陳文等受已獲強盜白金縱其逃逸請罪之

上曰強盜譬諸豺虎人共惡而欲殺之彼縱之是縱豺虎害人
命治之如律○蘇州府知府况鍾奏長洲知縣徐亮到任半年
政事不理詰問其故但云年老無能今事皆廢弛吏昏肆奸民
失所望乞別除知縣代之上諭行在吏部臣曰長洲劇縣須
廉幹吏乃能治何以不量才授任即選賢能者馳驛代之○浙
江麗水青田等縣強賊陳才等二百餘人也聚福建福安之湯
洋山號將軍被甲持刃建旗鳴鼓往來旁近諸縣殺人掠財福
建都司遠鎮撫董祥領兵往捕賊故傷官軍十餘人祥駭軍無
紀律所過肆掠為民害有司以聞上謂行在兵部曰官軍擾

民甚于盜賊法不可廢祥霽命按察司治遂降勅切責都司全
量調官軍委都指揮劉海平領捕賊毋遺民患仍勅福建行都
司及浙江都司各遣官軍回進必盡獲賊不獲及縱軍擾民者
悉治罪○卯刻大雷電雨○辛巳建州衛故都指揮僉事李顯
忠妻唐氏及指揮僉事全家奴雲南浪穹縣故上官典史王保
子寧等未朝貢馬及方物○賜陝西寧夏衛土官指揮同知韓
當道驢岷州衛刺麻堅來扎等哈密使臣送力迷失及亦力把
里仗臣亦思刺麻失等一百二十人白金絲帶表裏紗羅綾絹
有差○貴州石阡府葛彭葛商長官司長官安寧奏先以官鈔
收糶糧儲全蠻民守視緣溪洞險僻無所費用恐歲久腐爛陸
納實難請以充有司祭祀過使廉給之用從之○壬午陞工部
左侍郎許廓為行在兵部尚書勅廓曰兵政國之重事自古聖

君矣不忘危肆朕嗣位以來寢食未常忘武前兵部尚書張本能體朕心上汲汲于國事下惓惓于兵民專意畢慮夙夜不懈剡弊舉廢各有條理其年也朕念之不忘眷求賢能以繼其任爾廓久仕于朝諳練政務今特陞行在兵部尚書膺茲重寄惟秉忠澁誠勤以佐事廉以率下審察必明謀慮必周如政有不通弊有當革利有當建者毋憚面陳朕將擇而行之無怠無忽○癸未賜湖廣散元宣撫司把事黃能施南宣撫司把事譚強等鈔有差○甲申賜朝鮮國貢使崔士儀等宴○南京都察院右僉都御史李敏辛敏字克勤河南儀封人由太學生擢刑科給事中陞左給事中夫滿旭陞南京右僉都御史未幾奉命督伐木之役于徽州會農作興遂詔罷役敏還不數月病卒敏庸懦無守惟務早屈下人故與鈐選者力薦于上謂其厚重不

判及僉都憲政紀隳弛與論節之○乙酉賜朝鮮國使臣崔士
儀等三十六人綵幣表裏○四川夔州府萬縣奏民人三百三
十二戶缺食已給官倉穀一千一百五十三石賑濟○丙戌賜
和寧王使臣脫火歹火者阿力等六百六十人綵幣表裏金織
襲衣有差○副總兵都督僉事火昭等遣人獻所獲曲先賊首
答答不花等至京師行在兵部詣正典刑命下錦衣衛獄○直
隸常州府知府莫愚奏本府監繫強盜為從陳思保等二人皆
從父先行劫得財律應斬刑部令監候處決臣察其祖父皆以
捕魚為業父先行劫時思保等皆年十二非能助盜特以全家
毋居改亦隨行今父先旨免獨存思保等二人當斬揆情有可
矜者 上謂行在刑部侍郎施禮等曰虞舜罰弗及嗣文王罪
人不弔_我 皇考常詔天下非謀反大逆父子毋連生况事發時

尚切宜得寬減命釋之又曰爲守能言此亦可謂有仁心矣。
丁亥命梁王瞻甫械承奉乳勤送京勤狠傲屢侮慢王至出詈
語又嘗踢王所坐胡麻床仆地迫逐王入卧内王不能堪欲拔刀
自殺左右救止之事聞上大怒遣人執勤罪之王奏乞宥其
愚戇上諭行在兵部臣曰梁生朕親弟爲下人侮辱理應罪
之而王反爲救解此必同類小人迫脅王爲此奏遂遣勅戒王
勿聽群小之言朝廷自有處置。賜安定衛國師賞竹領真并
安定王所遣鎮撫朵兒只失加等鈔綵幣表裏金織紵絲襲衣
有差。戊子賜建州衛故土官都指揮僉事李顯忠妻康氏及
指揮僉事全家奴等六十九人把河等衛指揮僉事哈刺等雲
南浪穹縣故土官子寧等鈔綵幣絹布及紵絲襲衣有差。夜
有流星大如雞彈色赤有光出文昌北行入雲中五鼓有流星

大如五色赤有光起軫後有三小星隨之東南行至庫樓炸散
○己丑建州等衛指揮僉事張加等來朝貢馬及方物。宥泰
寧福餘朵顏三衛剽竄之罪勅諭其大小頭目曰朕恭膺天
命主宰天下四方萬國之人皆欲使之安樂得所爾等受朝廷
爵賞不能約束下人致其近年常入邊境剽掠邊將屢請加兵
朕體上天好生之心不允所言蓋慮大軍一出累及良善茲
特宥爾等罪凡前者作過之人聽爾自行處治其所掠之物悉
追究送還仍令納馬贖罪改過自新若恃惡不悛大軍之來不
獨爾等父母妻子受害昆蟲草木亦不得寧勉思良圖毋貽後
悔。甘肅總兵官都督劉廣奏西北二虜多來鬻馬請給各色
綿布一十萬匹酬其直 上命行在戶部以五萬匹給之八夜
月犯南斗。庚寅免山西安邑縣復業逃民三千七十一戶宣

德元年二年稅糧共一萬七千石有奇。○鎮守西寧都督文昭
奏阿端衛官民先從曲先為逆懼罪竄遠雖蒙撫諭仍依曲先
雜處未復職業今曲先順服阿端官民亦宜招撫。上命昭遣
人齎勅往諭使還改地昭又言曲先衛真只罕等本別一部因
助散即思為逆官兵致討遂率其衆竄往罕力木江未及剽戮
亦未歸附且當烏思藏要途恐復為患。上勅昭曰殘夷窮迫
無所自容何足與較其遣人悉宥其罪使還改處各安土業昭
又奏安定衛指揮桑哥等訴蒙調同罕東衛兵討曲先罕東方
命不至其部下板納簇散安定官軍討曲先頓兵白合兒之地
凡桑哥及部下指揮千百之鎮撫經歷等家屬帳房馬駝牛羊
搶掠殆盡臣訪板納雖屬罕東然自為一族乞降勅追理
上勅罕東全俞板納頭日以所掠人畜悉歸安定則宥其罪如

親述不遂即舉兵誅仍勅昭從長處置務使番夷順服遠境肅
清○叅議原固言臣比奉命于總兵官都督劉廣所治文書謹
上便宜五事其一自肅州酒泉驛至莊浪沙井驛凡二十一處
使客往來宿支廩給五升經過三升旗軍日支行糧二升凡進
貢馬日支料五升操備馬日四升皆出于民供給不易乞為減
省使客宿支廩給三升經過二升旗軍行糧一升進貢馬日支
料四升操備馬三升其二今各衛所朕田皆為官豪之家所據
雖已報官仍有不盡乞軍所種多是沙地以致子粒多欠乞遣
大臣會三司堂上官踏勘除報官納糧外有多據者悉與屯軍
其三凡差往外夷官軍人等至甘州往往住三四月及半年之
上廩給行糧馬駝草料俱出民力比其就道所費多矣自今乞
全差去之人量時出京不許久住甘州其四邊境倉儲宜加摺

節今所考察各衛老幼有疾軍官仍于本衛支俸所費不貲乞
調于腹裏有糧處如例支給其五甘州左等衛管屯官怠多勤
少不肯用心督軍以時耕種致子粒無收乞勅巡按監察御史
及陝西按察司散督有怠惰者罪之庶此種有收軍食充羨
上嘉納其言命所司行之。士辰行在後軍都督府奏宣德五
年給賞軍士冬衣布花武城右衛軍士未領者三百九十四人
悉爲千戶孫顯侵用顯又冒支軍人口糧請治其罪 上曰朝
廷恒慮軍士寒餒親管官乃恣肆侵奪不仁甚矣治之如律。
南京工部奏江東門外瀋陽中護衛倉無糧收貯存空屋一百
七間去江僅二十丈江水泛漲皆將淪陷而烏龍潭諸衛倉缺
料修理乞拆其材用之從之。癸巳行在吏部奏鎮江府知府
同知蘇州府吳縣知縣皆以貪鄙爲巡按御史考黜直隸府縣

民事繁冗官不可缺今丁憂知府尤禕同知趙郁知縣宋彬服闋到部擬以禕爲鎮江總府郁爲同知彬爲吳縣知縣資品相應 上曰守令當用廉正有才能者毋拘拘循資格此數人可用則用之但舊官以貪鄙去今所用勝彼則可不然徒勞費無益。德清縣丞張壽以料斂民財浙江按察司問擬徒罪送京師匿上林苑監丞鄭顥家一月不赴官行在都察院奏顥亦當問罪 上曰觀近臣以其所爲主顥庇貪人顥之爲人可知併罪之。金吾右衛千戶閻順領軍守衛西華門私縱三人下直及御史點視又私令餘丁代之御史劾奏順 上命行在都察院併所縱軍治之。甲午給寧府新昌王磐炷歲祿二千石內支米五百石餘一千五百石折鈔。復應城伯孫傑歲祿初傑以貪濫得罪停祿至是念其前人功始復之。賜撒馬兒罕使

臣卜顏劄法兒等鈔綵幣表裏有差初行在禮部奏卜顏劄法兒等進速來蠻石一萬斤多不堪用今還請薄其賞上曰厚往薄來懷遠之道撒馬兒罕去中國最遠毋屑屑與較可加厚遣之故有是賜○副總兵都督僉事方政奏近緣邊屢有聲息已整軍防備而雲州赤城諸堡及新築永寧衛隆慶州城俱乏軍器請給之上謂行在工部尚書吳中等曰守禦之策當城池高深兵革堅利然雖有城堡而器用不足亦不能成功所需者悉與之○乙未沙州衛韃靼忽迭兒必失等七人來歸奏願居京自效命爲百戶所鎮撫賜冠帶金織襲衣綵幣銀鈔鞍馬有差仍命有司給房屋器物如例

大明宣宗皇帝實錄卷之七十五

明宣宗章皇帝實錄卷之七十六

宣德六年二月丙申朔勅總兵官武安侯鄭亨等曰虜中有歸附者言阿魯台與瓦剌脫歡戰阿魯台敗北部曲離散多于近邊假息其中亦有欲歸附者宜督緣邊嚴為之備虜果未歸或中國人自虜中脫還者皆與口糧遣人送來師然虜多詐古云受降如受敵慎之慎之○上屢詔求賢慮尚有遺逸作招隱之詩以示大臣而自序之曰朕聞君子之學將以施于用也故其未仕則汲汲以明道道既明矣則汲汲以措之天下伊尹耕于莘以堯舜之道自樂然致君澤民未常忘也其後聖莫如孔子賢莫如孟軻轍環天下亦欲行其道豈以獨善為高哉秦漢以來始有好遊以自高然于君臣之義未盡也夫道出于天而賦于人非使自善其身蓋用以兼善天下故士君子當以伊尹

孔孟為法顧乃卷而懷之邀于深山窮谷之中與麋鹿為伍而
廢人之大倫此豈得為賢哉朕承 祖宗鴻業惟恐弗克負荷
旁求俊乂與之共理詔書數下命有司以理進之其出為朕用
者雖多尚慮有未至者故作詩以招之天之生賢道蘊厥身幼
學壯行致君澤民伊尹孔孟皆古君子孜孜行道未常忘世秦
漢之衰以退為賢絕類離倫豈弗達天嗟哉若人于世奚補區
區百年草木同腐予嗣 祖宗統疏萬邦求賢圖治宵旰皇皇
羣才偕未布列在位道行身尊百世之貴緬彼山林豈無遐遺
往而未來悠悠我思漱石枕流遠引高蹈雖逸其身而悖于道
卷阿之詩梧桐鳳凰爾其幡然予將爾揚○丁酉遣北京國子
監祭酒貝泰釋奠先師孔子○擢行人司副軒輊及知縣縣丞
教官監生十八人為監察御史時右都御史顧佐奏十四道御

吏多缺今擬于在京在外見任七品以下并襍職教官監生之
中有廉能識達政體通曉刑名者令各道御史保舉奏授
上從之于是監察御史王縉紳等舉行人司副軒輓教諭陳顯
監生陳仲華等以聞吏部言舊例州縣正官教官不許薦舉及
所舉典史李祥原任按察副使有過降黜不可再任風憲
上曰御史惟在得人當不次擢用無拘定例惟李祥有過不用
餘皆從之于是擢輓等為監察御史授行在者輓廣西道行人
張聰陝西道判官傅誠山東道知縣劉謙山西道戴謙貴州道
縣丞李實福建道教諭陳穎交趾道訓導倪傑廣東道監生陳
仲華湖廣道姜永貴州道張獎雲南道授南京者進士吳桐生
廣西道張祺山西道黃文政浙江道吳名山東道監生鄭嘉陝
西道朱鐸江西道曹斌四川道○違行在工部右侍郎羅汝欽

往陝西經理屯田之務時陝西叅政陳瑛言寧夏甘肅田地可引水灌溉雖旱亦收然葭葦膏腴之地皆為鎮守官及各衛豪積官旗所占俱不報官輸糧間有報者十僅得一其卑下瘠地則分與屯軍致屯糧虧欠兵士饑困而官員豪強之家日以恣橫又陝西諸衛所軍有二分三分守城七分八分下屯者以七八人耕作供給二三人之食宜無不足而各衛往往缺糧有司疲于餽運蓋由衛官及管屯者各圖己利不顧公家凡屯軍有所差遣不復撥補即除其名而據其地乞遣官行視按其侵欺之罪上是其言遂遣汝欽與瑛往同三司官經理○以直隸廣昌守禦千戶所隸萬全都司初萬全都司奏廣昌千戶所寓治萬全城軍馬糧料皆從本司行移支給乞令就隸本司為便上諭行在兵部尚書許廓曰萬全既屬三都司廣昌千戶所

豈可不受節制其改隸之○哈密忠順王使臣都指揮僉事伯
伯舍人哈刺虎力等六人來朝奏願居京自效命哈刺虎力等
五人馬所鎮撫賜冠帶金織襲衣綵帶銀鈔綿布鞍馬仍命有
司給房屋器物如例○行在兵部奏北京行太僕寺近歲馬夫
蕃息常奏遣人于河南山東堪養之地覈實民丁之數請先分
給濟南東昌兩府人民牧養然欲如直隸順天諸府每三丁養
牝馬一二丁養牡馬一免其糧留之半則所免太多供給不足
請無免其糧留但令五丁養一牝馬三丁養一牡馬仍如例增
設州縣掌馬官從之○戊戌祭 太社 太稷○遣官祭先農
○ 皇后千秋節免文武羣臣命婦朝賀○廣西上隆州女王
官知州陳氏造頭目黃蔭等貢馬○己亥朝鮮國王李禔遣陪
臣朴信生貴州宣慰使安中遣把事袁英四川播州宣慰使楊

昇遣副長官陳愆陝西鞏昌府判麻高僧工葛堅贊等進馬及
方物賀 萬壽聖節○行在戶部奏比者蘇州府知府沈鍾立
蘇松嘉湖等六府每府改通判每縣設縣丞各一員專督糧長
治農及催辦稅糧其糧長遂不聽府縣約束專聽于治農官文
處既久人情捨熟事多怠廢及其考滿給由不問任內錢糧之
數縱有拖欠無由稽考及運糧赴各處皆委官部送而治農官
獨安閒無事臣以蘇松各府地皆卑下若多雨水故無法以治
遇旱則迫水之民自能車水灌溉不待督勸其高亢處亦不能
救治農官實是虛設徒蠶食于民乞改作催糧官同僉書公座
春夏令督農務秋冬令部運稅糧每縣仍別委官以副之如春
耕時部糧未還府縣掌印官兼督農務如此則事歸于一稅糧
易辦官無曠職命臣等計議宜從所乞遂改治農官為催糧官

○賞征曲先將士功先大上諭行在禮部兵部臣曰此將士徃征由先道途險遠備嘗苦辛深入其地殺獲亦多爾等即稽功狀議陞賞務協公論禮部尚書胡濙兵部尚書許廓等奏其晝夜長哨及分路殺賊與前征萊應官軍都指揮綵帶表裏各一鈔一千貫指揮每員絹二匹鈔八百貫千戶衛鎮撫每員絹布各一匹鈔五百貫百戶所鎮撫每員綿布二匹鈔四百貫旗軍人等各綿布一匹鈔二百貫存留接應護糧及償運糧料官旗軍餘人等都指揮各絹二匹鈔六百貫指揮絹布各一匹鈔四百貫千戶衛鎮撫各布二匹鈔二百貫百戶所鎮撫各布一匹鈔二百貫旗軍人等各布一匹鈔一百貫其生禽及寇三人并斬首五級以上者陞一級生禽二人及斬首五級者亦陞一級如其間有婦女童幼俱難以功論其餘生禽二人及斬首四級以

下并混敕兼應與存留接運護糧者俱不陞。上以賞太輕命凡官軍人等止禽及斬獲虜首者除正賞外加賞官每員絹一匹鈔一百貫旗軍人等人綿布一匹鈔一百貫其晝夜哨瞭及禽殺寇者無問官軍俱陞一級。于是陞陝西行都司都指揮僉事安汝為都指揮同知濟陽衛指揮使卜帖哥行在金吾右衛指揮使孫寬白賁劉志為都指揮僉事行在錦衣衛指揮同知迭兒必失行在羽林前衛指揮同知丹保尤愛林行在金吾左衛指揮同知董斌高賁涼州衛指揮同知張忠鎮番衛指揮同知馬麟為指揮使行在羽林前衛指揮僉事白能帖木兒行在金吾右衛指揮僉事徐原何廣金吾左衛指揮僉事王喜永平衛指揮僉事戚失濟州衛指揮僉事鄧興甘州左衛指揮僉事王傑蔣禎山丹衛指揮僉事鄧鉉肅州衛指揮僉事胡麟李文

莊浪衛指揮僉事陳珍為指揮同知濟陽衛正千戶劉樹甘州
左衛正千戶可慳木兒遵化衛正千戶顧善山丹衛正千戶
陳翰永昌衛正千戶朱瑄涼州衛正千戶俞銓甘州左衛正千
戶杞塔為指揮僉事府軍前衛副千戶王弘甘州左衛副千戶
李羅台王麟甘州右衛副千戶俞興馬俊甘州中衛副千戶萬
貴全礪永昌衛副千戶哈刺不花為正千戶行在羽林前衛百
戶褚智甘州左衛百戶王敬象神保陸貴甘州右衛百戶周輔
何興永昌衛百戶毛哈刺西安左衛百戶王信府軍前衛百戶
高明玉符鎮番衛百戶王雄莊浪衛百戶王伴兒肅州衛百戶
余亮周歲為副千戶甘州左衛試百戶拜卜花為實授百戶永
昌衛舍人趙道省吉為所鎮撫甘州衛軍士張義為小旗凡陞
賞者一千二百四十八人漢等又言官軍見到北京者賞如例其選

原衛及赤斤蒙古沙州罕東安定四衛土官頭目番軍應賞者
及都督安定王准都指揮例頭目准百戶例請遣官給賞從之
○總兵官左軍都督譚廣奏萬全都司都指揮黃真專職備禦
不嚴督哨贖致賊入境殺軍士一人請罪真上勅廣責真失
機狀罰俸五月○行在戶部奏刑部都察院及各布政司按察
司所解納未贖罪囚人皆送軍倉輸納其中有納未完者有經
一二年未納者請仍送原問法司將已納未完計其未數折減
其罪全未納者依原坐決道在外問完者就使兼追未足備解赴
原定倉分文納從之○行在都察院奏彙強縣典史周宗本挾
私乘醉杖殺皂隸監察御史任祖壽聽其許馬一匹論以因公
行罰徒罪今議宗本合依故勘平人致死律應斬祖壽依聽許
財物而事枉者律應徒以風憲加二等應流上曰御史不能

正直而與罪人文徇私枉法若相師成風法度廢矣如律罪之
以儆其餘○命濟金龍口引河水達徐州以便漕運用御史白
圭之言也○河南布政司言祥符縣舊有新開河直抵儀封縣
黃陵岡凡四百五十餘里中多淤塞請加疏濬從之○庚子毛
濟等衛女直土官都督僉事撒滿答失里等未朝貢駝馬及方
物○命監察御史于奎往荊州等處緣邊點閱戍守官軍

上諭之曰緣邊關口戍守已定所以頻點閱者慮有怠縱失于
防閑爾為朝廷耳目官若知其縱弛而不舉或苛細生事皆為
失職奎頓首受命○鎮守河州都督劉昭奏今烏思藏等處使
臣往來者多用脚力犏牛缺茶買辦乞令四川運茶三十萬斤
分貯河州三茶馬司以備支用 上諭行在戶部臣曰聞四川
民貧道時茶課多不足今欲運茶三十萬斤民不堪命但令近

河州軍衛有司官庫所貯物貨從服用以易牛廩幾少魁蜀民
○辛丑行在刑部奏山西都司呈詳犯人二十五人皆強盜教
人劫財不分首從應斬請處決如律其有同行強盜三十五人
未獲供捕獲日論理 上曰未獲者既多安知其中無異詞者
姑存之以俟質對庶不濫及無辜○壬寅陞行在錦衣衛指揮
使張信為四川都司都指揮僉事命馳驛赴任賜信勅曰方面
之職所係甚重爾久在邊侍能效勤誠特命往四川都司同都
督徐甫專理司事爾宜循守禮法盡忠奉國愛恤軍士嚴飭武
備堅固城池仗一方寧謐百姓無虞庶幾副朕委任○陞行在
禮科給事中姜士儀為蜀府左長史○滿剌加國頭目巫寶赤
納等至京言國王欲躬未朝貢但為暹羅國王所阻暹羅素欲
侵害本國本國欲奏無能書者今王舍臣三人潛附蘇門答刺

貢舟未末乞朝廷遣人諭暹羅王無肆欺凌不勝感恩之至
上命行在禮部賜賚巫寶亦納等遣附太監鄭和舟送國令和
齋勅諭暹羅國王曰朕主宰天下一視同仁爾能恭事朝廷屢
遣使朝貢朕用爾嘉比聞滿刺加國王欲躬來朝而阻于王國
以朕度之必非王意皆王左右之人不能深思遠慮阻絕道路
與鄰邦啓釁斯豈長保富貴之道王宜恪遵朕命睦鄰通好者
諭下人勿肆侵侮則見王能敬天事大保國安民和睦鄰境以
副朕同仁之心禮部言諸番貢使例有賜予巫寶亦納非有貢
物給賞無例 上曰遠人數萬里外未訴不平豈可不賞遂賜
紵絲襲衣絲帶表裏綿布悉如他國貢使例○賜哈密忠義王
所遣鎮撫小丁弗提等衛奏事女直指揮同知達木哈建州等
衛指揮僉事狄加等及廣西上隆州頭目黃蔭等鈔絲帶表裏

絹布及金織襲衣有差○把河衛指揮僉事哈剌未朝奏願居
遼東安樂州賜金織襲衣綵帶鈔布仍命遼東都司給房屋器
物如例○監察御史胡智奏在外諸司進賀表箋所遣官員因
無廩給例不得宿館驛投止民家不無褻瀆又御史任紀綱之
職受耳目之寄糾劾百僚肅清庶政若巡按一方則御史以朝
廷所差序了三司官之上或同三司出理公務三司皆乘馬御
史獨乘驢驢頗失親睦自今請許進表官宿驛舍御史得乘驛
馬為宜 上諭行在兵部臣曰御史所言亦合大體其從之○
癸卯以明旦 萬壽聖節遣衛王瞻埏謁世 長陵 獻陵○
迨址既既等刺竹地面阿都刺等土魯番喊胡馬兒舍等未歸
皆奏願居京自效命為指揮僉事百戶等官賜冠帶金織襲衣
綵帶銀鈔鞍馬有差仍命有司給房屋器物如例○行在通政

使司右叅議何懷輝卒懷輝湖廣桂陽縣人永樂間授大理評
事改通政司經歷秩滿陞前軍都督府經歷未幾改通政司右
叅議為人夷坦有守疏通善教奏謁苦還鄉以疾卒○昏刻月
犯五諸侯第五星○甲辰 萬壽聖節 上詣 奉先殿行禮
皇太后前上壽畢出御正朝受賀賜文武羣臣及四夷朝使宴
○乙巳召少師蹇義少傅楊士奇楊榮尚書胡濙王大學後殿
諭之曰昨日奉侍 太后進壽觴 太后甚歡朕及暮還宮不
覺亦醉既覺而思仰荷 上天眷佑 祖宗慶澤 聖母之訓
教今田穀屢豐天下粗安得朝夕侍奉 聖慈遂天倫之樂可
謂幸矣又念國事賴卿等旦夕同心協慮遂出御製詩賜義等
并賜特宴云○丙午朝鮮國王李禔遣陪臣張友良等來朝貢
方物○昏刻月掩軒轅大星○丁未賜朝鮮國使臣朴信生等

貴州宣慰司記事袁英等四川播州宣慰司副長官陳怒等陝西鞏昌府刺麻工葛堅贊等毛憐衛土官都督僉事撒滿答失里等九十九人鈔絲帶表裏金織襲衣有差○陝西平涼衛指揮僉事哈刺苦出奏永樂中常選本土軍民壯征師旅之日軍歸原伍民還原業今慮或有征調未經操習馬匹衣裝皆無索備請以原選之人充其遠差令之操習每月朔望點閱 上謂行在兵部尚書許廓等曰 太宗皇帝慮事周詳其立法已定不可改更命悉如舊○戊申勅直隸常州蘇州松江三府比所收沒官器物悉以給館驛公用軍器馬鞍付所在軍衛牛悉付耕農之貧者先納租死者勿追○監察御史伍宗源等劾奏駙馬都尉焦敬縱中使阮邦擅收官馬 上曰駙馬貴戚豈少一馬而甘為小人之行命下錦衣衛獄尋宥之○己酉停止級邊

緣毒術所舍人赴京操練時新建伯李玉奏舊選在京操練舍
人遣還者久未至宜差人趣之 上命福建浙江緣海雲南四
川兩廣貴州及陝西湖廣緣遠者悉止勿來其餘各處可趣如
有出幼堪操練者亦選以未_欠巡按山西監察御史張勗奏山
西連年天旱田穀薄收糧草多欠所屬州縣各遣官催徵而總
督則有侍郎于謙及從行主事翟善善分催又有奉政樊鎮奉
議王綱劉登鄭冕等往未催辦相繼于道徒擾于民無益了事
乞取回各官止遣方面官一二員催督 上命行在戶部止令
于謙樊鎮翟善分催餘皆全選任○庚戌以明日清明節遣衛
王瞻埏祭 長陵 獻陵○賜朝鮮國貢使朴信生等宴○貴
州都司奏安隆長官司頭目攻圍慕叱寨等事緣地連廣西諸
勅廣西合兵剿捕 上諭行在兵部臣曰蠻夷讎殺常事但令

都督蕭受山雲各遣人招撫使安分循理如其不服然後加兵
○河南左布政使魏源奏南陽府魯山縣郟縣河南府嵩縣彰
德府林縣歲荒民飢已于積粟之家勸分濟之又借州縣倉糧
驗口支給俟秋收還官○辛亥烏思藏大國師釋迦也失之徒
刺麻羅卓促密等奉朝貢方物○清平侯吳成言所統三千隊
伍漢鞞官軍比年以來屢有死亡及以老疾調去隊伍多闕請
于五軍諸衛漢鞞官軍中選其精銳者補充從之○五鼓有流
星大如雞彈色赤有光出虛東南行至濁○壬子寧夏左屯衛
指揮使張泰奏寧陽侯陳懋私遣軍士二百餘人操舟三十餘
艘出境捕魚株木為虜所執者十餘人又遣軍士二十人人給
二馬齎銀往杭州市貨物又寧夏各衛倉廩年收糧懋乞治文
書者不作實數侵盜入已有軍士苦懋自宣德二年至五年與

都指揮閻俊等盜賣倉糧一萬九千餘石入虛賣延慶等府通
閔計糧二十四萬餘石入己又私役軍糧田三千餘頃奪民水
利歲收之粟召商賈收雜中鹽又與閻俊等遣軍執車九百餘
輛載大鹽池鹽往賣于西安平涼等府 上謂侍臣曰懲之過
如此可禦邊乎然未可遽聽一人之言姑錄所奏示之會有無
自陳然後處置○春刺西方生蒼白雲二道南北竟天○癸丑
雲南順遠鹽井鹽課司改土官副使楊呈勇孫春等未朝貢馬
○迤北字木等率妻子二十一人未歸奏願居京自效命字來
等三人為指揮同知等官賜冠帶金織襲衣絲帶銀鈔絹布綠
花鞍馬有差仍命有司給房屋器物如例○賜亦力把里歪思
王等處貢使宴○昏刻有流星大如雞彈色亦有光出北斗魁
東南行入軫○甲寅遠東安樂州改鞋官千戶木答兀子哈答

木等未朝貢馬。○命改陝西行都司都指揮同知韓貴子彪襲
馬金吾右衛指揮使永清右衛指揮使蘇文子琳金吾左衛指
揮同知丁志子源府軍前衛指揮僉事喬頂姪英俱襲職。○命
行在戶部尚書李景賢修京城及通州諸衛倉所需工料令行
在工部給之。○賜朝鮮國使臣張友良等綵幣表裏絹布襲衣
有差。○副總兵都督方政奏獨石諸堡皆臨極邊屢有聲息而
軍士所閱之馬多羸小力弱不任驅馳又有因出哨死傷而未
閱者乞令所司選給堪乘者庶能緩急得濟。上謂行在兵部
尚書許廓等曰此邊將所當計慮者悉如所奏與之。○順天府
尹李庸奏永樂中潭河決新城縣之高從周口衝散泥沙遂已
淤塞霸州魯園里牛家莊張貴莊約四里餘每年水漲無所通
泄湧漫倒流北灌海子凹牛欄佃等處其地不得耕種今雨水

降詣量起民丁預修理從之○日生暈後又生事暈重半暈喘
氣色黃赤昏鮮明○乙卯夫刺思回回打刺罕馬黑麻等未朝
貢方物○命武進伯朱冕率官軍運糧往獨石等處行在戶部
言宜如往年發五府屬衛及口外各衛軍丁與順天等府民丁
相兼擺堡接運 上曰方春民務耕種但遣軍士運之勿動民
丁○停選薊州鎮朔等衛舍人操練存留備遣○夜有流星大
如盃色青白尾跡有光起天津東行至瀾○戊午命湖廣辰州
衛指揮僉事杜亨仍鎮單子坪以亨常鎮其地善撫綏得夷民
之心也○永和王濟煥奏三女將婚皆無居宅 上命行在工
部金山西都司布政司但有官屋可居者從王擇用無則相地
營建○行在戶部奏遣官巡視民瘼從之 上因謂侍臣曰堂
下遠于千里人君深居宮禁豈能盡諸民隱故不先遣人巡視

若所遣非人下情猶未能悉達侍臣對曰國家仁民惟在擇守
會守令得人田里之民自安 上曰然○行在刑部奏長陵衛
千戶嚴忠詐取餘丁財物罪應徙 上曰朕念軍士艱難故免
餘丁之役使資助之管軍官其父母力不能體此意而剗削之
此豈有心恤軍小懲大戒亦小人之福○修築南京龍江壇壇
初為水侵嚙不及者僅丈餘至是江水已落 上聞之命襄城
伯李隆撥京衛軍二千及直隸府州民丁併力為之務令完固
○巡視侍郎于謙言河南逃徙之民朝廷雖招撫復業未有生
計開封等府夏秋水溢田多涂沒今年秋糧多運北京恐致失
接詣于衛輝彰德置倉收貯 上命行在戶部臣曰河南之民
新役業者今年糧令一半折收布絹以勉民力○以遼東採備
官軍還家取衣裝越期不行及逃逸者并家屬調廣寧諸衛守

遑從總兵官都督僉事王凱所奏也。○己未陞國子監助教張山觀為翰林院檢討仍理助教事行在工部虞衡司主事魏本為順天府治中營繕司主事高應為應天府治中皆以任滿應陞也擢訓導薛謙王永和朱純進士耿九疇監生張振榮譚章良民陳常鄭以誠為給事中謙永和譚行在兵科純良民常行在刑科九疇行在禮科振行在吏科以誠南京吏科行在翰林院檢討陳紀秦初行在湖廣道監察御史馬駿行在河南道監察御史陳美山東布政司左叅議周順親喪服闋紀初喪復原職改駿為行在浙江道監察御史顧江西布政司左叅議復宋端陝西扶風縣知縣陞從六品祿端任滿當選以其民奏乞留之故有是命黜監察御史陳感為衛輝府推官季宗為建寧府推官崇舉為太平府推官嚴士安為浙江金華縣知縣感宗舉

以不勝任士安以犯賊故也。○命陝西按察副使沈懋致仕懋
浙江吉安其人自監察御史陞副使頗有才識居心和平不事苛
刺至是老疾奏乞致事故從之。○上元縣人王拜位年十四為
陳氏養子其生父死生母貧無依行乞于途拜位遇之哀哭不
去養母直以情訴于官乞歸王氏養生母養母聞之不容訟其
嘗已刑部論拜位死罪 上曰彼年十四依陳氏養母之恩豈
能喻生母遇生母行乞而不動心是禽獸也今歸養生母但失
于不苦養母耳可杖之二母皆令終養。○南京刑部侍郎段民
奏上元縣民為姓所毆徑指道政司苦之律姓毆叔應徒斬例
納未贖罪叔以越訴例當連家屬發遼東充軍臣愚以而早幼
毆尊長已于倫理有乖今早幼得寧家而尊長當遠竄雖有定
例揆理未安 上曰古人謂法有可疑情有可矜正此類民言

良是其光叔罪令寧家○河南府知府李驥言鞏萬永寧登封
四縣連歲民饑寄食他所今雖復業上年所負糧草不能辨納
命戶部悉免之○庚申武進伯朱冕奏奉命總督官軍運糧往
獨石等處臣思去年擬運四萬石兵部撥五軍諸衛官軍列堡
轉運往遠路遠止得二萬石上倉今欲運十五萬石若仍舊法
恐難集事請于宣府撥備官軍及萬全郡司再摘五千人各從
近增立五堡庶無稽誤從之○巡撫侍郎趙新言五事一近日
鈔法江西各府縣計口徵納鹽鈔有司但依黃冊所編丁口徵
收有死口無從徵者有老疾貧難及居深山窮谷無鈔納者有
將男女典僱易鈔者小民無所告訴乞令有司開除口故老疾
及山谷之民止令城市墟鎮及商賈之家納鈔一揚州儀真故
五壩以通江南舟楫二壩專過官船及官運竹木諸物餘三壩

專過糧船民船晝夜往來亦常阻滯有旬日不得渡者又壩下
河窄舟無迫處乞令有司軍衛再開二壩以便行舟及增開河
一道以便往泊一學校儲養賢俊以資任用近教官多非其人
止徒因而懈怠惟記誦程文以備科貢府縣官出身或由吏胥
或由人才不知養賢為重安能加意提調今各處養馬屯田治
農皆別設官以董其事乞令六部議或以翰林院官或御史郎
中員外郎老成有學問者授以方面之職專督學校選擇師範
考探生徒其直隸則令禮部委官往來提督庶學政與舉人材
有或一巡按御史按察司職居風憲所獲姦貪官吏豪橫軍民
解發至京彼皆忿恨輒興詞誣告陷以賊私法司不審虛實即
唯提對風憲受誣頑猾得志乞令法司凡風憲及理問推官問
發因仗有苦訂者必再三推究其情果有贓私方許提問一各

嚴軍衛官公廉者少貪虐者多或私役軍丁或占民田土或廣
蓄僮奴或販鬻私鹽奪民財貨百計自營乞令巡按御史按察
司廣加詢察有違法者奏請逮問 上覽新言謂侍臣曰此皆
積弊當盡革之置場開河設官提督學校令六部會議以開食
鹽鈔印為除訟毋以若民新又奏參議陳傑催糧至鄱陽縣取
受糧長白金四十餘兩及他不法事請正其罪 上曰方面之
臣而用此輩何以示法下人命都察院治其罪○辛酉蠲臨清
等處店舍課鈔先是以御史耿定言臨清等處官民之家多有
塌坊店舍居停商貨宜依在京例收鈔至是侍郎曹弘奏比有
司舍里老開報塌房一時畏懼凡街市人戶俱作停貨店舍每
月各納鈔五百貫而實無貨停蓄民貧無鈔有鬻子女產業輸
官者乞減省 上覽奏謂行在戶部曰欲鈔道故權令店肆納

鈔有司不知恤民其弊如此卽勘實蠲除之○南城兵馬指揮
司執羽林前衛軍奏言此人邀其同類飲酒醉後相鬪毆之致
死 上命付刑部治顧左右內侍諭之曰酒能生禍故昔人恒
以崇飲為戒此亦好酒而狂者爾曹識之○壬戌四川南溪富
順隸為諸縣強賊白晝劫掠民財總兵官都督陳懷及都司布
政司俱遣人捕之官軍被賊殺傷時副都御史胡縻督採木于
蜀劾奏都司布政司官不能選人率兵剿捕以致殺傷無辜請
治其罪遂劾懷及四川都司布政司按察司巡按監察御史曰
南溪富順隸為等縣屢有強賊劫掠常勅爾懷或親領兵或遣
官領軍捕之至今尚未寧息反為賊所傷爾懷及四川三司官
罪可逃乎其卽會議設法捕賊如再稽延一體論罪○癸亥監
察御史趙儼有罪伏誅儼徂往河南清理軍伍杖死里長老人

九人事覺都察院鞠訊皆實論當死監候待次御史張循理以
舊同僚召儼出獄共飲飲罷儼間逃循理以縱死囚下獄死
至是始捕得儼上曰此酷吏也視人命如草芥命斬于市○
夜有流星大如雞彈色青白尾跡有光起閩道西北行至國

大明宣宗憲天崇道英明神聖欽文昭武寬仁純孝章皇帝實
錄卷之七十六

大明宣宗憲天崇道英明神聖欽文昭武寬仁純孝章皇帝實
錄卷之七十六

監修官奉天清難推誠宣力輔運武臣特進光祿大夫左柱國太師英國公臣張輔

總裁官光祿大夫柱國少傅兵部尚書兼華蓋殿大學士臣楊士奇光祿大夫柱國少傅

工部尚書兼謹身殿大學士臣楊榮資政大夫禮部尚書兼翰林院學士臣楊濬中議

大夫贊治且詹事府少詹事兼翰林院侍讀學士臣王直中議大夫贊治且詹事府

少詹事兼翰林院侍講學士臣王英等奉

初修

明宣宗章皇帝實錄卷之七十七

宣德六年三月乙丑朔給蜀府保寧永川羅江三王歲祿各二千石于四川布政司附近府州縣米鈔中半兼支○四川按察僉事王慶欽奏比者蠻寇出沒寧番衛境內劫殺行旅衛達十戶帥聚等巡捕漫不用意臣已移牒都司捕賊請治聚等罪上以都司曠職降勅切責之令督官軍捕賊不得賊不宥仍命巡按御史治帥聚等如律○昏刻莫惑犯充南第二呈○丙寅廣西田州府土官知府岑紹道頭目劉廣沙州衛韃官所鎮撫滿答等未朝貢馬及銀器等物○先陝西全州絕戶稅糧三百五十二石有奇絹布四十九匹南鄭縣絕戶稅糧五百七十四石有奇絹布二十九匹○江西新淦縣丞屬中有罪伏誅中與土豪同惡害民凡催科必非法甚楚加數十倍取之所獲金銀

錦綺不可數計民不勝毒虐遂集眾焚劫王褒家而走山谷也
聚中與巡檢張斌等率眾捕之民奮前殺斌而縛中詣京師訴
之至南康官軍掩捕民械送京師悉寘于法 上以激變由中
命斬之梟首于縣以徇仍籍其家而徙其屬戍遼東○貴州鎮
遠府印水一十五洞蠻夷長官司長官揚勝武奏本司地極邊
方與黎平新化二府赤溪浦洞等處接境數被蠻寇乘間肆害
民不安業除令蠻民如舊辦秋糧全課應充馬驢夫役外其
僉充承差隸兵雜役等項皆乞蠲免從之○上視朝退御便殿
命翰林儒臣進講講大學平天下章竟 上曰治天下國家不
可無財用卽如生之者象四語行之固不必暴征橫斂而國用
有餘矣又曰秦誓曲盡君子小人情狀人君審乎此則好惡用
舍當矣後世若漢唐中葉小人倖位妨賢病國卒為厲階聖賢

之言豈非萬世龜鑑。○夜有流星大如雞彈色青白有光出五
帝內座西南行至雲中。○丁卯 上諭行在戶部臣曰此以商
販阻滯鈔法令北京官民蔬也照故徵鈔近聞鈔法稍通種蔬
鬻者獲利甚微可減其半俟鈔通行急蠲之。○陞行在光祿寺
珍羞署署丞王興為寺丞。○增除府縣佐貳官專撫逃民先是
巡按貴州監察御史陳斌言各處復業逃民有司不能撫綏仍
有逃竄者乞令戶部都察院各遣官同布政司按察司取勘名
數及所逃之數取回復業府縣仍增除佐貳官一員專職撫綏
上命行在戶部兵部議太子太師郭資等議在外逃民多有復
業而再逃者今當重造籍冊民若逃亡籍皆虛妄今擬南北直
隸遣御史二員各布政司府州縣皆添設佐貳官一員專撫逃
民 上曰凡郡縣官俱以撫民為職何用增設官多徒為民害

其更令吏部議擬以聞至是吏部言河南山東山西湖廣浙江
江西有巡撫侍郎其府州縣七百三十五處已于額外增官一
員凡七百三十五員宜改為撫民官其餘府州縣宜各添設佐
貳官一員 上從之曰此亦從權若造冊完取回別用于是增
除府州縣佐貳官三百七十一員○命武進伯朱冕往獨石等
處巡視邊備及戒飭邊將務守法奉公如虐害軍民及擅取一
毫者皆治罪時冕統兵運糧赴獨石故併命之○戊辰遣官閱
視京衛軍士先是成國公朱勇奏各營操練軍少 上命行在
兵部選京衛指兵十餘萬專事操練其後各衛多指差占為名
匿不實報勇請以御史給事中錦永衛官分臨各衛覈實軍數
毋致影射仍選指壯分隸各營操練從之○賜遼東安樂州故
韃官千戶木答兀子哈答木等絲帶表裏絹布襲衣有差○毛

憐衛所鎮撫忽失刺未朝奏願居遼東東寧衛賜金織襲衣珠
幣鈔布仍命遼東都司給房屋器物如例○行在工部奏今造
北京天地等壇及鐘鼓司教坊司樂器衣服工力不足欲于
浙江等布政司及直隸蘇松等府匠丁多者量選赴京供役人
月給糧四斗事畢遣歸如舊吏番從之○巡撫侍郎周忱言松
江府華亭上海二縣其東瀕海地高止產黃豆得雨有收其西
近湖地低堪種禾稻宜雨少洪武間秋糧折收綿布永樂間俱
全納米今遠運艱難乞仍折收綿布黃豆又上海縣舊有吳松
江年久湮塞昔尚書夏原吉等按視以爲不可疏濬止開范家
泖閘一十三丈通水溉田因潮沙往來衝決入十餘丈海沒官
民田四十餘頃計糧一千二百八十餘石小民困于陪納又華
亭上海舊有官田稅糧二萬七千九百餘石俱是古額科糧太

重乞依民田起科庶徵收易完 上命行在戶部會官議于是
太子太師郭資尚書胡濙等議奏華亭上海地有高旱時有旱
澇收成不一宜折收綿布起運京庫餘折黃玉存留本處軍倉
備用官民田淹沒者請再行踏勘上海縣大戶凡有多餘田畝
請分撥與民耕種以補常數其欲減官田古額依民田科收緣
自洪武初至今藉冊已定徵輸有常忱欲變亂成法法名要舉
請罪之 上曰忱職專糧事此亦其所當言朝儀以為不可則
止何為遽欲罪之卿等大臣必欲塞言路乎忱不可罪餘如所
議○己巳貴州宣慰使安中違把事何欵等未朝貢馬○庚午
陝西西寧衛國印鎮南兒監藏遣禪師賚未班丹等未朝貢馬
○賜烏思藏刺麻羅卓促密等絲幣表裏絹布有差○辛未直
隸廣平府廣平縣山西遼州和順縣皆奏人戶因災荒缺食請

予見有倉糧由借給賑濟秋成償官從之○壬申迤北韃靼阿魯里等未歸及和寧王阿魯台使臣五色等皆奏願居京自效命為指揮僉事等官賜冠帶金織襲衣綵帶銀鈔有差仍命有司給房屋器物如例○上以時雨初降四郊霑足召少傅楊士奇楊榮至文華殿諭之曰農務正殷而雨澤久闕朕夙夜在慮度未此雨殊快朕意士奇等對曰聖心惓惓念民天必鑒格上曰朕承祖宗付託未嘗敢忽遂命尚膳賜酒饌繼出御製喜雨詩賜之○夜有流星大如盃色青白光燭地起文昌西北行至游氣○癸酉河南彰德府涉林二縣皆奏貧民缺食不能務農請借本縣官倉未麥驗口賑給秋熟貸官命戶部從其請○甲戌賜大刺思回回打刺罕馬黑森等綵帶表裏有差○免直隸保定府滿城縣復業人戶秋糧三百八十一石有

奇穀草一萬餘束鹽糧二百一十一石廣平府廣平縣逃徒人
戶所欠糧米六百八十三石○韓王冲熾奏歲缺食鹽請朝廷
給賜行在戶部言祖訓無給鹽之例果王國不產鹽宜聽遣
人于他處市易從之○浙江温州府知府何大淵奏本府屬縣
自永樂十年至宣德五年逋欠歲造弓三萬七千一百九十三
張箭二十五萬二千三百二十一枝弓弦一十七萬四千五百
二十六條臣到任以來夙夜督造僅完二年而右布政使艾瑛
考滿以未完事妨其給由督責嚴急臣切以爲逋負年久而欲
取辦于一時于民實艱又弓箭遠成不堅虛費物料無益于用
揆其逋數欲得實用當以三四年爲期伏望聖恩允臣所言
布政聽其給由所欠弓箭俟陸續成造庶幾可用上曰瑛在
任已久延緩至于給由乃始督併慢令致期罪可容乎知府言

是宜從所奏大淵又言本府所屬四縣民丁鹽糧三萬二千餘石俱納金鄉等衛山路僻遠負荷甚艱而金鄉鹽石等衛官軍出海備倭每于温州平定倉開支行糧少則赴慶州支足乞以鹽糧收貯本府平定倉以備軍士行糧且免民運納之苦上以所言軍民皆使命戶部即准行之○乙亥行在左都督府奏廣西剿象衛百戶周壽進捕蠻賊至上林總無所得殺橫州平民二人取其首以徵功賞請罪之上曰官軍不能捕賊乃殺平民以徵賞甚于賊矣罪之勿貸○巡撫江西侍郎趙新奏令方面官雖出身不同皆由資格陞擢有臨政畧無施設者有貪虐為非者名與實異行與言違近吏部勘合令其考察郡縣官吏已不能正焉能正人是以好惡不公去取多謬乞令吏部先察布政司按察司官賢否何如賢者留否者黜然後可以責全

考察 上諭尚書郭璉等曰此言誠是自今考察外官必自布政司按察司始○江西永新縣賊艾長腦等伏誅長腦聚衆于邑之梅花洞出沒不特劫殺人民虜掠子女資財又拒敵官兵散百戶張本等至是就擒特命誅之○丙子四川長河西魚通寧遠等處剽掠金得伯等未朝貢馬○兼行在戶部事禮部尚書胡濙等奏今天下橫造黃冊宜清理戶口錢糧比聞各處逃民有倚軍衛屯堡及藏匿別府州縣不回原籍者請條列榜諭務在遵守違者必罪不宥一各處人戶或充軍役并有聚集充軍其戶下人丁及貼戶畏避原籍糧差匿于衛所屯堡者所司換查中報上司照名行取都司衛所占怯不發者令撫民侍郎巡按御史具奏拏問一南北二京富戶倉腳夫等役于京城居住者多有逃回原籍及避他處應天順天二府即查究換捕若

親隣里卷舉首及自首者俱免罪或知而不首及占情不發者
逮問如律正逃者發以外充軍一各府州縣頑民徃徃逃避他
方該管官務究所逃地方設法招回復業善加撫恤不許生事
投害一各處若有豪戶及官員軍民之家衛所屯堡隱藏逃民
許其首送發回俱免罪若隱蔽及占情不發者建問如律一但
有違民及自願為民并為事發為民在逃者所司中部挨等如
有容隱不行首官發遣者等問如律一各處軍衛有司常宜省
諭旗甲里老人等除有引客商外但係他處人民即報官拘審
發回原籍若縱容不舉該管旗甲親隣里老俱坐以罪一逃戶
彼處產業已成而原籍委無可倚或年老殘疾單丁力弱路遠
不能回還或原籍有人而戶下子姪出贅他處或安于生理不
願回者許于所在有司供報原係軍民匠籍行查果無違礙就

彼入籍若未歷不明并原籍尚有產業丁多力壯路近可回者
不許一稟收附變亂版籍一逃戶復業之後有被人侵占庄宅
田地即與追還牛具種子或有未備必相周急若鄉里豪戶仍
問取索私債并所司不加撫綏許撫民等官拿問仍杖限責令
招回復業一行取逃民及軍人隱占戶丁有司里老照冊挨查
仍申上司及撫民官巡按御史都司布政司按察司立限拘取
解送如容隱不發通行糾舉仍于宣德六年終各將已取逃戶
口數奏聞一軍職官有陞調改降及罷職充軍者原任家屬居
久成業或墳墓在彼及大職官在任病故并為事等項家屬不
能送鄉或葬父母于彼守墳住坐者許于所在入籍納糧當差
一福建廣東廣西雲南貴州五布政司所屬逃民數少俱不添
設官員其三司并衛所府州縣及上官衙門凡過行取逃民軍

人貼戶人丁并本處人民有逃他境者俱照前例施行一天下
橫造黃冊各該衙門將所管人戶丁口錢糧逐一清理不許朦
朧夫實違者究罪從之○丁丑楚王孟烷奏舊例設衛軍士八
分下七二分守城今止存一衛除老疾亡故女戶及諸郡王使
用外止存一千二百人供給本府乞免屯田行在戶部言楚王
雖一護衛見有官軍五千二百人况有餘丁下屯宜仍舊

上曰軍士豈應坐食令使用外仍以一半下屯○行在戶部奏
雲南布政司言近停中各處鹽糧專于北京中納緣雲南遠地
歲用糧儲金資客商中女寧等并鹽運未于大理金齒等處上
倉今既停中供給不敷請于女寧等并依宣德三年例准浙西
處依洪武間例仍召商開中其已納未北京等處中女寧等并
鹽未支者則令待支及雲南納米先中女寧等并鹽者依本處

時直于官庫支價給還事下戶部議今議請從所言其大理府
鄧川州雲南縣三處係近地中納者請依舊例安寧等四井每
引米二石其金齒軍民指揮使司係極邊中納者請減輕安寧
等四井每引米一石二斗黑白二井每引米二石准浙鹽每引
米二斗不拘資次支給仍揭榜召商聞中從之○廣東碣石衛
達總旗李善運官庫降香四百斤納京庫虧四十餘斤行在禮
部奏香當追陪并治其罪 上曰此蓋出納之際權衡低昂之
過當恤其遠米免陪亦不罪之○行在兵部奏北者遣官清理
軍籍郡縣補後軍丁離原衛二千里外者收于附近衛所今清
軍事畢其各都司衛所所收補後軍丁宜如故事歸原伍從之
○行在大理寺言義勇中衛倉軍斗監黃豆六升于律杖九十
于例斬全家發戍邊遠 上曰人命止直六升豆乎宥之又奏

良是其光叔罪令寧家○河南府知府李驥言鞏嵩永寧登封
四縣連歲民饑寄食他所今雖復業上年所負糧草不能辨納
命戶部悉免之○庚申武進伯朱冕奏奉命總督官軍運糧往
獨石等處臣思去年擬運四萬石兵部發五軍諸衛官軍列壘
轉運往還路遠止得二萬石上倉今欲運十五萬石若仍舊法
恐難集事請于宣府撥備官軍及萬全都司再摘五千人各從
近增立五堡庶無稽誤從之○巡撫侍郎趙斯言五事一近因
鈔法江西各府縣計口徵納鹽鈔有司但依黃冊所編丁口徵
收有死亡無從徵者有老疾貧難及居深山窮谷無鈔納者有
將男女典僱易鈔者小民無所告訴乞令有司開除亡故老疾
及山谷之民止令城市墟鎮及商賈之家納鈔一揚州儀真訣
五壩以通江南舟楫二壩專過官船及官運竹木諸物餘三壩

請故尚書夏原吉舊賜地二頃。上命錦衣衛遣官按視時順天府已給民人耕種。上曰既為民業安可侵奪。斥不與。○辛巳起復福建布政司左叅政顏澤澤以母喪去官。其民二百餘人訴于按察司乞留之。按察司以聞。上曰方面非親民之官而民不思其去是必有惠政及人。可令還職以副民望。○命四川都指揮僉事邢安鎮守松潘。賜勅諭曰。今命尔守松潘并提督茂州疊溪威州三衛。所必善撫軍士嚴謹守備堅固城池使番夷畏服。邊境肅清。或寇賊竊發則相機剿捕其餘不急之務非奉朝命毋擅科擾。○遷廣西武宣千戶所及武宣縣治。時總兵官都督僉事山雲言其地低下居民不利且不據險要難于防禦。縣西十餘里有地曰高土土壤豐坦阻山據水可以居守。請移置千戶所及縣治為便。上諭行在工部。臣曰有利軍民

當從所言然必俟秋成築城垣備而後可遷○日生背氣一道
色青赤鮮明○壬午朝鮮國王李禔遣陪臣成仰等奉表箋賀
會慶呈見○昏刻有流星大如碗色青白有光起東北雲中東
行至濁五鼓有流星大如碗色赤光燭地出牽牛南行入雲中
○癸未貴州金甌安撫司遣頭目趙榮及上馬橋等長官司土
官長官方永壽等來朝貢馬○賜雲南順遠鹽井鹽課司故土
官孫揚春鈔絲幣表裏○進北來歸鞋靸察罕卜花等曲先衛
使臣脫已皆奏願居京自效俱命為所鎮撫賜冠帶金織襲衣
絲幣銀鈔綿布鞍馬仍命有司給房屋器物如例○甲申賜廣
西田州府頭目劉廣貴州宣慰使祀事何敬等陝西西寧衛禪
師賞束班丹等沙州衛驍官滿答等鈔絲幣表裏有差○夜有
流星大如盃色赤尾跡有光出軫南行至濁○乙酉夜有流星

大如五色亦有光起壁東北行至濁○丙戌賜皇陵祠祭署未
朝祀悉江吉及陵戶四十一人鈔有差○丁亥賜四川長河兩
魚道寧遠等處利麻金得伯等鈔珠幣表裏有差○巡撫直隸
侍郎周忱奏廣德州及溧陽溧水宜興三縣邊湖近山民多頑
曠有司催徵稅糧勾攝公務多抗拒不服甚至聚衆劫掠近有
被獲者其財物以萬計又得其偽造各衙倉及宜興等縣印一
十七顆蓋用私造文書侵欺稅糧州縣官吏或柔懦無能或受
其賄賂反被挾制不能究治民之刁詐者愈多乞不拘常例選
朝臣廉明能幹者數人賜之勅書令署掌各州縣與正佐官一
同僉書二三年其弊盡革則令還京行在吏部言內外郡縣自
洪武永樂以來官有常員事有專職無京官署掌之例况侍郎
周忱職在催糧撫民民頑為盜所當理者既無所施設徒欲變

亂舊制宜治其罪。上曰：沈所言不過欲得人理民，非有他也。不阿兩文部，須慎擇守令，守令得人，安有是哉。○戊子，陞遼東東寧衛指揮仗廉政定遠左衛指揮仗鞏真俱為遼東都司都指揮僉事，定遠右衛指揮僉事吳誠定遠前衛指揮僉事張獻義州衛指揮僉事楚勇俱署遼東都司都指揮僉事。上以政等能盡心撫恤軍士，整飭兵馬，故超任之，以勵武臣。○己丑，總兵官都督陳懷奏：松番北定藤長官司言路匪等寨生番不遵管束，往往聚眾被甲持刃橫截道路，殺傷運夫，搶掠糧布，攻擊閃壁，畏不懼法。已遣人招諭，終不向化，請發兵討之。上曰：番寇或叛或服，固其常情，遂勅懷及四川三司巡按御史再撫諭之。如復不悛，必須剿捕，毋遺民志。○昏刻有流星大如雞彈，色亦有光，出柳西行，至南河。○庚寅，行在工部奏：浙江并直隸蘇

松等府州輪班工匠近以營繕起取多訛故失班請遣官分行
查審惟造兵器及織幣者存留若單丁常以營造放回者令當
後班其丁多夫班一次者赴部補班二次三次以上并從前不
當班者遠門罰班其湖廣江西二布政司合南京工部遣官查
審如例從之○夜有流星大如雞彈色赤有光起文昌西北行
至濁○辛卯命故金吾左衛帶俸都指揮僉事劉海子顯襲為
本衛指揮使羽林前衛指揮使趙通弟任指揮同知王真子政
錦衣衛指揮僉事蘇斌子友燕山左衛指揮僉事田通子資濟
州衛指揮僉事白忠子賞金吾後衛指揮僉事鄧時子振俱襲
職羽林右衛指揮僉事齊整子義府軍右衛指揮僉事曹壯弟
鑑武功中衛指揮僉事張璟子俊俱代職以整等老疾故也○
壬辰雲南孟良府土官知府刀先遣頭目招板陸等貢馬及金

銀器四方物○夜有流星大如盃色赤光燭地起軫西行至游
氣炸散○癸巳瓦剌順寧王脫歡遣使臣脫哈答等者原哈密志
義王脫歡帖木兒遣副千戶阿木力丁等來朝貢馬及方物○
甲午荆王瞻埒言隨侍官旗軍校多無居地 上命有司以官
有廢地給之○蘇門答剌國王宰奴里阿必丁遣使馬下米等
來朝貢馬

大明宣宗憲天崇道英明神聖坎文昭武寬仁純孝章皇帝實
錄卷之七十七

大明宣宗憲 大崇道英明聖神欽文昭武寬仁純孝章皇帝實
錄卷之七十七

監修官奉天清難推誠宣力輔運武臣特進光祿大夫左柱國太師英國公臣張輔

總裁官光祿大夫柱國少傅兵部尚書兼華蓋殿大學士臣楊奇光祿大夫柱國少傅工部尚書

兼謹身殿大學士臣楊榮資政大夫禮部尚書兼翰林院學士臣楊溥中議大夫資治尹

詹事府少詹事兼翰林院侍讀學士臣王直中議大夫資治尹詹事府少詹事兼翰林院侍講學士臣孫養

勅修

大明宣宗章皇帝實錄卷之七十八

宣德六年夏四月乙未朔享太廟遣中官祭司籩之神○山東益都縣知縣曹托奏本縣逃民欠永樂二十一年二十二
年夏稅杖糧三千餘石近蒙詔書凡逃民復業者免所欠稅糧
而戶部執歲額仍復追徵乞依詔書恩例蠲免上諭尚書胡
濙等曰詔書豈可不信果在赦例即免徵○丙申賜朝鮮國使
臣成柳等貴州金筑安撫司頭目趙崇等上馬橋等長官方永
壽等鈔緜帶表裏絹布及紵絲襲衣有差○迤北韃靼哈喇等
來歸奏願居京師命為所鎮撫沙州衛頭目伯蘭沙等來歸奏
願居陝西甘州命為指揮僉事等官賜冠帶全副襲衣絲帶銀
鈔綿布鞍馬有差仍命順天府及陝西行都司給房屋器物如
例○開平衛百戶劉信以失機被逮大理寺論信當杖一百充

軍信自陳初守赤城堡寇先犯堡信與敵被傷及寇再至信守
內堡而外堡被掠 上曰此法司不完情既被傷又守內堡無
失何以罪遂釋之巡按山東監察御史李翰奏布政司右叅議
沈定督公務于袁州充就州娶妾金鄉縣官歛銀與作財禮按察
副使于庭嗣以鈔三百貫於城武縣買絹十六匹抵償虧民請
俱罪之 上諭行在都察院臣曰任方面而所行若此何以表率
郡縣令格執而罪之○夜有星大如盃色赤有光出軫南行至
濁○丁酉賜朝鮮蘇門答刺二國貢使宴○戊戌山西布政司
右叅政祝銘坐事罰俸復職初詔留民採木以虛數報官法司
論銘欺罔 上曰此必總督者急迫不得已為之然身任方面
安可不持正命罰俸復職○昏刻莖出東井芒角蓬勃長五尺
餘○辛丑 皇太后聖節 上率親王上壽宗室諸王各遣人

奉表賀文武羣臣命婦行賀禮、壬寅巡按山西監祭御史張
勗奏山西官種紅花藍靛牛具人力費用甚多而收利甚薄況
地皆臨邊軍餉為急請罷種紅花以其地給軍民從之○夜有
流星大如難彈色青白尾跡有光出貫索西北行至左攝提○
甲辰雲南定遠縣改土官主簿林英子祥來朝貢馬○寧國大
長公主遣人奏迺因鈔法不通蕪地每畝徵鈔三百貫已蒙減
半請悉蠲之 上諭行在戶部臣曰國家行事不可有蕪戚之
分今蕪地鈔俱減半若公主園全免何以示公其仍舊待鈔流
通無問官員軍民園地俱免○山西太原府代州奏五臺縣去
歲早田較不收今民皆缺食乞以本府沙河等驛倉糧賑濟從
之○乙巳設萬全都指揮使司及四川松潘等處軍民指揮使
司僧綱司置都綱副都綱各一員○行在兵部尚書許廓奏大

同及萬全諸衛缺官 上曰朕昨閱京師五軍操備之數茂山
衛有軍七百二十人以指揮千百戶二十七員領之馬隊中七
人亦以指揮二人領之如此類者亦多宜勘各衛在京操備軍
士外而管領官多者分遣選衛若本衛原缺則於別衛官多者
調去○行在戶部尚書郭敦辛敦郭字仲厚山東堂邑人洪武中
自太學生擢戶部主事歲餘陞衢州府知府咨訪民隱革獎興
利郡俗貧死不能葬皆焚屍棄江敦相郊外得隙地百餘畝榜
曰義冢令貧者又為條約教民患難相助民利賴之禁止淫
祀同官有私取民財敦雖不面斥而義形於色其人悔謝改過
亦改容待之屬邑吏皆爭自濯磨敦舍內蠶箔嘗有叢絲類織
成繫帶修廣合度郡人謂其仁政之應在衛七年操守甚嚴一
志愛民永樂初坐累徵入京師郡耆老數十人伏闕乞留不可

皆涕泣去後廷臣有薦敦庶正不阿以為監察御史尋陞河南
布政司奉泰政無或調陝西以公務留京師太宗皇帝聞敦
有大臣體召見陞禮部右侍郎兼太僕寺卿洪熙中進戶部左
侍郎兼詹事府少詹事宣德二年陞戶部尚書陝西旱民困命
隆平侯張信及敦往撫之敦至悉革宿弊奏請蠲逋負賑貧乏
實邊儲考黜貪吏罷不急之務凡十數事上悉從之歲餘召
還敦忘身愛國知無不言及得疾上聞之命御醫往視竟卒
年六十有二上悼惜之賜祭命有司治葬敦性純實事親孝
閨門肅然於人不苟合公暇手不釋卷冰蘖之操無遜古人雖
官列六卿而泊然布素身沒之日家無餘貲○丙午命廣平侯
表積吏部員外郎素亨為正副使持節封永壽懷簡王嫡長子
志填為永壽王崇信伯賞剋史科給事中卓遜為正副使持節

冊西城兵馬副指揮楊瑛女為代世孫妃○封周定王第十七
女為高水郡主配河南故都指揮使田榮子俊第十八女為中
牟郡主配故都指揮僉事莊興姪忠命俊守俱為儀賓賜之誥
命○丁未以倉強盜功陞太倉衛百戶伍真為副千戶○宥總
兵官左都督陳懷罪先是御史王禮劾奏懷受賂庇罪人縱家
人奪官軍屯田二百四十餘頃令軍虛納子粒奪軍妻與錫為
妻每旦官負入見行叩頭禮三司幕官及府縣等官白事於前
跪請讀文書讀竟聽受發落如奏事狀三司堂上官所言稍不合
意輒叱嗾之僉事柴震等咸受旨奪請治懷等之罪 上命行
在都察院臣封御史章示懷等有無悉令懷疏實以聞至是懷
悉首實且謝過 上諭行在都察院臣曰懷武人不學之過始
宥之已而顧侍臣曰朕嘗聞 皇祖言中山王國家元勳旦暮

稍暇輒親儒生講說禮義而謙己下賢老而彌篤是以榮名令終今懷筆生不親儒者不聞言言安得無過○戊申興平王尚冊初奏府中缺人採薪命西安左護衛撥軍百人與之至是又奏所撥者皆屯軍請罷其冬衣綿花免其屯糧上謂尚書胡濙等曰軍士皆朝廷之人豈在王府則吳冬布綿花給如例屯糧亦免徵○命行在兵部右侍郎王驥署行在都察院事以右都御顧佐有疾也○巡撫直隸侍郎周忱兼督蘇松常鎮并浙江嘉湖各府軍衛巡捕賊盜時蘇州府奏吳江縣西太湖週圍八百餘里通浙江嘉湖二府及北通常州府其間多藏盜賊劫掠軍民比年大理寺卿胡縻巡撫擒捕頗得寧息近者復蹈前非罪乞勅巡撫侍郎兼管督捕故有是命○副總兵都督方政奏近令哨備官軍運糧開平今盜賊出沒無時請存留備禦先令

都督譚廣發軍運一次然後仍舊發軍民備運且言民方農作請於在京五軍發軍士以次輓運為宜上從之仍命政統軍護送○監察御史何敬家人市氣鬻蔬者以鈔爛不帶敵杖之二十竟死行在都察院論敬法應死上命宥死杖一百發獨石充軍○夜月掩房○己酉命在京各衛倉收糧短歷三年考滿者給半祿守支若糧不及千石如倉官例交盤給由調用仍侯九年黜陟○遣行在兵部右侍郎柴車等往山西經理屯田時巡按御史張勗言大同之地雖寒原野平曠所種粟麥有收而其地多為軍官以勢據占小民無地可種日以貧困乞遣官同三司官按視占耕多者分與軍民為便上是其言命車及御史一人往同理之○先山東安丘縣復業人民四千二百七戶所欠宣德四年稅糧一萬五千二百四十五石有奇○辛亥

光四川合江縣拋荒官民田地五十一頃四十五畝稅糧○壬子遭東東寧衛女直指揮使亦失哈等未朝貢馬○河南葉縣奏令農事方興民多缺食已發存留倉粟米麥豆三十八百二十三石濟之○癸丑賜雲南孟良府知府土官刀光所遺頭目招板陸等五十四人鈔文錦紗羅絹布及金織襲衣有差仍命內官楊琳等齎勅及絲幣往賜刀光等○召寧夏總兵官寧陽侯陳懋還京○甲寅賜瓦剌使臣脫哈答者原等八十五人及哈恭忠義王使臣阿木力丁等絲幣絹布有差仍遣千戶高斌齎勅及絲幣表裏往賜脫歡等○曲先等衛指揮同知散即思等連第刺千戶堅都等四人進馬贖罪○行在吏部奏求賢所舉官四十三人例當會官考試中有南海衛餘丁雜興考例 上曰古人立賢無方耕釣之中有五佐才其可以單丁棄之命考試

如例。乙外增置武功右衛如武功左衛之制以續收神武前
右等衛軍匠隸焉。○賜蘇門答剌國使臣馬下末等鈔綵帶表
裏襲衣有差。○江西按察司奏贛州衛鎮撫劉福嘗以私事干
贛縣典史不從過於路嗔不避以馬策擊之事屬違法。上曰
典史非衛屬官敢挾私凌辱况以策馬者施諸人手武夫橫暴
不可不懲命罪之如律。○兩儀設萬全都司儒學時萬全都司
奏所屬官軍子弟宜設學校教育。上命如大寧都司例設儒
學置教授一員訓導二員。○宥曲先衛都指揮散即思等罪命
遷居舊地散即思自太宗皇帝時來朝授官職置軍衛以處
之撫之甚厚比朝使齋勅往諭西域及西域朝貢之使過其地
皆為所邀劫殺傷。上怒命都督僉事史昭等率安定罕東之
衆討之散即思懼而逃至是使其弟千戶堅都等進馬贖罪

上以其能悔過語尚書許廓等曰遠夷小醜朕則舍之不足與校得失遂宥之止悉還所俘賜監都等鈔幣遣歸○上聞並海居民有私下番貿易及出境與夷人交通者命行在都察院揭榜禁戢○陝西安定衛土民王從義畜馬蕃息數以未獻遂劾守臣令禁戢官軍侵擾○行在錦衣衛指揮使王節等奏織染局匠數逃今奉命點刺上工所刺字未敢定擬 上曰 太祖皇帝聖訓不用此刑朕昨偶未之思其論依律○應天府溧陽縣妖人錢成等謀反伏誅初成言其子質嘗病死後生云見李老君謂其有福可圖大事遂招集土黨殺人焚廬合謀反從者六十四人有司捕之不獲南京守備袁咸伯李隆以聞 上曰道家貴清淨絕嗜慾後來小人苟求利己詐張禍福以誑惑愚民謂不忠不孝誦經皆得免罪愚民無知傾心嚮之是以姦人

多托以舉事前代禍亂不可悉舉今此輩又欲為張角那初隆
發兵捕之至是悉就獲械至斬諸市○夜有流星大如雞彈色
青白有光起房西南行至濁○戊午哈密頭目黑蠻亦力把里
頭目聃力拜等來朝貢方物○陞大理寺丞柴震為本寺右少卿
監察御史嚴推先為山西按察副使賴巽為雲南按察副使吏
科給事中黃澍戶科給事中韓岫工科給事中蕭嵩中書舍人
石慶親喪服闋調澍于行在戶科後慶原職改岫為行本司
副改交趾右叅議孫子良于山東布政司後董升河南許州知
州魏儀貴州銅仁府推官賈祺直隸祁州判官徐士宗江西貴
溪縣知縣俱以任滿當陞其吏民奏乞復任故復之各加俸二
級以翰林院編修李貞為廣東高州府學教授貞任滿當陞自
陳有疾乞就教職故有是命○設雲南大理府雲南縣僧會司

置僧會一員○賜遼東東寧衛女直指揮使亦失哈等九十六
人雲南楚雄府定遠縣土官子李祥等鈔絲幣絹布及製衣有
差○已未逆北韃官失都等四十九人携家屬三百餘口未歸
皆奏願居京自效行在兵部禮部第為五等以聞 上命一等
失都哈荅阿匝丁使臣失兒哈俱為都指揮僉事二等愷黑赤
阿谷帖木兒太平克者忽克沙刺八海里丁猛古俱為指揮同
知三等脫羅赤刺馬丹帖木兒哈皆赤速克脫歡使臣撒迭兒
迷失脫歡帖木兒俱為正千戶四等火濟哈皆赤伯顏克卜哈
台苦魯兀兒俺者兒仄朵兒只迭兒必失馬孩脫歡沙兀南卜
哈刺張也先帖木兒哈刺帖木兒孛羅帖木兒汪虎兒丁奄克
台俱為百戶五等失兀刺脫歡李台可列帖木兒苦提只蘭帖
木兒兀連帖木兒克失帖木兒啞蠻月魯帖木兒俱為所鎮撫

馬太洪

賜冠帶金織襲衣絳帶銀鈔絹布鞍馬有差海里丁猛古先未
通款增賞半倍其年幼者悉與優給 上譙行在工部尚書吳
中曰虜人慕義未歸可擇隙地造居室處之仍如例賜器物○
遣都指揮曹者赤帖木兒等往迤北賜和寧王阿魯台盔甲裝
衣時迤北鞏阻及阿魯台部下頭目脫脫哈益失都等來歸言
阿魯台為瓦剌所逼率家屬南奔廷臣有請出兵掩擊之者
上曰此虜自永樂中歸附貢獻不絕未有太過今勢窮屢義當
矜憫但彼未嘗自言朕示不欲勞中國之力以事遠夷若又迫
之于險豈仁者所為哉於是遣都指揮曹者赤帖木兒等齎勅
撫諭且賜盔甲金織文綺襲衣并賜其子火兒忽答孫及頭目
那駭等文綺襲衣○庚申 上御左順門謂工部尚書吳中等
曰比聞京師存留工匠中多有年久當代者用人之力必使勞

選適均今過期不代將謂官府無信宜速與休息○直隸碭山

縣奏去歲七月久雨不止低田禾稼皆滄泆上曰去年水災

今始奏至縣官怠於民事可知戶部其遣人覆視○廣平府永

年縣民韓廣發地得銀一百二十兩以進上謂尚書胡濙曰發

地得銀即已物既來獻其償以鈔○辛酉命故大興左衛指揮

同知張杜譽保子能金吾左衛指揮同知邢原先金羽林右衛指

揮同知李貴姪孫弘羽林前衛指揮僉事丁用子福通州衛指

揮僉事曾禮子珣俱襲職金吾左衛指揮使張貴子禮府軍衛

指揮同知李綱子昇錦衣衛指揮僉事何得子信俱代父職以

其父皆老疾也○浙江餘姚縣奏所屬山東東哥都舊有河池灌

田洪武中嘗疏濬潘民受其利今沙土壅塞水利斌少無以救災

乞如舊疏濬事下工部尚書吳中請遣官覆視果為民利則量

發民夫俟秋成後用工從之○壬戌免山東霽化壽光樂安三縣復業民五千三百八十餘戶永樂二十二年以來所欠稅糧○福建邵武縣奏布政司恭議陳羽主縣所隨皂隸有做過杖殺之羽又道里役備布九十餘匹與皂隸妻抑令瘞之其妻陳訴上諭右都御史顧佐曰從人有做罪輒杖殺之是豈有愛民之心任情肆酷如此何可使在民上命巡按御史治其罪○癸亥詔雲南激江府閩索嶺巡檢司置土官流官巡檢各一員從總兵官黔國公沐晟所奏也○監察御史張政言洪武間設糧長專辦稅糧近見浙江嘉湖直隸蘇松等府糧長兼預有司諸務徭役則縱富役貧科徵則以一取十詞訟則顛倒是非糧稅則徵歛無度甚至使良善奴視里甲作姦犯科民受其害乞為禁治命行在戶部禁約○山西布政司奏平陽府蒲吉二

州及永和榮河猗氏臨晉太平稷山萬泉河洋襄陵九縣自春
至今無雨坊于播種命行在戶部遣官覆視以聞

大明宣宗憲天崇道英明神聖欽文昭武寬仁純孝章皇帝實
錄卷之七十八

天
明宣宗章皇帝實錄卷之七十八

大明宣宗章皇帝實錄卷之七十九

宣德六年五月甲子朔巡按直隸監祭御史金濂奏蘇州府知府况鍾丁憂去職民二千五十人言鍾公正勤能盡革民賴以安乞奪情起復上從之命行在吏部臣曰民之所欲興之其令鍾復任不必赴闕○有浙江按察使林頌初授祭司史告碩受寧波知府黃永私謁又因赴京遣承差造船上命法司先逮問永永言與碩同鄉實以御物謁之寃所造船則碩出已賞為之至是碩以考績至京法司奏其過請治之上曰此不足為過勿治○夜有流星大如盃色赤光燭地起墳墓東北行至霹靂○乙丑藩王模斃王太祖高皇帝華十九子洪武二十四年八月封永樂初之國至是斃年五十有二王惇厚樂靜謹禮奉法本嘗有過訃聞上悼悼不已遣官賜祭命有司

治喪葬謚曰簡○四川叙州府奏富順縣去年田穀不收人民
缺食請給本府倉糧賑濟從之○丙寅 上謂行在兵部尚書
許廓曰朕素知軍士艱難嘗有命凡軍士皆免餘丁一人差使
俾得生理供給止軍所司不遵朕言以其餘丁赴工已是重役
而又以其在逃發遣充軍人何以堪今後在逃者止罰工一年
其有已發充軍者皆取回○廣西思明府土官知府黃瑯遣頭
目馮偕雲南定遠縣把事楊得中等來朝貢馬○行在吏部言
昨楚王孟烷奏其府中教授張登稟性很戾學術荒疎威儀不
修惟日縱酒累月不出閤或一出放肆傲慢略無尊卑之分不
合教授之職常出怨言已命取回今登至部請改用遂降為廣
寧前屯衛倉副使○行在都察院言監察御史尹崇高巡按廣
西獲淫僮男女六人悉留私家及他不法事律應徒當如例罰

復職 上曰此有玷風紀豈可復任令吏部別用之○免河
南開封府封丘縣逃民稅糧、安南黎利道頭目何衆等陳情
謝罪貢方物其詞云宣德五年八月內臣所差頭目陶公傑等
自京回齋立勅書一道諭臣兵器所以衛民安南之民皆朕赤
子留之於彼與在此同寘之不問臣與一國之人莫不懽忻感
戴惟官吏軍民家口及陳氏猶以為諭臣自知負罪深重無地
措躬臣竊惟 天地之大無一物而不包日月之明雖容光而
必照臣前後欵奉 聖諭累次差人贖本再三陳奏未蒙俞允
臣以此疾痛在心不能不號呼 天地父母而再伸哀籲昔宣
德二年遣來官軍所存之數已造冊繳進其鎮守各衛府軍民
官吏有總兵官成山侯王通內官山壽等率領回還後屢奉勅
諭追索臣又全國中但有前項人等隨即送出患病者亦令土

醫調治痊可皆送至廣西境上自回還各處頭目耆老已並稱實無見存留者今奉 聖諭前事臣益深惶懼不能自安抑臣媿熒之誠有未達歎履盆之下有不照歎且如臣之親屬及本國人口原被官軍所虜於班師之日盡數帶回臣與國人但賙望垂涕雖父子兄弟猶且不敢相認况復拘留中國之人上違朝命而自取罪愆哉意者前項人口回還之日山海之間風濤瘴癘染成疾病以至病故在家者不知其由因此陳訴屢噴 聖聽聽致深軫宸衷諄諄以孤人之子寡人之妻為諭臣雖愚下豈無惻隱之心以上承 聖天子仁民之盛意緣前項人等委的無存難以應命此臣所以殫天踏地但增憂懼而已其陳氏子孫於季薜墓國之時屠戮悉盡所存庸暗之人若簡定李攬等永樂年間相繼作耗大軍勦除無有遺者今奉 聖諭臣

又大集國人再行用心詢訪委無見存伏望 聖慈俯垂矜察
赦臣丘山之罪帶露臣雨露之恩豈獨一身之幸實臣一方生靈
之大幸也粟等又齋其頭目耆老人等奏為求封事致奉勅書
准臣等所奏黎利謹厚忠信撫綏有方甚得民心可堪管攝朕
用嘉悅又令大集國人更詢陳氏如果無後連名奏來朕與處
置臣等一國之人莫不懽忻踴躍喜出望外除欽遵大集國人
徧行詢訪陳氏子孫委的無存臣等切惟本國地方不可無人
管攝而黎利未奉朝命此臣等所以懇款陳詞而不能已也伏
望 皇上俯矜下情從民所欲乞臣等所請大霽洪恩使黎利得
以守土南荒奉貢天闕上以私弘 聖天子一視之仁下以蘇一
方生靈之命 上納之○丁卯行在吏部言召用進士崔遠過
期十月之上始至請罪之 上曰過期小罪彼方進用即負罪

名沮其志矣姑宥之○行在上部尚書吳中奏蘇州太倉間廢已久已嘗奏請移置淮安而所司官吏奉行稽緩比者主守吏言其倉屋舊為風雨損壞木植磚瓦為附近官軍盜取殆盡其官吏及盜取者皆宜究問上命行在都察院遣監察御史一員往按其事稽緩官吏姑宥之○行在都察院奏定州衛軍三人夜竄入城樓盜鐵器遺燭燼延及火藥燬城樓及所藏軍器一人為火所逼死二人皆燬傷趨出被獲亦死其指揮使馮洪夜巡百戶陳禎等防守不嚴請悉罪之上曰過人自取死不足惜但城樓器械皆軍民竭力所為可惜也又將重有勞費向使衛官能嚴約束安致此失命悉執而罪之○戊辰端午節賜文武群臣扇及宴○己巳申明御史巡按有司迎送之禁初御史傅吉巡按江西布政使孟桓等率官屬出郭迎候又陪朝王

寧府官奏其違法 上命言等自陳皆服罪 上宥之諭都御史顧佐等曰風憲官須守法乃能以法治人今御史多輕薄少年不以禮法自治喜人諛佞苟失迎送輒生事挫辱在外官亦不能自執禮法諂佞成風其榜示禁約違者悉罪之○行在浙江道監察御史張駿以淹禁罪人四年罰役復職○行在兵部尚書許廓言新設武功右衛凡十千戶所管領軍匠今選萬全右等衛多餘指揮千戶馮原等四十三人請旨調用從之○巡撫侍郎吳政奏近戶部勘合襄陽府大盩倉舊收小麥三十餘萬石專給本處官軍俸糧其宣德五年以後歲收小麥悉運南京臣切見襄陽府歲納夏稅小麥二萬二千餘石其所屬竹山上津等六縣離江七八百里秋糧已運淮安輸納若再運小麥民實勞困及見湖廣布政司大有倉積糧甚少支用不敷乞將襄

陽府小麥折收梗米赴大有倉輸納實便於民又奏長沙府湘
鄉等縣舊管人民甚多今所存十不四五田多荒閒乞發附近
直隸并江西河南犯徒流遷徙者分撥種田供納稅糧 上曰
襄陽夏稅宜從所言發遣罪囚種田不允○庚午賜哈密頭目
黑蠻亦力把里頭目聶力拜等鈔絲帶表裏有差○迨北韃靼
脫哈卜花朶歸奏願居京自效命為所鎮撫賜冠帶金織襲衣
絲帶銀鈔綿布鞍馬仍命有司如例給房屋器物○浙江右叅
議彭環言定海衛初撥寧波紹興二府秋糧三萬餘石為軍儲
未輸者一萬四千餘石比蒙 聖恩凡稅糧負欠者折收絹布
鈔定海官軍坐撥之糧皆作折收之數未曾撥補又黃巖守縣
土不產絹有司追徵甚於徵米乞緩其期限 上謂行在戶部
日軍餉不可缺其即以折糧布絹鈔補給若運糧艱難別為區

畫無絹之處聽從民便強又奏豪富人氏每遇桶充里役多隱
匿丁糧規避徭役質朴之民皆首實有司貪賄更不窮究由是
徭役不均細民失業乞令有司從公推點相應人戶充役違者
論罪從之○辛未命行在羽林前衛帶俸指揮使高英任行在
旗手衛許責任行在羽林左衛方忠任長陵衛指揮同知徐祥任燕山前衛○答審忠
義王子脫脫帖木兒陛辭遣指揮岳諫等護送并賜其父及忠
順王卜答失里綠帶又賜其頭目脫脫卜花阿魯哈亦北斗奴
及都指揮阿魯禿等有差○行在都察院奏近道御史高攀照
刷四川三司卷牘今已還京以所刷按察司卷牘本院所行爭
猶未及半切以都司布政司上水五府六部下轄軍衛有司其
行事比按察司當加數倍今未經照刷亦必尚多其間豈無埋
沒錢糧出入刑名重事諸司既不盡送照刷御史亦不追究俱

屢違法請再遣御史按問其首領官吏仍追刷所匿餘卷高舉
宜止其罪 上從之○總兵官都督陳懷奏四川永川等處強
賊依阻山林殺人劫財戕害官軍已就禽者男婦九十人先奉
勅推鞠明白戮其正犯梟首劫掠之處以徇令再鞠皆實不寃
請處決 上曰人命至重都察院令巡按御史同四川三司官
詳審果無寃抑如前勅處決或有寃者即與辦理毋枉及平人
○總兵官都督諱廣奏宣府糧少請如開平獨石例召商中納
雲南安寧黑鹽等井鹽糧以實倉廩從之○巡按四川監察御
史王翺言便宜五事其一松潘衛臨極邊去四川城八百餘里
番寇常出為害總兵官都督陳懷常居四川城中緩急非便雖
曰委官鎮守豈能盡姑約束若令懷往彼鎮守則士卒奉令當
恐畏威邊境平寧軍民安使其二松潘茂州諸衛所官軍月糧

皆成都府^州州縣百姓運送道途參差不齊多被番人劫掠若
令暫于成都等衛倉收貯農隙之際類集有糧之人齊力起運
都司撥軍護送布政司委官交量非惟道路無虞亦得收受無
弊共三四川所屬史典自洪武至今多不給由在御起戒詞訟
把持官府良民受害若立限許令自免^首罪其不首者事發之日
皆發附近衛所充軍屯田里老人等隱匿者各治以罪則訟息
民安政清事理其四四川諸府縣社學久廢民不知教所以爭
訟多而禮讓少若依洪武中事例不問土官衙門俱設社學使
民夷子弟皆知讀書則禮義興行民俗醇厚其五四川會川衛
開設銀場布政司歲運糧八千餘石供給軍夫往後數千里若
以四川三司及所屬衙門所問罪囚除文職官吏犯職及真犯
死罪外其餘皆依陝西囚人納米贖罪例自備糧米往彼納足

依運磚例發遣則民省轉輸官足供給 上覽之謂侍臣曰御史所言皆有理朕志在便民果得民使豈可不從惟運糧一事戶部再集議以閩務求至當於是命復四川所屬府州縣鄉里社學設土官衙門設學遷四川所屬歲久不給由姦吏挈家北京為民種田逃者發邊遠充軍四川罪囚除文職官吏犯職并真犯死罪外餘令於會川衛銀場納米以給軍夫 上復謂兵部曰松潘既去戍都八百餘里陳懷不能親臨惟發兵往捕將既畏縮兵亦憚行徒擾於民何損於賊遂勅懷往鎮松潘○壬申遣使齎勅撫諭老搆軍民宣慰使司土官宣慰使刀線達曰首我 皇祖太宗文皇帝臨御之時爾能敬順 天道恭事朝廷恪修職貢始終一誠朝廷待爾久而益隆朕恭膺 天命繼承大位一切政務悉遵 皇祖之心茲遣內官楊琳齎勅往諭

并賜爾綵帶表裏爾其益順 天心恪敬勤誠以副朕懷○賜
廣西思明府頭目馮偕等雲南定遠縣犯事揚得中等鈔綵帶
表裏有差○浙江麗水等縣強賊陳才等十三人伏誅初勅福
建都指揮劉海追捕至是悉獲才等械送至京 上命斬之梟
首行劫之處以徇○順天府秦霸州保定縣地依窪遠臨潞河
往者河岸缺壞皆是保定文安大成諸縣民夫同軍衛修築今
河水衝決岸漸薄且有坍塌之處若水溢決潰必傷田苗請如
舊集衆預修庶幾有備無患從之○甲戌巡撫侍郎趙新奏北
省永新縣梅花洞賊首蕭亦真等劫掠鄉村調江西湖廣二都
司兵三千餘人勦捕屯聚柳邑日出巡邏今已踰年賊未盡獲
官兵所至之地田穀孳畜一空居民不堪乞召回止令湖廣附
近茶陵衛江西永新千戶所各以官軍百人屯駐要地捕之

上諭行在兵部臣曰諺有恒言盜賊尚可官軍殺我此其言官軍之害宜從新言悉召還但令三司巡按御史督有司緝捕勅江西湖廣都司布政司按察司曰古人有單車喻賊而降之者有用計而賊自駭散者顧方略何如不在興師動衆也今此小寇用兵三千無益而有害其令官軍各還原衛所止留二百人巡捕爾等其協謀定策或推誠招諭使改過歸正或招諭不服以計殄滅悉從所便○丙子賜瓦剌等處貢使宴○夜有流星大如碗色青白光燭地起天弁西北行至濁○丁丑浙江布政司右參議彭璟奏浙江嘉杭等府稅糧浩繁乞增除參議四員一專管屯田一管浙西嘉湖杭三府其二員分於溫台諸府專理農務 上謂行在吏部臣曰古人云公私不足由設官太多其言不可聽○戊寅陝西金州及西鄉縣奏往歲逃民拋荒田

上雖回後業田較不收兼以絕戶數多稅糧皆無從措辦命戶
部悉免之○己卯起後韓福陝西鳳翔府知府福以父喪去任
鳳翔屬孫官吏人民一千二百七十餘人訴于陝西按察副使
謝孚言福廉能公正為政不苛勸課農桑勉勵學校為勤不懈
官吏知所勸懲人民有所依賴今以憂去官民皆失望乞留後
任孚具以刑命吏部令福赴任不必赴京○新建伯李王奏守
衛官軍多老疾者請選各衛精銳者補之 上從其請命五軍
選指揮千百戶旗軍一千三百六十四人更番上直分隸新建
伯李王都督同知任禮都督僉事李英張廩四人○回回馬黑
麻自甘州來朝奏願居京自効命為正千百賜冠帶金織襲衣
米幣銀鈔綿布鞍馬仍命有司如例給房屋器物○行在兵部
尚書許廓奏神策軍應天和陽三衛原分調處從旗軍二十七百

人多有逃故存者不足於用有總小旗姓各處勾軍違限有五
半之上者以致缺伍請行各處巡按御史并按察司執之解京
應勾軍士令有司勾解補伍又磨天和陽二衛原分調官軍內
四百二十七人洪熙元年奏回原衛屯田請取至調用缺人屯
田到選餘丁補之 上曰屯田軍豈可動勾軍違限者俟其回
日論罪○福建永春縣典史王顯章奏縣民賴福佑等深岩山
谷恃險不供徭役動輒聚衆宰牛殺血為盟抗拒官府請發官
軍捕之 上謂尚書胡濙等曰古賢守令德化所感有煙不入
境虎渡海者豈有人而不可化者彼之抗拒必有其由而遽欲
加兵非道其令三司及巡按御史同往撫諭且察其所由如果
民之頑獷亦具以聞○直隸大名府魏縣耆民張鳴等言本縣
逃民五百一十八戶逋負上年稅糧二千八百八戶逋負五年

稅糧一千一百八十五石穀草二萬二千三百四十餘束包納
艱難乞賜除豁從之○庚辰占城國王占巴的賴遣使臣適沙
怕美等來朝奉金葉表首奇藍香象牙犀角等方物○中兵馬
指揮司奏進士馬馴僦家婦之屋以居毀其器物又毆擊寡婦
上曰馬士忍以強橫加無告之人無仁心矣命錦衣衛執付
刑部○上視朝罷御左順門召工部尚書吳中諭之曰各廠
所貯材木初採甚難勞閩軍民殫極糧膏方得至此朕故加意
愛惜卿亦當體朕意有不當用切勿妄費若本大材而工匠斷
小用之罪亦不貸時近有以其事聞於上者故以此諭之○
辛巳降行在刑科給事中李芳為浙江嘉興府海鹽縣丞上
每朝退御便殿與大臣議事一日御左順門芳直前言洪武中
百官朝退凡大臣奏事必給事中二人與之俱所以防姦弊

上簡謂侍臣曰芳言是芳退輒自矜毋是百司所爲事少不如
其意不以大小即訪 上前言之哀皆側目至是 上亦惡其
訐故有是命○命行在工部務濟州衛舊倉之在平則門者置
於新太倉○子午行在刑部侍郎樊承等奏歷事監生彭本分
勸罪囚於律應杖而給囚應徒受囚白金十兩當杖加徒 上
從之語侍臣曰士非廉潔正直不可用今未授官而使之學焉
政已齷齪苟利尚可用乎○廣東貴州前衛所鎮撫表謙奏家
部司委捕盜新會縣而按察司移文都司令召謙領軍遂令所
捕賊未獲又言按察司挾制軍衛又訐按察司官家人之過又
言南海廟神舊有御賜金香盒今恐為人抵換 上曰謙必在
外擾民慮按察司治之故文吾文過遂命兵部行廣東都司別
遣人捕盜謹所奏事令按察御史體實併察謙果害民即治之

○直隸廣平府西安永年二縣耆民郭名等奏各社民累年遞
徙其戶內稅糧馬草有司悉令見在之民包納乞停免上諭
行在戶部臣曰此有司之過而免之○修宛平縣澄清閘○甲
申哈失哈頭目馬麻板吉河端頭目毋達立占頭目谷里馬等
東朝貢方物○謫都察院右副都御史胡虞於遼東虞先奉命
往四川督採木而私役官軍用所採木造什器及令有司造錦
綺卧具買白金白蠟不如直又役民悉送私家已縣知縣雷升
發其事付刑部鞠問至是刑部奏虞所犯應死 上宥之謫遠
東安置○行在兵部尚書許廓奏山東濟南東昌二府已給馬
草牧餘五萬四千一百八十餘匹及順天府種馬一萬八千餘
匹宜分隸兗州府及河南開封等府從之又奏北京各衛及直
隸鳳陽等衛所養孳生馬監臨官例應三年赴京比較今燕山

左等二十六衛已遺千戶徐平等齋冊至比較應追債馬六百七十三匹而所具數不同請先下平等法司究治鳳陽等八衛過期不造官齋冊前來比較其各衛原管革牧官俱應逮治上命已至者記罪追馬數不同者令改正過期不至者罰俸五月○乙酉行在兵部尚書許廓言本部先選北京國子監生吳昌等清理軍任籍冊今已二年欲照例送吏部選用然其間入監有文逆不同上曰年深者令出身年淺者令歷事如例茅用著為令○河南府知府李驥奏本府路當衝要舊設運_道一十一處正當耕種之時使客類繁則令傍近有司各以民車協助妨悞農功今自祥符縣以西蘇村道運所至偃師縣凡七所每所有車五六十輛運送糶少儘有餘閒乞命所司斟酌添撥為便上諭行在兵部臣曰勞逸貴均其令河南布政司斟酌

行之○丁方陞行在吏部驗封司郎中章厥為行在禮部右侍郎
即行在兵部職方司員外郎徐琦為行在通政司右通政○賜
占城國等處貢使宴○巡按四川監察御史王朝奏總兵官都
督陳懷自陝西調至四川鎮守以西安等衛官軍蕭斌等二百
六十餘人自隨各帶馬騾俱支糧料其原衛又支俸給月糧止
於四川城中從容遊惰並無差遣及取衣裳未洗亦開行糧虛
曠職後坐耗糜度 上謂行在兵部尚書許廓等曰近來邊衛
多奏缺官而此輩乃優閒無事若總兵官當有隨從四川未必
無人古之良將為國家立功名者必使人各盡其才而有志之
士亦不肯自暇自逸苟安務得者小人事也遂勅懷盡遣還原
衛○山東青州府高苑博興二縣奏往年歲餘民逃聚未納稅
糧絹馬草俱於故前失報乞如例蠲免命行在戶部免之○夜

有流星大如盃色青白有尾光燭地出文昌東北行至濁○戊子賜占城國使臣遁沙怕美等鈔絲幣金織綺絲等衣有差仍遣齋勅及文錦綺絲羅賜其王○直隸松江府知府趙豫言四事其一朝廷清理軍務未欲覈實有無使軍無隱民無枉徃時清理之官妄意朝廷重在得軍凡有戶絕抑逼里老人等索取同名同姓關親逆戚女婿甥舅承種田產之人解補倘或辨論加以酷刑抑使承充實非情愿有赴京伸訴移文照勘者有於府縣訴告分豁者凡一十一百一十名其餘陳訴者相繼乞勅公正官一員重與審勘果是應繼軍丁仍發充軍不應代役者明白分豁庶幾不枉平民其二兩浙場分煎鹽竈丁皆洪武中額設若事故勾補俱有定例今各場官攢以鹽丁事故馬由不經府縣徑自勾補殷富之家多為所害或以姓名行下官

司或以同姓名報自身擾有抑配在場辦鹽者有被總催鹽甲頭目私監取耐者緣諸鹽場不相統屬弊難盡革乞勅戶部差公正官一員督令兩浙都轉運鹽使司委堂上官公同府縣委官將現有龜戶丁口盡數審勘清理果逃故者今有司僉補明著文籍以爲照證後有事故憑此勾攝不使憲役者發田當差庶事有定規民不被害其三昨奉勅書矜恤民隱官田糧重十減二三而華亭上海有官地所科之稅一如官田今田糧減除地租未減乞勅戶部通行各處官田官地租糧一例減徵其四此戶部榜諭凡逃移人戶皆限三月復業違者與隱蔽之家俱發充軍此法至嚴人知畏懼然亦有未復業者蓋以公賦有欠私債無備故地荒蕪舊君毀撤難以措手不能安身乞勅戶部備榜通行曉諭仍令有司從寬取勘逃亡民戶凡有公私欠

員俱停徵三年凡諸差征亦在三年之後如是而猶不復業人
猶容隱者依前例發遣充軍庶幾逃民來歸上命行在兵部
戶部參酌行之○夜月犯鼎○己丑命南京五府六部都察院
等衙門堂上官凡以公事詣北京者俱給驛時上聞南京各
衙門官以公事詣北京者悉自出背僑舟曰南京北京皆朝官
且聞南京官俸簿治公事豈可令自賃舟故有是命○命故陝
西都指揮僉事曹英子永襲為金吾左衛指揮使羽林前衛指
揮同知童真子瑄指揮僉事丁貴子旺金吾前衛指揮僉事楊
茂子春俱襲職府車左衛指揮同知王教子福旗字衛指揮僉
事江海孫青俱代職以教等皆老疾也○命東寧衛故韃官指
揮僉事大吉等之子若女等各襲職○免闕外軍丁運糧時武
進伯朱冕奏已率官軍運糧六萬餘石至獨石雲州等處近因

多雨輓運甚艱又閩外正軍守備隘口餘丁悉令運糧所種田地不得耘鋤恐至秋無收乞暫止為便上謂行在戶部臣曰冕言誠是宜亟止之召冕還京俟秋收後再議○楚府儀賓耿琇卒訃聞賜祭○曆刻有流星大如雞彈色赤有光出天并東南行入雲中五穀有流星大如雞彈色青白有光出畢東行入雲中○庚寅四川永寧宣撫司長官王瑄等來朝貢馬○行在兵部尚書許廓言應天等府及直隸滁和等州縣見養牛一萬六千八百四十七頭請遣官如例印烙從之○鎮守大同總兵官武安侯鄭亨等奏阿魯台所部人馬二千駐集寧海子西北岸遂勅亨等曰爾但宜鎮邊備固城池彼不犯邊毋擅以兵逼之果來降亦容其實伴之入境或近邊居止或打圍或往北行聽其所之勿遣人出境覘伺致其驚懼或激變也○辛卯日下

生承氣一道色黃赤鮮明○壬辰命和寧王阿魯台使臣卜兒罕虎力為都督僉事卯哈喇失列門為都指揮僉事扯扯魯答帖木兒把兒捌為正千戶仍賜之宴○揭石雲州鵬鴉城因雨頽壞命以本處軍士修築○行在刑部奏定違後衛舍人貪隣兒銀項圍啖以果餌誘至僻地殺而取之沉尸水中當斬上曰古語匹夫無罪懷璧其罪是兒蓋項圍殺之愚人之愛其子者可以為戒○能仁寺西番僧孤納芒葛辣有罪當斬初孤納芒葛辣以遊方為名徧謁諸王干施與又詐言奉旨採茶幾事以惑衆遠王奏之遣人執至付三法司鞫治其實於律應斬上曰出家為僧本欲絕去塵累乃偽造惑衆取財既犯國法亦是其教之罪人大抵此輩愚人多信嚮之不可不治決秋斬之

大明宣宗章皇帝實錄卷之八十

宣德六年六月癸巳朔○甲午命行在中軍都督僉事李英理
行在右軍都督府事○賜哈失哈頭目馬麻板吉阿端頭目丹
速立占頭目谷里馬等鈔練帶表裏有差○乙未遣中官蔡中
審之神○復都指揮僉事劉銘職仍鎮守天城衛銘先以受賊
得罪行在兵部奏當調上曰銘久在天城習知邊事姑令復
職再不悛過不貸○賜福餘等衛來朝鎮撫土木得兒等吐罕
河衛招諭回遠頭目瓦赤克等練帶表裏等物有差○迤北薩
祖牙魯赤來歸奏頭居京自效命為所鎮撫賜冠帶金織襲衣
練帶銀鈔綿布鞍馬仍命有司如例給房屋器物○山西絳州
垣曲縣有強寇劫掠居民財物鎮守都督李謙督應捕官兵捕
之○丙申雲南禾摩村巡檢司土官巡檢王賜等來朝貢馬○

賜四川永寧宣撫長官王瑄等鈔帶○丁酉雲南八百大甸軍
氏宣慰司上官宣慰使刀招散等及諸長官司長官遣頭目叔
哀等貢象馬及金銀器皿方物○戊戌海西老哈河衛頭目桑
果奴木蘭河衛頭目交納等來朝貢馬○己亥永寧王有范妃
高氏薨遣官賜祭命有司治喪事○遣行在禮部右侍郎章敞
右通政徐琦齋詔命安南頭目黎利權署安南國事詔曰朕恭
承大寶統御下民體天心以愛人順人心以為治海內海外一
視同仁爾安南密比中夏國家受命爰先來歸我祖宗咸勤
綏撫叢因其下黎李聲試慕殺國主毒痛一方太宗皇帝遂命
甲伐之師將復陳氏之後而陳氏子孫徧求弗獲乃徇輿情建
郡縣置牧守宣德二年十月有陳暲者自陳故安南王嫡孫婦
自老嫗而與頭目黎利同奏請立暲繼陳氏之位言詞懇至朕

仰惟先志俯矜下情卽召還所置守吏及鎮戍之兵顧以建
立事重須協國人遂下詔國中以察衆意曾不旋踵黎利奏言
蒿卒果天意乎抑人謀歟自是連歲安南頭目蒼老並奏陳氏
之後已絕請以黎利管緝國事衆口一誠累章不已果得人以
撫衆固朕心之所嘉今允所請特遣使齎印章命利權署安南
國事以撫國人於乎民從所欲弘敷天地之仁事大以誠用保
生靈之福故茲詔示咸使聞知別勅利曰今命爾權署安南國
事其朕膺朕命無驕無慢惟誠可以格天惟敬可以事大惟仁
可以撫衆惟信可以保邦益殫乃心用迓來祉欽哉賜何來等
鈔幣並隨啟等婦仍賜啟等鈔為道里費○行在兵部奏昨陝
西行都司土官都指揮僉事李文言西番阿吉族頭日米吉先
等番民八百帳舊住野馬川歲納馬三百匹永樂間逃往甘州

白城山歲納之馮皆本簇之民代納果者兒等又縱者民往甘
州守處搶掠乞道還本土今請令都督史昭劉昭及陝西行都
司各遣官撫諭俾復業仍禁其為非從之○鎮守河州都督同
知劉昭奏羅思囊簇西番千戶阿失吉為親弟工喝所殺而據
其地按問已引服當斬 上曰殺元非常罪斬之梟其首以徇
使遠人知有法○庚子初直隸定興縣民王林子鎖定屢買輸
草膏收事覺行在刑部遠林當斬罪以替得贖大理寺審乞以
闕 上曰替者能輸草乎更詳審之勿使無辜受杜姦惡倖免
命刑部再問覆奏云林替實鎖定冒父名輸草用白金文綺賜
牧草千戶張啟買實收 上以法司治獄不謹罰行在四川司清吏
原問官及大理寺屬官俸三月堂上官有其罪○行在鴻臚寺
奏早朝文武官不至者五百餘人請治其罪命錦衣衛指揮王

節等歸名以送節等奏凡二三次失朝者三百餘人餘皆一次
上命二三次失朝者罰俸五月一次者釋之節又言其中清
平侯吳成順義伯金順等已失過祿本都督尹吉兕察等是職
官上曰朝恭之禮人臣不論大小皆所當謹侯伯位高職官
受朝命職亦非小安可不謹此禮一體罰俸以警後來已失過
者於來歲祿內扣除○辛丑命瓦剌順寧王使臣脫哈答者原
為都督指揮倉事亦刺思答因為指揮倉事圍永寧失為正千戶送
力迷失古木力火者為百戶各賜冠帶○增置儀真縣一壩至
五壩壩官一員○巡撫侍郎周忱奏溧水縣永豐圩周回八十
餘里丹陽石臼白諸湖遠之圩內舊住壩埂一十五里通斗門石
埭以司啓閉農受其利今又頽壞田之浸水者十已七八農不
得耕稅糧無出請以南京每冬所起本縣均工民夫候農隙之

時修築從之。○壬寅總兵官都督王凱奏比者軍卒馮春等告都指揮鄒溶屢嘗遣人交通漢庶人高煦及刊畫佛像數事命臣體實皆無實狀。上曰朕固知之大事不實餘事更不足究其妄告者皆杖一百仍戍邊。○初崇德縣吏金景瑞以私債強取周祥一等子女田業祥一等訴之官皆違之景瑞忿欲殺之與皇隸石謙等謀造誣詞假聞阿保名首祥一及所惡者趙昌保等十一人強劫民王回及海寧縣興福寺僧賞財逼阿保署狀盡執祥一等誣為強盜械送京師祥一等訴寃抑關阿保亦言狀詞非已出實景瑞等所為三法司以聞。上曰當追至與質對且令覆勘所云被劫者至是浙江布政司按察司皆奏體覆王回及興福寺未嘗被劫景瑞等至亦引服時祥一等十一人已相繼死三法司奏景瑞依律謀殺人造意者斬謙等從而

加功紋從之因諭都御史顧佐等曰朕於刑獄常切留心雖徒
流杖罪亦存矜念彼一縣吏乃以私怨誣殺十一人雖死不足
償自今卿等當益詳慎務究實情天道昭明人不可枉殺佐等
皆頓首○浙江温州府颶風雨作壞公廨祠廟倉庫城垣○癸
卯賜雲南禾摩村巡檢司土官巡檢王賜等鈔幣○甲辰封保
安王志炯母趙氏為保安懷僖王夫人懷僖王妃無子志炯以
庶子嗣爵請母封號故賜之○賜襄府梁府儀仗及校尉冠服
○賜雲南八百大甸軍民宣慰司土官宣慰使刀招散等所造
頭目板衣等一百十三人絳絲紗羅金織紗襲衣絹衣有差仍
命齋勅及欠絳紗羅賜力招散等○浙江温州府知府何文淵
言洪武中商稅並三十稅一十七年以前止收鈔及銀錢十九
年于府設稅課司諸縣設稅課局及河泊所收商稅錢鈔著為

定例若便於起解者解本色路遠費重者許變賣金銀金每兩
價鈔六錠銀每兩價鈔一錠至二十四年本府所屬共收鈔七
百二十八錠四貫易銀七百八兩八錢送納其後歲辦遂以為
例近雖禁使銀而商稅魚課仍徵銀巡攔綱戶陪納甚艱乞自
今年始仍援洪武十九年以前事例納鈔庶為民便又奏永嘉
等縣宣德三年以前欠鹽糧三萬四千四百八十九石有奇小
民貧難乞折納布絹鈔俱從之○山東濟州字及滋陽縣奏蝗蝻
生命行在戶部遣人馳驛往督有司捕之○乙巳行在戶部奏
廣東瓊州府遣人齎贖罰銀五兩四錢赴京進納 上諭行在
戶部曰瓊州至京所計其道途之費比所進加數倍所司何不
體人情今後如此類者但令于所在官庫收貯無以勞民○行
在工部言通州西門通京師倉廩亦在門外而月城角門舊砌

宰決止通小車單行今行者多常壅塞不便請更而廣之
上命俟農隙改作○直隸徐州豐縣奏去秋水澇田穀不收令民
八百四十二戶皆缺食已發預備等倉米四百三十七石賑濟
又勸富民出粟給之○丙午嘉河衛指揮同知教化雲南元謀
縣土官典史董保等未朝貢馬及方物○行在兵部奏總兵官
都督譚廣言都指揮唐銘再取宣府官軍往關平哨備緣先奉
勅關平哨備官軍選本衛一千人宣府等處一千人及內官蕭
愚原領神銃手三百人分作兩班久已選定遣赴備石聽銘管
領更番往來今銘朦朧重取請治其罪 上曰銘武臣始記勿
問哨備官軍依前處分失机誤事則罪之○夜月犯南斗第三
星○丁未行在刑部奏錢成孫嘗與王忠相毆忠妻郭氏從傍
救之誤墜所抱嬰兒傷腦死忠誣成孫踢殺論以絞罪大理審

允具奏。上以為獄有疑，令再鞠之。具得實狀，成孫得免死。上諭刑部侍郎英敬等曰：「法司不體朕恤刑之心，不以人命為重，專用榜掠承伏人，何得不究其原問？原審官吏俱罰俸。三月，仍命刑科識之，再犯不宥。」廣東都司官單攻破崖州羅活峒，斬作耗賊首羅任等生禽男婦三十八人，械送至京。命刑部○南京刑部侍郎改民奏近蒙。皇上嚴軍民越訴之禁，犯者杖一百。盡室發遣，東充軍。已著為例。切見在京軍民亦有不經所管官司，徑赴通政司告理者。蓋緣京衛例不問，因應天府雖問罪，因不自決，遣悉以歸刑部。及通政司受詞，俱屬刑部審問。發落雖姓比在外，驚越赴京，妄告之例。請勅所司，凡在京軍民有赴通政司及南京守備官處訴告得實，及誣輕為重告二三人以上，誣多實少者，皆依律論斬。如盡虛誣誣，臨良善者，則如

榜例從之○順天府固安縣奏今夏久雨潭河漲溢衝決徐家
等口○上命行在工部發民修築○上罷朝御左順門出御製
閏農詩一章示吏部尚書郭進曰朕昨宵不寐思農民之艱難
能使之得其所則在賢守令因作此詩卿當為朕擇賢毋使農
民受弊也詩曰農者國所重八政之本源辛苦事耕作憂勞且
晨昏豐年僅能給歉歲安可論既無糠覈肥安得繒絮溫恭惟
祖宗法周悉今具存茲適同一視履育如乾坤嘗聞古循吏
卓有父母恩惟當慎所擇庶用安黎元○戊申新作行在禮部
成錫宴落之命公侯駙馬伯都督尚書侍郎都御史學士祭酒
及通政司大理寺太常寺光祿寺鴻臚寺掌印官及本部屬官
皆與焉○己酉直隸霸州山水之漲衝決陟岸滄沒田稼○庚
戌命行在禮科給事中李錫署行在通政使司事○賜海西老

哈河衛頭目桑果奴木蘭河衛頭目咬納等十八人緣帶表裏
有差○四川鹽課提舉司上流等九井鹽課司奏所管蘆丁煎
辦重慶府合州赤水里白馬井鹽課一萬八千七百二十斤近
井崩塞艱于修淘鹽課逋負今傍近民田內有古踪竹筒鹽井
一處薪水便利請令各丁修理煎辦從之○直隸保定府慶都
縣奏自春至夏不雨○辛亥蜀王友靖奏成都三護衛請以中
右二護衛歸朝廷留左護衛官軍供役 上嘉其能者約從之
友靖又奏缺官請調補及留南人為匠皆從之 上命都督王
或兵部侍郎王驥持書諭王所婦二衛皆令赴南京所過給糧
與舟仍命或等途中善撫綏○癸丑命都指揮同知佟答剌哈
姪勝襲為都指揮僉事佟答剌哈永樂中在邊多效勞勤陞奴
兒干都司都指揮僉事後陞都指揮同知於三萬衛帶支百戶

俸而卒勝告襲行在兵部言都指揮流官不應襲上曰懷撫
遠人勿拘常例特命襲都指揮僉事仍食百戶俸○行在兵部
奏昨巡按四川監察御史王翺言松潘衛及所轄比定新塘等
閘屢被勒都祁命等族空即東路諸寨番人聚衆行劫殺死官
軍其守閘千百戶孫禮理衛事指揮王琰等失机三司委官提
調閘防不謹請令總兵官都督陳懷相機勦捕上從之命失
機者姑宥其罪○建昌知府陳鼎執廣昌縣丞徐政械送至京
政承府委攝南城縣事令里長洪飲食諸物計日費鈔五十貫
禹以其貪糞害民執以聞上命付行在都察院治之顧侍臣
曰飲食雖小事然廉節君子務養大體不肯以口腹累人羊續
者不可學邪○上退朝御左順門謂兵部尚書許廓等曰人臣
事君雖當鞠躬盡瘁若老疾則當優待之都督郭志祁英楊澤

今皆年老有疾宜令致事閒居有子孫者令嗣職於是志等三人皆致事○甲寅勅隆慶衛指揮同知李璟鎮守居庸關仍理本衛事撫綏士卒譏察性來凡城池烽堠屯堡俱屬瑯整飭遇有聲息即時馳奏仍報隣近守將隨机處置餘事皆與同官計議而行○開平衛奏本衛及赤城各處城垣為雨所壞臺墩亦多頽圯命萬全都司發各衛軍修築○昏刻熒惑犯氐○乙卯上臨朝諭通政司官曰今官軍別無調遣止是運糧比者小人懷姦輒造誣詞牽連告訐以求苟免今後運糧官軍有訴訟者皆遣還平江伯運糧事畢送法司鞠問者為令○平江伯陳壇奏歲運北京糧四百餘萬石役軍士一十二萬人連年輸運當蘇其力乞於浙江湖廣江西蘇松常鎮太平等府僉民丁及軍多衛所添軍與見運軍士通二十四萬人分為兩班每歲用

一十二萬人償運餘一十二萬人伺候更替可為經久之計少節軍人之勞又法司所問因徒內有宥死充軍贖罪者請發臨清以北隸河置衛編伍為軍令其屯種又江南之民運糧赴臨清淮安徐州上倉徑近一年有誤生理而湖廣江西浙江及蘇松安慶等官軍每歲以船至淮安載糧若令江南民糧對撥附近衛所官軍運載至京仍令部運官會計給與路費耗米則軍民兩便又自儀真至通州開壩或時損壞泉源或時壅塞請于濟寧置都水司設官吏而隸河州縣依浙江治水之例各銓官專職其事又委在京堂上官二員總督以時役民修築開壩浚導水源不必瑣碎申達則舟行無阻轉輸不誤 上謂行在戶部曰所言可行然不知於軍民果利便否遣侍御王佐往淮安與壇及尚書黃福再議可否以聞發因徒立衛置都水司

緣河設官始止之○四川龍州儒學訓導田璽言松潘蠻性背
服不常難于撫綏其所居處山林深險用兵實難宜遣官單分
守要害使其春不得耕秋不得穫彼既困乏當自相圖然後縱
兵擊之易以成功 上謂行在兵部臣曰此言雖似可未然天
生此類其性固殊為人君者但撫諭之使不為盜在此者不懼
其毒在彼者亦得安生此朕之心也其令總兵官盡心區畫務
在得宜○是日廣東儋州宜倫縣颶風大雨晝夜不止後四日
山水怒溢溺死人民湮沒解宇○昏刻熒惑犯辰東南星○丙
辰命行在大理寺右少卿傅容讓致仕啓讓湖廣石首人由進
士擢河南按察僉事清慎有為吏畏民服嘗奏築隄以禦河水
上從之就命啓讓董其役農民德之九載考最當陞河南史
氏秦乞留之命後原職陞止四品祿尋陞少卿獻議公平至是

以督餉浙江遂得風疾奏乞致仕從之。迨北和寧王使臣蔡
罕等八人來朝奏餉屠京自放命為副千戶等官賜冠帶全織
襲衣練帶銀鈔綿布鞍馬仍命有司如例給房屋器物。總兵
官黔國公沐晟及雲南都司布政司按察司奏奉命遣人招撫
車里宣慰使乃弄其毋具言自永樂甲布政司道承差劉亨徵
差發金亨誑取金銀謂先次年差發已而本司復遣承差洪溢
來徵蠻人疑乃弄欺已憾之迫逐乃弄逃入老撾尋回境內以
死未嘗棄地投順亦未嘗與刀雙孟離殺刀雙孟亦死矣今行
人董瑛及晟興三司委官撫安已定其實上聞命法司執亨罪
之。建昌府知府陳鼎奏荊府承奉蕭韶強占民家池塘土地
護衛指揮文斌縱軍牧馬傷民田稼又生事繫持擄辱軍民掠
取財物。上諭都御史顧佐曰朝廷待王以礼王亦安分守藩

凡此害民皆小人之罪百姓未知歸怨于王王之令德悉為所累其取詔至鞠之令江西按察司執斌治之凡所侵奪百姓者即令退還未稼計畝給償逆道勅諭王使知小人之罪○丁巳後半都督諱青老病特命致事○陞監察御史伍宗源為浙江布政司左叅議雲南按察僉事部惟中為廣東按察司副使雲南按察使臺賢親表服闋命復職推蘄州判官蕭亮古滕縣知縣任叅敏安寧縣知縣熊漢留守中衛經歷顧理任丘縣學教諭劉淳進士鄭真監生許敏廖文昌唐慎王奕何廣為行在監察御史亮貴州道叅敏理雲南道翰浙江道淳廣東道夏江西道敏湖廣道文昌廣西道慎山東道奕四川道廣交趾道復嚴蕭雲南景東府同知陞正四品祿李茂奇安慶府太湖縣丞陞從七品祿俱以任滿當陞其民奏乞留之○夜有流星大如雞

彈色青赤尾跡有光出羽林軍東南行至濁○戊午以虞城縣知縣竇和為南京福建道監察御史南宮縣知縣隆英為行在山西道監察御史和英俱九年考最至京吏吏奏其公康平怨乞令後任吏部言已除知縣代之夫上曰近御史多缺正欲得人知縣歷氏事久必知為政大體俱令為監察御史○命故浙江都指揮僉事別景祥孫福全襲為羽林前衛指揮使金吾右衛指揮同知趙英弟剛大興左衛指揮僉事李繼子智襲職羽林前衛帶俸都指揮僉事曹林子得代為本衛指揮同知旗手衛指揮同知李景子晟羽林前衛指揮僉事劉清子紀代職以林等老疾乞致事也○賜嘉河衛指揮同知教化雲南元謀縣典史董保等鈔絲帶表裏有差○上因陰暑念獄因命三法司速審錄具奏○行在大理寺奏通州學倉支麥已盡學正劉

唆令人掃除得餘麥五斗當歸官而私用之於律應徒論盜糧
應斬家戍邊 上曰以五斗棄餘之物殺人不可令戴罪還職
罰俸一年又奏蘇州民有弱孫為博者所誘竊其祖白金八十
兩博者遂殺其孫以滅口當斬 上曰賭博大是惡事亡賴少
年一迷而不反未有不失身喪家者故家長于子孫必戒訓戒
使務實使不接于見聞則心不亂矣今死者亦是失教之過豈
可不戒又奏鎮江金壇縣主簿郝端怒吏王俊慢己因事播五
百下^之又獄俊父及叔就獄視之端誣為劫獄皆重播之三人皆
死獄中俊有尤端怒發其事又誣其罪執而重播之亦死獄中
端皆引服於律應凌遲處死財產給死者之家妻子流二千里
上曰縣官以私忿殺四人惡無以加其論如律因曰當官先
以暴怒為戒誠是要語○昏刻有流星大如雞彈色赤尾跡有

光出向陳東北行至關道○己未謫赤城備禦都指揮汪貴充
為事官往廣西初貴科歛軍士財物又剋減官給軍士綿花入
己法司論監守自盜斬上曰朝廷念邊軍寒故賜之彼若能
愛恤軍士豈忍侵奪使下人受苦殘忍不仁斬之非過但念其
前勞姑宥死令充為事官詣廣西聽總兵官山雲調使改過自
效○陝西按察司奏都指揮苗旺掌蘭州衛占種官屯田二頃
致軍餓死者十六人請治其罪上命巡按御史覆勘如果矣
即是旺故此十六人執而罪之勿貸○山西曲沃鄉寧芮城三
縣各奏自四月至今無雨田苗枯槁○辛酉命修岷王府第王
永樂中徙居武岡州治至是言棟宇朽壞有推墜者遂命有司
修理○命豹韜衛指揮僉事劉綱鎮南衛指揮僉事王綱俱署
都指揮僉事督運糧餉以平江伯陳瑄言二人幹濟政有是命

○免直隸大名府開州後業人八百九十五戶宣德五年秋糧二千二百八十七石有奇穀草四萬四千六百七十四束○南京禮部言比因國子監生衆多令天下學校悉依洪武三十年貢額府學一年貢一人州學二年貢一人縣學三年貢一人今監生入仕者多在監者少兼有差遺欲仍照洪武三十年以前例自宣德七年為始府學每年貢二人州學二年三人縣學一年一人庶足任使 上從其言○鎮守西寧都督史昭奏西寧地臨邊境控制者虔先已撥軍三千人屯種近侍郎羅汝敬視有閒田再撥軍餘一千一百五十人下屯其陝西行都司不分各城堡軍士多寡察令分撥遂致臨邊衛分缺人守備乞將原屯田三千人內選壯士五百人仍前操備以俟調用戶下餘丁屯田納糧庶為兩便從之○壬戌賜少師吏部尚書蹇義等招

歌 上謂之曰朕嘗作招隱詩賜羣臣以示求賢之切然古亦
有招隱詩蓋彼欲招隱者與之俱遊朕則意在招徠賢者而用
之使無久淹巖穴恐才德之士猶未悉朕意不肯輕出再賦七
言招隱歌以示卿等序曰朕惟賢者致治之具肆即位以來屢
詔有司舉德行才智之士將與共圖治道然林泉巖穴必有遠
引而不輕出者朕夙夜念之不能已已夫枉己求售非志士之
本心而潔身獨善豈聖賢之中道故作招隱之歌欲使幽遠之
賢皆明朕志庶幾幡然奮起者有蓋昔人嘗賦招隱矣彼其有激
欲與俱去遊世道人一己之私朕之所懷天下之公題雖同而
志則異觀者亦亮志焉身詩多不載又謂義等曰卿等為國重
臣同朕欣成特示觀之夫舉賢為國人臣之忠其必有以勉副
斯新意勿徒眛為空言可也○夜有流星大如盃色赤有先出妻

東行至濁

大明宣宗憲天崇道英明神聖欽文昭武寬仁純孝皇帝實錄卷之八十終

大明宣宗章皇帝實錄卷之八十

宣德六年秋七月癸亥朔享太廟。遣中官監同門之神。元者前衛女直指揮同知阿剌克廣東文昌縣故土官子林。等來朝貢方物。甲子設漢陽府漢川縣劉家隔巡檢司時。廣按察使李彙奏劉家隔去漢川縣遠而與雲夢孝感應城三縣相連土著之民止有九戶而各處客船往來貿易駐泊者常三五千艘亦有結屋安舍不去者慮有逋逃軍民雜於其間或至相殺為盜宜立巡檢司。上命三司覆勘以為宜故設之。巡撫侍郎于謙言山西蒲縣有賊三十餘人行劫商旅巡捕百戶王智遇賊與敵被害請發兵往捕。上勅都督李謙與山西三司官設法捕之。乙丑昏刻有流星大如雞彈色赤尾跡有光出右攝提西南行入雲中。丙寅廣東布政司右叅政楊魁

辛寇字宗昂舉進士 太宗皇帝選進士曾榮等二十八人
翰林進學寇預焉後授刑部主事未幾陞郎中治獄明察而諂
事上官尚書吳中薦之 太宗陞本部右侍郎寇修儀容善應
對既得君即背中每事不白中徑聞於 上後奉命守山東既
還坐故其第私罪下獄遇赦復職明年命巡撫福建藩憲及郡
縣官之貪濁者悉奏黜之民稱快焉既還復以前罪下獄 仁
宗皇帝登極遇赦復職後數日有言寇繫獄時嘗教罪人林茂
帥詐訴克寇代書狀遂降山東叅政 又有言寇志不莊慮與高
興交通為非者遂改廣東自是貪濁之行益著寇有幹才而懷
市心初為進士時鄉僧道衍為僧錄司左善世以守城舊勞未
禮遇寇傾心事之未幾賜衍名廣孝授太子少師寇諂事為父
廣孝沒躬為服喪士類鄙之○夜有流星人如五色赤光燭地

起天倉東北行至濁○丁卯行在刑部所繫囚及獄事聞命錫
衣衛執其巡獄官及司獄吏卒治罪 上諭侍郎施禮等曰罪
因繫獄凡獄具輕重各有宜施嘗聞 太祖皇帝言仁於仁不
仁於不仁強盜何足矜憫而姑息之今之逸如虎逸柙人復被
害夫此由堂上官縱弛故下人得以生矣推情論法爾亦當罪
姑停俸治事必俟盜獲而後與俸益不復爾罪不免○己巳釋
監察御史周安初命安往徽州等府督有司採木金華同知吳
洙以絲木料斂逮赴浙江道洙誣安受白金百二十兩都察院
逮安論獲罪安遣人訴寃且言木曾王金華 上諭右都御史
顧佐等曰御史出外必欲振舉綱紀而小人不使動誣以贓鄉
宜與之辯勿致受枉於是行勘皆如安所云佐以聞 上曰幾
枉此人即釋之○上親閱三法司所上繫囚罪狀諭之曰朕送

強盜不孝人命盜官報等重罪不宥其受枉法贓及雜犯死罪并違徒流悉如永樂中例罰後贖罪力不能贖者輸作工匠准半限罰笞杖深宥之其追贓罰鈔欠多者行原籍追徵倍罰鈔者十分免追其七其有覆勘并待對未到見聞未完能自服深俱准此例若未服罪其情可矜者聽親識保領出外庶免覆死是日決遣八百餘人○庚午命行在戶部給岷府江川廣通陽富鎮南四王歲祿各五百石米鈔中半無支○迤北和寧王阿魯台使日俺克先刺等奏朝表頤居宮自致命烏百戶等官賜冠帶金織製衣練帶銀鈔綿布鞍馬有差仍命有司加例給香奩器物○行在戶部奏四川納未贖深例先是四川按察司副使朱恩言及松潘諸衛山路險遠糧餉難運四川布政司及巡檢監獄御史王翺復奏會川衛寧勒山新聞銀場歲用表

八千石給礦夫償運不便各請以屬內罪囚非文職官吏生贓
及真犯死罪者納米於二處贖罪 上令行在戶部議至是請
如所奏議以松潘去四川喊一千里其米每筥一十五斗杖亦
如之徒一年六石每筥加一石徒三年及三流皆十石雜犯死
罪二十石會川去四川喊道里倍於松潘其米視松潘則筥杖
每一十減二斗徒流減二石雜犯死罪減五石四川行都司近
於會川請如松潘之例從之○行在工部尚書吳中奏山東布
政司直隸河間府民夫在京工作者皆給糧賞今多逃逸請遣
官追至問罪罰工 上曰既與報實彼安肯逃爾當深究其弊
之源今不必遣官但行文令自來不來罪之未晚○巡撫侍郎
曹弘奏兗州府魚臺縣蝗蝻生命行在戶部遣人馳視督捕○
奉未行在兵部尚書許廓及御史給事中劾奏會寧伯李英不

守法律招致逋逃軍民周買兒郭三三等七百六十餘戶分置
莊所令其屯田土家人為總管名號以帥之邊人皆畏莫不敢
言當正英罪 上曰英受重爵當守法寧應為此或其家人假
英名為之其勿罪英但令都督史昭追所昭逃軍逃民悉還官
○壬申哈密忠順三十答失里遣指揮速來蠻等來朝貢馬○
貳百 上諭行在兵部尚書許廓曰軍職為事舊嘗降調別衛
所者悉令復舊自今有犯悉依永樂中例罰輸作以贖免調○
既里河衛女直指揮僉事弗魯忽克四川保縣番僧刺麻南甲
八等來朝貢馬及方物○賜鞭官侯伯等草場先是都指揮也
先帖木兒奏在京居久所給牛馬未有牧地 上命行在戶部
遣官行視順天府屬縣有空閒地非民耕種者給之至是戶部
言三河等縣地多空曠遂定撥侯四百畝伯三百畝都督二百

五十酌都指揮二百酌指揮一百五十酌千戶衛鎮撫一百二十酌百戶所鎮撫一百酌○成國公朱勇泰在京各衛所武官子弟先皆操練其後多以襲職視事然亦有多餘不視事者請仍操練從之○行在兵部尚書許廓言比奉命回各營把總官成國公朱勇尋閱視五府屬衛弁全在尋衛換軍其間強壯精銳者少老疾罷弱者多又多病殘疾仍作正伍支報及在營有丁無錢不准更管原籍有丁不為行勾甚至賄求在閒及私役於家以避征差者其弊不可殫舉又言京衛軍士丁口每籍可稽須從新勘實籍著丁數送部其老弱殘疾者驗實令壯丁代在營無壯丁者原籍分代米戶絕無丁保勘三次皆同者循例除籍上曰軍伍不實限衛所官兩月內清理俱要精銳者先後編丁口籍令五府官回御史給事中各二人理其事專令

侍郎王驥總督代替者並須驗籍勾補者限十月覆勘者限一
年仍不實及稽緩者皆罪之。巡撫侍郎曹弘奏准安府海州
沒官牛一百六十九頭與民佃賃納租米每歲水牛一頭五石
黃牛三石五十年久牛死者一百三十四頭納米米已乞除豁
從之。監察御史吳方劾卷懷未銜受白金二十兩隨行監生
十人受三十兩及衣服等物指揮馬璵等發其事。上諭都御
史顧佐等曰朕常言御史以法治人先當自治自身違法何以
責人悉治之如律。甲戌遠北和寧王阿魯台遣使臣福受及
答刺罕賚亦的等來朝貢馬。昏刻燬惑犯虜北第二星。乙
亥海西阮里沙等銜頭目谷安出等來朝貢馬。賜兀者前銜
女直指揮同知阿刺羌等七十四人廣東文昌縣改土官子林
丑等鈔絲幣表裏襲衣有差。宥孟瑛陳濟謝鳳賓懋罪先為

事官瑛守襲父保定侯爵生第賢逆謀奪爵請重南濟右軍都督俞事鳳湖廣都指揮同知從守支陟懋南寧衛指揮使生事請成支陟省坐劾三通謀法司議濟奇當誅上念瑛舊勞潘鳳懋頗有材幹亦非通所親厚者特宥之令充為事官全瑛鳳往宣府聽總兵官譚廣調濟懋往獨石亦威德副總兵方政調。丙子以明日中乞遣衛王瞻埏發長陵獻陵總兵官都督陳懷奏番蠻出沒劫掠而官軍數少成都三護衛見操官軍二千五百人請調餉勦捕行在兵部言成都中右二護衛蜀王歸之朝廷遣都督王或侍郎王驥起取今陳懷請調官軍宜於所存成都左護衛內選調若更不敷今懷於附近松潘等衛所量調從之。丁丑巡按山東監察御史張政奏開原備禦都指揮鄒汝私從軍士及聽納粟買閒約及百人請治其

罪 江諸右都御史劾佐曰濠雖可深然善處多今邊將報難
其宥之但移文令改過勿再犯。己卯命著峽西行都司都指
揮僉事指揮呂昇掌肅州衛。遣北和寧王使臣阿力打刺罕
等四人來朝奏願居京自致命為副千戶等官賜冠帶金織紫
衣絲帶銀鈔綿布鞍馬有差仍命有司如例給房物器物。命
行在戶部以順天府寶坻縣荒地四百畝賜清平侯吳成從成
所奏也。行在工部奏各處逃匿起發武功左右二衛屯軍區
多有到衛即逃蓋是衛管官不善撫恤停止未定即令服役今
後宜全寬郵使有定處然後赴工。上曰今後初至者皆優宥
一月俟居住定然後供役著為令。辛巳陞禮科給事中李錫
高行在通政司右叅議。命都指揮施聚往遼東操備。四川
布政司左叅議彭讓言四川成都前守衛雅州等十戶所旗軍

自洪武間從軍子孫多有不知鄉貫者亦有原籍無戶名者今但正軍餘丁一二人 在營其餘老幼有五七人至二三十人者各置田莊散處他所軍民糧差俱不應辦之行四川都司及撫民官勘實就令各於所在有司附籍辦納糧差聽繼軍役庶丁糧增益版籍清明從之○士午遣錦衣衛指揮王息等齎勅諭福餘朶顏泰寧三衛都指揮使安出歹都猛古乃等聽其來朝及往來市場但嚴飭部屬恪遵法度毋輒侵犯邊境仍賜安出等絲幣表裏○雲南武定軍民府把事張海等并聽襲女土官薩本四川馬湖府沐川長官司把事夷朝宗等來朝貢馬及方物○賜哈密忠順王使臣速木蠻等絲幣表裏有差○童寬山衛女直指揮同知夫令等以奏事至賜絲幣及絹○賜迤北和寧王貢使宴○行在兵部尚書許廓言 仁宗皇帝諭三法司

有為事充軍未到衛所者備詔書例放免其後本部奏定自永
樂十九年以後者從赦例十八年以前者仍從軍其赦免者俱
不赴京供報其實致不應放免者亦多倣倣潛回軍衛有司無
從稽考嘗奏請遣官嚴行所屬督發赴京 皇上寬仁令應免
者量地遠近自來聽理除其兵籍其不應放免就發原衛今各
處有依限自至者既審實放遣而限外不至者尚二千五百餘
人請再行所司委官督捕械送京師 上曰宥免軍役出 皇
考深思其二千五百人未必忘恩但或是道遠或貧乏或有死
下者可再立程限令赴京更違限者罪之○行在兵部奏總兵
官都督譚黃宣有諸驛皆軍衛給馬軍務奏報日繁而馬不
足且驛中鋪陳什物行糧稟給亦多未具請增設馬驢及措置
鋪陳等物今議口外豈峪驛至閻平五驛止通一路以環州等

驛擺站軍士遞送宜量給馬驢若豐峪至雲州四驛屬隆慶衛軍
遞送宜分所有馬驢給之岔道榆林等驛欲增設馬驢請行太
僕寺於寄養官驢及餘剩馬內給之擺站旗軍就萬全山西二
都司附近衛所量撥鋪陳行糧原給行山西布政司量給為使
上從其言○太僕寺奏應天等府州縣原編養馬并新增人
丁七十二萬四千七百四十丁每五丁例養馬一匹而馬牝牡
配合各有數今牡馬領養數足而牝馬尚欠宣德五年孳生又
增壯駒一萬餘匹無人牧養亦有年終所生未堪起送者請給
直隸徐州及宿州民丁牧養聽候取用從之○常州府知府莫
遜奏宜興舊額歲進葉茶一百斤後增至五百斤近年採辦增
至二十九萬餘斤除納外欠九萬七千斤乞以所欠茶分派產茶
州縣均辦且定每歲所進茶例免差官督責 上諭行何戶部

在

臣曰不意荼之苦民如此所父者悉免追今後歲辦於二十九萬斤減半徵納一委有司提督朝廷勿復遣人○癸未賜阮里河衛女直指揮僉事弗魯忽克等四川保縣番僧刺麻南甲八等鈔絲幣絹布有差○大興縣民張三驢以役事斂里人陳信顯財物相毆提曳信顯母抱未晬幼男奔救失足跌仆地傷幼男首死遂告三驢擊殺之三驢不能自明行在刑部論絞罪讞之 上曰嬰兒在懷抱非與聞者安得擊殺宜覆覈之刑部逮其親隣及旁見者皆云實跌傷死非擊傷也乃論信顯誣人死罪未決當流三驢科斂取財當徒 上諭侍郎樊敬等曰爾等職司刑罰而往往輕率如此下人受枉必多矣朕蓋慚見卿等卿等寧不自慚乎敬等皆頓首○登州府奏宣德元年遣庫子蓮綿布五千疋赴遼東至鐵山海風壞舟布皆沉溺官責庫子

償貧無所措辦 上謂行在戶部曰海風壞舟室人力所能制
果有證驗悉免償○常州民陳浚奏曰兄弟三人長兄濬永樂
中左春坊左贊善次兄洽兵部尚書母唐封太夫人年八十而
二兄俱歿于官且幸得朝夕奉母今以賢良舉至吏部乞賜免
歸侍母終身 上顧尚書郭璉曰洽免工部濟事先帝亦博學
今浚又以賢良舉非賢母然此三子其免浚歸養母他日用之
未晚○夜有流星大如杯色赤尾跡有光起天因東行五游氣
○甲申中刻有流星大如盃色青白尾跡有光起東北行至西
北游氣昏刻有流星大如盃色赤尾跡有光出箕南行入雲中
○乙酉復大興左衛都指揮僉事劉聚官初聚守備遼東廣寧
衛虜入境殺官軍三人聚坐不覺當死謫充軍立功 上念其
舊勞宥使復職專項備仍罰俸三年○總兵官左都督譚廣奏

此者副總兵都督僉事方政言故龍門縣及李家莊地當要衝宜在故龍門縣立一衛李家莊堡立一千戶所修築城池并烟墩一十五座分軍屯守今覆勘之政所言實便利上從之○丙戌四川長河西魚通寧遠等處國師朵兒只監築道刺麻溫卜卓思吉四川昌州長官司長官阿壽道把事業白等未朝貢馬○丁亥亦馬忽山等衛指揮僉事木刃兀等未朝進方物○賜迤北和寧王阿魯台使臣答刺罕賽亦的等絲幣絹布有差仍遣都指揮僉事曹者赤帖木兒等齎勅及絲幣往賜阿魯台等與之偕行○勅總兵官都督譚廣以農隙築故龍門縣及李家莊城堡設五烟墩其力作及防護官軍於萬全都司及山西行都司調用設龍門衛於龍門縣以山西護衛官軍調在大同宣府者各一千往守之設龍門守禦千戶所於李家莊以山西

護衛官軍在寧化千戶所者五百七十五人在代州振武衛者
內發五百人往守之。○宥遼東有罪官軍初官軍以失機當死
者宥其死降充軍於極邊戍守至是。上念其久困勅總兵官
都督巫凱自宣德四年以後犯者皆宥之復原職從仍令專哨
備再犯處免。○戊子雲南木邦軍民宣慰司土官宣慰使罕門
法等遣頭目刀葉放等貢象馬金銀器皿方物。○賜海西阮里
沙等衛頭目益安出等緣帶表裏有差。○行在兵部奏武官幼
男優給及老疾官員無人承替應與全休優養者多願於南京
及原衛原籍閱文。上曰老安少懷宜從其便不必拘例。○直
隸廣平府雞澤縣奏縣民逃者三百一十六戶未復業糧草無
徵。上令免之。○己丑雲南鎮南巡檢司故土官巡檢子等未
朝貢馬。上諭行在吏部曰新馴馬數人俱年少宜令習詩書

知禮義可如駙馬井源例俱與教官一員於是駙馬李銘焦敬
王誼各除學錄一員○命政府軍左衛指揮使袁琮第蹟通州
衛指揮使許是子安濬陽衛指揮僉事張榮子貴俱襲職羽林
左衛指揮僉事傅瑜老疾命其子榮代之○順天府涿薊二州
良鄉永清二縣霸州大城文安保定三縣直隸河間府靜海獻
二縣真定府定州及曲陽縣保定府定興新城二縣大名府開
州長垣縣各奏今年六月以來久雨潦水淹沒禾稼○直隸楊
州府興化縣奏貧民二千四百八十三戶歲餘乏食已借給官
倉米三千七百三石八斗賑之俟豐熟償官徐州揚州山陰四州
嘉定州健馬縣亦奏民缺食旨於官倉給糧賑濟○庚寅行在
右軍都督府奏廣西全州千戶百戶黃玉往象州哨瞭遇猛
人二執送千戶朱寧玉又遇獐人執其一因激變猛獐射傷官

軍于數人王遂還其所執寧乃殺前所執二人誣其為寇臨陣
殺之以掩己罪 上諭行在都察院曰邊將但當防夷使不
為寇可也夷本無事而激之高亂天地鬼神豈可欺乎令巡按
御史鞠治之 行在禮部言藩府長史司呈本國見有喪禮稽
於經有喪者不祭社稷山川等神宜令停祭從之 直隸揚州
府興化縣徐州蕭場山二縣各奏本年五月中至六月積雨水
漲澹沒田稼 壬辰福餘銜頌日咬納等貢駝馬

大明宣宗憲天崇道英明神聖欽文昭武寬仁純孝章皇帝實
錄卷之八十一

大明宣宗章皇帝實錄卷之八十一

大明宣宗章皇帝實錄卷之八十二

宣德六年八月癸巳朔 上御奉天門諭都御史顧佐等曰各處體審官員本欲分別賢否使人有所激勸近日累有奏陳或言姦民樞檢其罪或言御史及方面官以好惡為去留紛紛不已朕惟矯詐者固多誣枉者亦未必無鄉等其以朕意戒勸之去取務令至公今後有徇私偏聽以枉為直以賢為不肖者必罪不宥○巡撫侍郎于謙奏今年七月黃河暴溢濟沒河南開封府所屬祥符中牟陽武通許滎澤尉氏原武陳留八縣民店田稼○甲午命武定侯郭瑄兵科都給事中又郁為正副使持節開北城兵馬副指揮蔡祥士為鉅野王妃○遼東哥吉河等衛指揮僉事木列忽等來朝貢馬及方物○乙未恭寧等衛都督脫火赤遣指揮同知安忽等來朝貢駝馬○命給事中儲懋

車遊亨吏科卜禔楊威亨戶科虞祥劉海亨禮科陳瑞楊鼎亨
兵科調史科給事中牟富賈銓字刑科李個龔全安亨工科
上以六科近侍職在駁正奏牘閱防諸司掌科事者必須得人
命吏部俱錄其名以進 上躬自審擇得懋等十二人每科以
二人掌之○權山東益都縣丞何恭湖廣祁陽縣學教諭馮履
山東清平縣學訓導胡清江西清江縣學教諭朱良江西武寧
縣學訓導徐觀馬行在給事中恭史料復清禮科觀刑科良工
科○勅行在都察院副都御史賈諫等曰比者刑部官尸任曠
官率意出入人罪情重者苟免無罪者含冤又綱紀不立不能
絕下致強盜越獄逃罪已不容爾等所理刑名宜加詳審務
盡至公使法雷其罪為人無寬乃副朕意時諫等按事江西故
以是誠之○迨北來歸鞫胆言和寧王阿魯台為危利脫歡迫

逐又聞中國將發兵征之倉惶無措上謂侍臣曰東人之氣
西擊之豈仁義之師遂遣勅諭河魯台曰聞王困於危利避之
南未朕深矜側而諸將有奏請發兵巡邊者朕慮王部屬驚疑
已卻不聽乃聞有人為王言朝廷將發兵乘王之契此詭詐之
言決勿信之朕體天心以御天下豈忍利人之災困人於危矧
王自朕嗣位以來一心歸順遣使朝貢接踵於途今當危難之
際宜相救援豈有相害之理特遣都指揮昌英等再往諭言王
其寧心靜志安居邊塞無聽間言自生疑貳朕之此心皎如天
日王其亮之○楚王孟燒奏民間失火延及後宮凡請系勅符
底簿皆燬上遣書慰問命侍臣再錄譜系及勅符底簿遣人
送王府○丙申察利充河衛頭目者英哥等來朝貢駝馬方物
○雲南按察司奏廣邑州土官知州阿都魯等赴任過限於律

應罪 上曰待遠人當畧細故罷不問。丁酉遣少傅兵部尚書兼華蓋殿大學士楊士奇釋奠先師孔子。行在禮部奏工部遣交江雲南生夏衣完請賜之。上曰秋已及半夏衣何用有司不得人類如此今後必須及時給賜違者罪之。直隸徐州及沛縣順天府東安縣河間府青縣真定府新樂縣各奏今年六月天雨不止河水泛溢淹沒禾稼。戊戌祭 太社 太稷。賜四川長河西魚通寧遠等處刺麻溫卜卓思吉昌州長官司把事業白等馬湖府沐川長官司把事夾朝宗雲南武定軍民府士土官薩本把事張海等鈔線幣表裏有差。夜有流星大如雞彈色赤有光出左旗西行至濁。己亥建州左衛指揮僉事卜顏克兀列河衛指揮僉事阿里哥塔山衛指揮僉事打隆加等來朝貢方物。賜遼東赤馬忽山等衛女直指揮僉

事木力兀等四十八人緣帶絹布有差○巡撫侍郎吳政言湖廣瀏陽廣濟等縣洪武中開堰塘積水以備乾旱近歲堤岸損壞不能蓄水凡遇亢旱田稼損傷乞勅工部移文諸縣於秋成後發民修築及天下堰塘損壞淤塞者俱令以時修治上令行在工部令天下有司急遵洪武舊制於農隙時發軍民協同修浚惰慢者罪之○常州府知府莫愚奏守令親民之官而黜陟臧否出自朝廷通時公差官倚勢作威做公營私或失指送或供給未備稱件其意輒加鞭笞或聽信下人之言以廉謹者為貪汙以設任者為正直賢否不辯是非倒置乞加禁止今後凡守令及佐貳官果貪虐老疾則起送吏部果廉正有為秩滿赴部考覈稱職則賜勅書以褒之庶善有所勸惡有所懲上命吏部凡公差官凌辱有司者許指名陳奏其言褒寵廉能

有當考察其實然後行之。○庚子海西兀里吳等衛指揮僉事
字羅哥等來朝貢馬。○辛丑亦馬剌衛指揮僉事穩察撒刺兒
衛指揮僉事多羊加也達兒衛指揮僉事伯思罕等來朝貢方
物。○行在刑部奏遼東百戶張富程玘初從指揮皇甫斌巡邊
猝遇寇圍斌而富等皆走匿不收於律應斬。上曰姑宥其免
宥杖一百降充軍俾立功如再失機必斬不貸因諭刑部曰
古人有用敗將而成功者昔皇祖亦為朕言使功不若使過
今姑宥之。○壬寅疏浚沈疇河時巡按監察御史章聰言真定
府滹沱河淤塞比山水泛溢又衝壞河岸及軍民廬舍舊有護
城河堤亦被衝決宜令修築。上令行在工部發附近軍民為
之。○癸卯起復楚府長史司左長史方祖安還任令便道之官
從楚王孟悅奏也。○免直隸廣平府肥鄉縣逃民一千二百一

十八戶稅糧銷緡苑及戶口食鹽鈔。成國公朱勇言諸衛幼
官舍人操練者滋多宜選老成官二十人督之務使精練武藝
庶得實用從之。行在兵部奏會同館廳堂房舍四百三十餘
間歲久損壞宜加修葺。上謂工部尚書吳中曰四方朝使所
集之處不可不治俟秋收畢即為之。○甲辰四川威州故土官
孫董山雲南定遠縣耆民劉保等來朝貢馬。○江西按察司副
使石璞奏冬至止旦行慶賀禮本處文武官員先於上藍寺習
儀行禮繞畢寧府長史劉堅審理止沃能奉祠止感祥等不容
各官退班釋服就令習賀寧王禮其萬歲金牌儀仗俱不動令
典儀宋安等唱班行九拜禮又今年五月初一日典儀所移文
到司以賀寧王千秋節令各官具服前期赴鐵柱宮習儀目切
惟禮有定分尊無二上其寧府長史審理等官未知何據輒令

文武官一體習賀儀沃能感祥官止六品八品出入俱用藤棍
竹篋前引有違禮制乞并罷之 上謂行在禮部曰寧王老成
人未必不詳典禮但官屬過分耳可稽方王府舊行禮儀申明
其制沃能等備分越禮令長史司遣赴京○天津右衛倉副使
紀養奏北城外軍家失火飛焰入城燒三千餘家延及倉廩焚
糧七萬一千石有奇焦灼不堪用者一萬五千五百石有奇今
法司追問令臣等陪納緣火起有因陪補實難 上命都察院
遣人勘實以聞○乙巳海南衛千戶俞華奏隨指揮黃瑀捕崖
州黎寇瑀令目領兵先擒賊葉瑀為後繼要約已定山路險阻
賊倏險設伏臣率兵徑進被賊衝突傷官軍二十六人臣力戰
乃得退兵而瑀竟不應援反以控劍歸罪於臣臣復率兵擊賊
殺獲二百餘人今賊已平而巡檢廣東御史仍以瑀言欲問臣

深實瑀誣且上謂都御史顧佐等曰古語善用兵如率然謂首尾相應蓋同力一心則功可成今前後不相應固是收敗之道宜令御史與之明辨務盡至公○直隸保定府祁州及清苑安肅滿城博野蠡五縣各奏六七月兩多河水泛溢淹沒田苗○丙午初行在後軍都督府奏萬全都司近邊糧餉為重請如雲川諸衛令罪因納米贖罪上命三法司與戶部議今後萬全都司及屬衛所問罪曰除真犯外其文職官吏犯賊者皆如律若非犯賊其輕重罪因有力納米者以近就近運赴獨石等衛倉納完俱如運贖例各還職役死罪一十二石流罪十五徒八石杖五石笞三石宣府隆慶永寧懷來開平保安諸衛興和千戶所有犯運赴獨石倉懷安萬全保安右衛美峪廣昌二千戶所有犯運赴宣府倉從之○行在兵部尚書許廓奏四川成

都府雜穀安撫司土官安撫葉甲謀殺魯思麻寨首板達強據
其他 上命總兵官都督陳懷四川三司各委官撫諭令還其
土地如不服相機勒之。丁未命都指揮僉事李謙等督諸衛
切官及舍人操練。行在兵部尚書許廓奏湖廣三司言五開
黎平衛古州長官司羅里諸寨苗蠻為亂攻擊傍近諸寨焚廬
全殺人掠財請調兵勒之。上曰姑緩發兵命都督蕭授及首
州湖廣三司撫諭之順服則已不服即調兵勒捕。行在刑部
右侍郎蔣魁奏本姓白父景中幼失父母育成於祖姑之夫蔣
宗因從其姓今請復姓白從之。戊申蘇門答剌國王率奴里
阿必丁遣使臣都者看等卜忽克河等衛指揮僉事忽失不哥
來朝貢馬及方物。夜有流星大如雞卵色赤尾跡有光起天
津東北行至天樞。己酉遣官祭歷代帝王。庚戌祭太歲風

雷雷雨嶽鎮海濱山川等神。遣官祭旗纛之神。賜雲南木
邦宣慰司頭目刀葉故等三百二人鈔絲幣表裏裝衣有差。
鎮守洮州衛都指揮使李達奏令修孔子廟材木充斲皆備惟
少油鐵膠丹乞於陝西布政司官庫支給。上謂尚書吳中曰
武將興學使其下人皆知尊禮孔子而務忠孝亦可喜之事其
悉從之。○夜月掩鼻。○辛丑琉球國中山王尚巴志遣使者由
南結刺牙奉表貢馬及方物。○賜雲南鎮南巡檢司故土官之
子楊平等鈔有差。○上諭行在工部尚書吳中曰開平項備及
緣邊守瞭軍士艱難宜給皮裘狐帽鞋袴禦寒鄉馬爲計度遣
官運往給之。○山西潞州屯留縣民因缺食逃徙田地荒蕪
稅根馬草無從追徵命戶部除豁。○壬子宥湖廣都指揮同知
黃榮寺罪初湖廣金沙洲高茂火延燬城樓及楚王後官諸司

衙門并居民二千六百餘家。巡按御史秦榮等不用心撲滅，請罪之。上曰：水火特發，豈人力所能禦不問。○癸丑，賜華陽王悅燿庶長子名友暉，次子友璧。○以九年任滿，陞行在翰林院編修朱孔暘為左春坊左中允、刑部郎中，祝同為河南布政司左叅議，行在廣西道監察御史周英為福建按察司，念事河南按察使陳禮親喪，服闋，調廣東按察使。復王彬，太醫院判。陞正五品祿徐彥麟，潯州府平南縣知縣。陞從六品祿彥麟，任滿當遷。以其民奏留政，有是命，以不勝任，黜監察御史符節為饒州府餘干縣知縣。呂珪為順德府任縣知縣，以姦利事，黜監察御史尹崇高為寧國府推官。○賜哥吉河等衛女直指揮念事木列忽等三百三十五人，秦寧等衛指揮同知安忽等六十七人，綵幣綉布有差。○福餘衛頭目咬納等五人，自瓦良峪招諭還

賜之綵幣表裏。行在右軍都督僉事郭志泰。目父義洪武間
為千戶。以征討功累陞。今賜爵安陽侯。目亦以征進功得官。此
者。遵疾蒙恩。就聞。今日疾愈深。惟父子蒙朝廷大恩。願任事以
圖補報。上謂兵部尚書許廓曰。志泰初。僉未可遽勞。姑令將
息以俟。○甲寅。命故勇士指揮使童良弼子玉襲職。仍於羽林
前衛帶俸。黠官泰寧衛都指揮僉事阿者罕子脫火亦襲職。陞
指揮同知阿魯忽里為指揮使。○增置廣西貴縣。辛亥。寨巡檢
司土官副巡檢一員。○順天府豐潤縣。順德府鉅鹿縣。保定府
慶都。新安。高陽三縣。河間府河間縣。各奏夏末積雨。決旬河水
泛溢。滄沒田禾。乙卯。靖江王府輔國將軍質儲卒。遣官賜祭。
命有司治葬事。○亦力把里。益思王遣使。目滿刺阿力等。各貢
駝馬方物。滿刺阿力。別自貢玉石。及駝其所部頭目。窩打力等。

各貢馬○以招諭叅福餘衛頭目吐納扯里台為指揮同知
牙位乞里加哈乃利哈為指揮僉事泰寧衛頭目克出台為指
揮僉事○丙辰貴州安順州土官同知阿窳遣把事楊保等來
朝貢馬及方物○賜琉球蘇門答刺二國及元良哈等處貢使
宴○行在兵部奏雲南大候知州刀春漢強奪景東府土官知
府陶瑄所管孟緬之地又孟定府土官知府罕務法與孟越長
官司刀壞罕立侵土地殺人掠財勅總兵官懲國公沐晟及雲
南三司會議遣官諭以威福俾各歸所侵孫安分守職勿貽後
悔○丁巳賜建州左衛指揮僉事卜顏兔兀列河衛指揮僉事
阿里哥塔山衛指揮僉事扣隆加亦馬刺衛指揮僉事穩察撒
刺兒衛指揮僉事牙加也連兒衛指揮僉事伯思罕察刺兒
河衛頭目者英哥等緣帶絹布有差○以雲南騰衝守禦千戶

所隸雲南都指揮使司永樂中析其地置南甸州宣德初又析置騰衝州俱隸雲南布政司獨騰衝守禦千戶所屬金齒軍民指揮使司每有緩急二州徑達布政司兩千戶所必由金齒始達都司往復旬餘事多違誤至是奏乞徑屬都司馬使從之○浙江右叅議彭瑑奏台州黃巖縣所屬太平等十二鄉一百六十四里山多地廣每遇徵收租稅民多逃避宜於太平鄉添設一縣又杭州府知府馬儀奏海寧縣計三百三十餘里民依山傍海離縣遠者或二百餘里莫肯奉公宜於本縣黃岡市添設一縣上謂行在吏部曰今民不加多稅賦仍舊添設縣即多設官皆用民供給是民未獲利而先受害勿聽○戊午趙王高燧薨王太宗皇帝第三子母仁孝皇后永樂二年四月封趙王命居守北京洪熙元年四月之國彰德王寮學問好武事

初守北京時命有司政務悉啟王而後行而邪說左道之人多
見進用永樂七年 太宗皇帝初巡守至北京聞其過失震怒
誅長史顧歲盡執其所用小人褫王冠帶不許入侍賴 仁宗
皇帝力為救解乃復冠帶聽入侍選國子司業趙孝通董子莊
為長史二人同心匡輔朝夕左右講論載籍王亦易心聽納務
循禮法惇行孝敬事 仁宗皇帝甚謹將之國力解二履衛自
是奉藩甚恭而重噴禮士未嘗有過高熈之殿也其堂有誣王
與謀者 上不聽高熈既就執又有進言於 上請遂移兵併
擒趙王者 上亦叱之王聞之遂盡納其股術 上待王益厚
賜賚稠疊初聞王得風疾遣中官及御醫馳傳往視又加重養
至是薨 上聞訃悼慟輟視朝三日遣使致祭命有司治喪葬
謚曰簡。討朱思萬戶亦思馬因遣使且打刺罕擒黑馬黑麻

閩哈克等未朝貢方物。賜四川威州故土官孫堇山卜忽克
河衛指揮僉事忽失木等五十二人雲南定遠縣耆民劉保等
鈔絲幣表裏製衣有差。命御馬監選馬千匹給萬全都司選
百匹給永寧衛官軍哨備。行在工部奏昨湖廣衡山縣言南
嶽衡山神廟梁柱皆蠹損請命附近府縣以時同力修理仍令
布政司官一員督之從之。己未命左軍都督僉事哈剌把都
兒孃孫良馬指揮使哈永平衛帶俸。後白塔河及儀真等壩
河先是監察御史陳祚言白塔河宜開後置閘又侍郎趙新言
宜浚白塔河及儀真舊江口鑿起河黃泥灘清江閘俱宜浚導
上遣主事潘厚及揚州淮安府官審視仍與平江伯陳瑄議可
否及所用人力至是厚還奏閘浚實便白塔河儀真壩河約用
四萬五千八十人計四十日可完諸江閘河用一萬八千人計

十五日可完 上從之於是行在工部請發揚州淮安軍夫先
開白塔河置開工畢就浚清江開儀真鑰匙河 上曰三處用
工勞人太甚其儀真鑰匙河俟明年農閒修復○庚申命望城
侯李質充左副總兵恭順侯吳克忠充右副總兵武進伯朱冕
充叅將率師運糧往獨石等處○命政濟陽衛指揮使何旺子
凱羽林前衛指揮同知鍾興子旺大興左衛指揮僉事李貴子
忠長陵衛指揮同知趙勝孫清俱襲職金吾右衛老疾指揮僉
事李驥子瑞代職○行在大理寺奏汾州民憾其伯祖以徭役
委亡又播種之誣伯祖妖書誹謗事應斬 上曰正家當先正
身彼為家長必所行有未善致不肖子孫造誣今寘之死亦過
但杖一百然成遠東使為子孫知所做為家長者因此亦可以
反思又奏韓城縣丞劉通怒縣民召不即立杖之免聞其兄將

訴官又執而杖之死應斬。上曰：縣官民之父母，乃不以愛民為心，一怒而殺二人，命斬於市。辛酉，陞行在鴻臚寺少卿劉順為本寺卿，司儀著署丞，劉清為本寺丞。○太保忠勇王全忠卒，忠初名也。先上于元太保不花六世孫，自永樂二十一年以其部屬來歸。太宗皇帝嘉之，封忠勇王，賜姓名全忠。仁宗皇帝嗣位，加太子太保，宣德三年，扈從巡遼，至會州，過虜忠奮當先，有新馘，功四丰隆。太保忠勇王悍善戰，曉道理，其卒也。上甚悼惜，賜賻，命有司治喪，葬加厚焉。○山東布政司右叅政陳士啟卒，士啟字震之，江西泰和人。由進士觀政，左軍都督府時，成國公未能掌府事，得士啟喜甚，暇輒從講論。古大目賢將，所以事君使人之道，能禮遇加厚，臣入翰林，高庶吉士，修永樂大典書成，擢禮部祠祭郎中，直道自任，不苟徇，以為陞山東

布政司右叅政青州歲歛郡具饒民數上聞朝廷遣使詣士啟
如數賑之粟化至而饑民信增使者議再奏俟報士啟曰民命
在旦夕若再俟報旬決間悉餒死矣請發奏後即出粟脫有罪
請自任不敢以累使者遂獨具奏朝廷從之所至民有爭訟郡
邑未決而伏馬首以訴者從容數語諭之皆帖服其為政庶乎
無所矯拂所至其民愛之

大明宣宗憲天崇道英明神聖欽之聖武寬仁純孝皇帝^{皇帝}實錄卷之十二

大明宣宗章皇帝實錄卷之八十三

宣德六年九月壬戌朔夜有流星大如盃色青白尾跡有光起
五諸侯西北行至文昌○癸亥右城等衛女直指揮僉事阿里
吉綱等奉朝貢馬及方物○行在戶部侍郎王佐奏此者平江
伯陳瑄言歲運糧儲請再僉民丁一十二萬與今運糧軍通二
十四萬分班償運有旨今日與瑄及尚書黃福等計議可否今
議江南之民每歲已運糧至淮安徐州等處難再僉民若對撥
附近官軍運載則便加耗與軍當議定其數佐又奏近工部定
各處採修船材料俱送淮安提舉司也遠近不同恐致誤事今
議山東河南蘇松等處宜送淮安江西湖廣浙江俾就本處造
船又福建各府亦產材木宜令工部遣人督有司採集於彼水
次造船送淮安與軍運糧亦便 上曰民運糧已非易事又欲

念進助軍是重勞民此不可行先運糧加耗更議以聞山東江
西等府採木宜減其半福建地遠不可造船且度閩輸險縱有
船坐能至淮役民當度人情地勢此事尤不可行○奉刻焚或
北南斗杓西第二星○丙寅賜蘇門答剌國使日都者看等八
十一人絲幣表裏紗羅綾布及金織製衣有差并賜都者看得
八人冠帶仍遣齋勅及文錦綺絲紗羅絳賜國王○行在工部
侍郎羅汝敬還自陝西言寧夏甘州等處官豪之家占種田土
計一萬四百九十餘畝依此田起科增收子粒一十九萬五千
五百七十餘石開除沙灘寺田歲無子粒者四千六百九十一
頃有奇又秦莊浪等衛黑松林諸處馬驛鋪舍多是洪武中因
軍先從月給口糧三斗半久貧乏馬牛倒死什物損壞無力措
置請令陝西三司今後應有贓罰馬牛車輛紵絲布絹取勘報

難驛分有欠缺者約量撥用從之。○丁卯賜琉球國使臣由南
結判等鈔練帶絹布襲衣有差。○元者前衛女直頭目巴領萬
坤城使目者馬里丁等未朝奏願居京自劾賜緋練襲衣鈔布
仍命有司給房屋器物如例。○巡按四川監察御史王翺劾奏
四川都指揮趙得鎮守松潘賊斫傷旗軍得畏憚不率兵追討
請罪之。上命姑戴罪捕賊不獲宥。○浙江都指揮使許亨
言海寧定海松門台州四衛旗軍各有赴京告本管官人令等
事少者牽連三五十人多至百餘人悉下都司問理及追違鞠
問兩府皆皆逃匿不就質對淹滯年久是非難明緣諸衛皆瀕
海重地或有警急缺人守禦欲循例暫遣還職又慮告者隱具
逃匿之情穩檢承行官吏告害無辜。上諭右都御史劄佐等
曰此不難知蓋小人始造誣詞及當質對恐慮實情則必及生

故逃匿意仗困滯以快其私此小人之尤者其令放遣被告各
還職役而嚴督追捕逃者苟有誣罔不可輕恕○戊辰封肅王
瞻煇庶母薛氏為太夫人生母張氏為夫人從王所奏也○逆
北鞑靶掠者等九十九人未歸和寧王阿魯台使臣惺帖干等
五人來朝皆奏願店京自初命為百戶所鎮撫等官賜金織幣
衣線帶銀鈔鞍馬有差仍命有司驗房屋器物如例○己巳河
南府奏永寧縣稅課局舊任大使李時後任新任大使劉迪當
遷吏部迪刻羊置酒邀諸老人請於上官前言其慮能仁恕乞
留之而言時不才宜送部改用今老人皆已服罪迪聞事覺遽
起赴京請付法司論罪 上曰諭尚書郭璉等曰朕意各處保
官皆出公道今觀此事人言可盡信邪然君子小人操行不同
亦不可因此盡疑之古人言衆好必察衆惡必察鄉等不可不

審迪命法司遠治之。○庚午重陽節賜文武羣臣宴。○賜琉球國及亦力把里等處貢使宴。○命增造臨清廣積倉度可容三百萬石。○行在工部侍郎羅汝敬奏寧陽侯陳懋前鎮守寧夏令家奴鬻私鹽縱掾史祁傑等貪暴善死軍人寧夏衛指揮王真鎮撫韓成千戶楊傑等受財物虛出通關倉糧折耗泛爛者動以千萬計陳懋王真等俱請罪之。上命行在都察院遣御史一員同戶部官追理倉糧其寧陽侯事令巡按御史審察其實以聞。○辛未賜討未思使且捨黑馬黑麻闊哈克等一百四十七人亦力把里歪思王使且滿刺阿力等一百三十七人右城守衛女直指揮僉事阿里吉納等六十六人貴州安順州把事楊保等白金線帶紗羅綾細絹布襲衣有差。○修張家灣并通州南門橋道。○行在戶部言宛平縣民以果園地施崇國寺

請蠲其稅 上曰民也衣食之資乃以施僧又求免稅甚無謂
令亟以還民○行在工部奏明丰春 却祀其登壇樂舞生及
執事人例應給賜洋衣布帛 上曰此 祖宗叢祀神明之意
速行之毋忘○壬申寧波知府鄭瑤請弛出海捕魚之禁以利
民 上不許遣勅諭之曰爾知利民而不知為民患往者倭寇
頻肆劫掠皆由姦民捕魚者導引海濱之民委遭劫掠 皇祖
深思遠慮故下令禁止明聖之心豈不念利民誠知利少而害
多也故自是海濱寧靜民得安居爾為守令固當順民之情亦
當思其患而預防之若貪目前小利而無久遠之計豈智者所
為宜遵舊禁毋啟民患○上退朝偶與侍臣論漢唐諸品科知人
孰優或曰漢高帝用蕭曹唐太宗用房杜皆稱得人 上曰太
宗非漢高比也其論蕭何曹叅王陵陳平周勃後皆如所言太

宗道命李世勣最為失當漢高優矣自古人君知人為難信或
○昏刻有流星大如雞彈色青白有光出妻東北行至函○甲
戌勅寧夏左屯衛指揮使張春專領騎士操練有警則聽總兵
鎮守官調遣○乙亥琉球國中山王尚已志遣使者謂慈勃也
等貢馬及方物謝賜冠帶并海艘息○温州府知府何文淵以
樂清縣知縣徐文朴貪酒酷刑杖殺無罪之人械送至京上
命刑部罪之如律因諭吏部尚書郭璉等曰縣令當清慎愛民
乃貪醜肆虐如此卿等宜精擇之母貽民患○丙子蜀王友靖
薨王獻王之嫡孫惇莊世子之長子永樂二十二年十月襲封
薨年二十六訃聞上輟視朝二日遣官賜祭諡曰靖命有司
治喪葬王薨妃李氏侍姬黃氏皆自經事聞俱賜祭命有司治
頃贈黃氏為王夫人○丁丑改成都右中二衛官軍之調南

京者馬龍虎左豹韜左二衛○迨北和寧王阿魯台使日福受
表朝奏願居京師命為都指揮使賜冠帶金織襲衣練帶銀鈔
綿布鞍馬仍命有司給房屋器物如例先是福受有子毛榮留
京任指揮使至是福受願留乞一職自效兵部奏宜罷其子之
職而陞賞福受故命為都指揮使○直隸廣平府肥鄉縣真定
府新河縣秦今歲夏秋苦雨山水泛漲澆沒禾稼子粒無收人
民乏食命行在戶部遣官覆視賑濟○戊寅調陝西布政司右
叅議劉斌於廣東布政司○命太常寺卿孫時致仕賜之勅曰
卿以儒發身行端才敏歷事 祖考積有年矣踐揚中外多勩
勤誠今春秋已高步履惟艱朕嘉念老成不忍煩卿政事特命
以本官致仕優游田里撫子孫表鄉俗以樂餘年用彰禮待舊
臣之意○守禦永寧等處都指揮韓鎮奏永寧衛城用雨頽裂

者七十餘處請以附近軍民修築從之命副總兵都督方政量
其役○江西豐城縣民奏縣臨長江其西北舊有石砌堤岸高
約二丈有奇長約二百四十餘丈及西南七圩墻俱有堤防水
堤內民田歲輸糧三萬餘石比歲俱為水衝決田禾無收乞令
本縣俟農隙之時量發民丁工匠修築從之○湖廣孝感縣奏
民飢乞借預備倉糧給濟俟來年秋成還官○東昌府提衛女
直指揮同知字羅訖等來朝貢方物○迤北鞑鞏鎖鑰等事家
屬男女一百四人來歸奏願居京自教命鎖鑰等二十四人為
指揮僉事等官賜冠帶金織裝衣絲帶銀鈔絹布綿花鞍馬有
差仍命有司給房屋器物如例○行在工部侍郎羅汝敬言寧
夏等衛屯軍舊種田一項納屯糧一十八石然一項之中也多
沙鹼有名無實今請開畝所種田皆肥饒每五十畝仍令納糧

一十八石甘州一十三衛所亦准此例內除一十二石充本軍
月糧止以六石上倉餘丁官下家人寄住人等例無閏五月糧
宜照屯軍例以細糧六石輸官又各衛屯軍雖常給牛歲久不
存貧者無資可買其西安等府寄養官牛九千二百餘頭請給
屯軍之貧無牛者不足則於寧夏慶陽等府官庫支贖荊布絹
鈔買補又寧夏甘州田土資本灌溉有勢力者占據水通軍民
莫敢與爭多誤耕種請增除六部或都察院堂工官二員往來
巡視寧夏甘州皆請置提舉司寧夏正提舉一員副提舉二員
吏目一員司吏二名典史四名甘州正提舉一員副提舉四員
吏目一員司吏四名典史八名專掌水利蕪收屯糧俱屬新隴
官提督則屯田不廢邊備有積又寧夏甘州馬驛邊鋪夫俱洪
武中因軍月支口糧三斗元不能贍其所種民地近年俱依屯

田例納糧愈加貧困宜依舊丁種田之例令存月糧自食少甦其苦 上命行在戶部會官議於是太子太師郭資高書胡濙等議乞糧乞牛減驛夫種田糧皆可准置提舉司及添添除六部都察院堂上官巡視請旨 上裁 上曰提舉司可置巡視官不必除只令御史二人往理其事會昌伯孫思母太夫人丁氏卒太夫人追封會昌伯士英之配今 皇太后之祖母也世居山東濟南府鄒平縣為大族太夫人歸孫氏有賢德初以忠任中軍都督愈事封太夫人忠進會昌伯遂加封伯之太夫人至是辛未八十七 上遣中官致祭命有司治喪葬○辛巳行在吏部右侍郎王讓以久疾辭位 上憫而從之賜勅曰卿以儒發身踐履篤實執經侍朕積勩勤誠肆纂承之初陞貳天官用資毗輔而卿嬰疾再歷寒暑雖今小瘳步履尚艱卿既辭祿朕

亦嘉念前勞不忍重填以政特命致仕俾歸田里撫子孫樂餘
年用彭禮待舊臣之意其欽承之○賜琉球國使目謂慈勅也
等鈔綠幣緇布襲衣有差○行在兵部侍郎戴車言奉命往山
西大同等處按視田地為官民占種及空閒者計一千八百九
十餘頃與軍料種請依屯田起科戶部言屯田之例每軍種五
十畝除月糧外以糧六石上倉今召軍種田每五十畝亦令歲
納子粒六石於附近倉 上曰邊地軍民當優之可更減一石
○壬午南京工部言 孝陵外垣及大名臨安懷慶福清諸公
王墳歷代帝王功且廟垣墉多頽壞請以直隸州縣均工夫修
葺從之○甲申巡按陝西監察御史張鑑奏甘肅苑馬寺卿沐
儼與西寧土官李英結為婚姻英征安定還奉獲賊馬三百四
十匹送苑馬寺牧養實運五匹餘皆歸其私家已歷四年儼置

不問附下罔上誦治其罪 上諭行在都察院曰 董私背公
正直者不為其令 陝西按察司執儼罪之 曉刻月犯軒轅御
女 乙酉降右副都御史胡廩為福建布政司右叅政 廩初往
四川董伐木貪虐自恣 事覺法司當以死罪命安置遼東 既而
會恩例得罰役復職 行在吏部以聞 上曰 都御史受賊罪當
加常人 豈可復入風憲 但以恤刑例不欲失信 始從輕減 降外
任 使自新 於是降為叅政 行在工部 奏順天府廣備庫所收
預備賞賜軍士衽襖袴鞋 今虧欠者計一萬一千七百八十八
件 官價庫子皆當究治 上曰 此其姦弊非小 命付刑部治之
○ 斬會川衛千戶 立能 能累為強盜 劫財行在都察院 擬律應
斬 上命斬之 曰 五品官非一日之勞所致 而甘為盜 以殺身
此其自取也 巡按廣東監察御史陳泗 奏蘆州強盜劫掠滋

北監諜司提舉家已捕獲從賊而首賊馬雷州衛捕盜千戶石渠所匿樂民守禦千戶吳斌率軍往捕渠乃以衆拒斌擊傷斌及旗軍三人及賊自首而渠復匿其所却白金之半請止其罪上曰捕盜之官匿盜罪浮於盜朝廷乃以俸祿養此革命亟止其罪丙戌行在都察院右僉都御史該晏如大理寺左寺丞鄭堪親喪服感命復職○罷北京行太僕寺少卿王佐為民伍閔孳牧馬受賂法司以聞命罷為民○行在戶部奏比者河南民言嵩昧白泥溝地產銀鑛民私烹煉宜開官冶已命主事郭誠往同三司官集民丁祭地得銀沙四千餘斤烹三十餘日計用人力二千七百工得黑鉛五十斤銀二兩所得不償所費上曰小人獻利之言不可聽其罷之○昏刻太白犯南斗西第三星丁亥宥四川都指揮僉事萬貴罪貴以受昧不嚴邊備

致番人邀阻餉道殺掠人畜事覺三法司鞫問服罪擬律杖一
百貳邊遠充軍 上曰武夫知嗜利而已然番夷之變亦非獨
貴所致朕念其自小旗積勞六十年至此姑從寬典罰後贖罪
調赤城備禦 南京通政司右叅議李文郁奏本司知事缺有
同鄉人楊復永樂中為兵部主事以取工匠違限請充軍蒙恩
宥為民後勤謹有才通曉文移乞授本司知事之職行在吏部
言文郁所舉鄉人且常有過徇私不公請罪之 上曰若所舉
公堂問同鄉若其人賢堂問有過但擬為知事則不必朝廷量
才授官矣文郁不省大體所舉之人從可知不乞所舉亦不罪
之 總兵官都督僉事劉廣奏秦州衛指揮于諒等宣德三年
調甘州操備至蘭縣逃歸促之三年到莊浪復逃歸請治其罪
上曰忠臣之赴國事當奮不顧身今頑不聽調則不知為臣之

義此而不治朝廷將何以使人今都察院執而罪之○戊子設
陝西寧夏甘州二河渠提舉司置提舉各一員從五品副提舉
各二員從六品吏目各一員從九品隸陝西布政司專掌水利
從侍郎羅汝敬所奏也○命致全吾左衛指揮同知王榮姪昇
襲職○命南京工部修補國子監書籍闕校從禮部尚書張瑛
言也○行在戶部奏潘王薨歲祿一萬石當減令仍舊給之又
奏北京承運庫所貯生絹年久積多恐損壞請不為膏例每匹
折米二石以給在京文武官月俸公侯伯祿米亦准給一半從
之○直隸武進縣民奏閩浙官民舟船及今漕運必由本縣區
瀆河出逆行三百餘里始達瓜州壩往往為風浪漂溺縣舊有
新河四十餘里出江正對揚州府泰興縣新河入至泰州壩一
百二十餘里至揚子灣出運糧大河比今白塔河尤為便利第

歲久泥淤難通重載乞加修浚實為便利命平江伯陳瑄侍郎
周忱審計○己丑革鳳陽廣儲五倉時知府熊觀言鳳陽舊設
廣儲倉自一至五凡五倉又設量積倉倉各置大使一員收支
一年一更近年稅糧俱際留守司及長淮等衛所支用各倉歲
收不及千石所設倉官徒享廩俸乞革去廣儲五倉止存量積
倉及本府倉實者費用從之○賜討朱恩亦力把里等處貢使
宴○庚寅以明日下元節遣衛王瞻埈祭長陵獻陵○夜
有流星大如難禪色赤有光出闕東南行五濁

大明宣宗憲天崇道英明神聖欽文昭武寬仁純孝章皇帝實
錄卷之八十三

明宣宗章皇帝實錄卷之八十四

宣德六年冬十月壬辰朔饗太廟。遣中官祭司井之神。甲午勅總兵官武安侯鄭亨等曰殘虜狼狽離散不相統屬今天氣已寒慮為邊患昨得開平報望見五百餘人從東南來稍近邊聞砲聲即復北行不知何寇宜嚴兵以備凡人畜皆收入城堡以防剽竊不可怠忽。四川建昌衛土官指揮使安均遣弟金保副千戶安普化遣弟貴百戶馬速忽遣子義等來朝貢馬。賜哈密忠順王及瓦剌牙納失力王所遣使臣百戶桑哥失里等綵幣及絹襲衣等物。阿者迷河衛指揮僉事咬哈實山衛指揮僉事丁黑來朝皆奏願居京自效賜金織襲衣鈔布仍命有司給屋器物如例。行在鴻臚寺卿楊善以典儀失職為監察御史所劾下行在都察院獄已而釋之免冠帶視

事。乙未命奴兒干都司都指揮使康旺致仕以其子福代爲
本司都指揮同 旺本韃靼人洪武間以父蔭爲三萬衛軍戶
自永樂以來頻奉役奴兒干之地累陞至都指揮使至是復命
往奴兒干設都司旺辭疾乞以福代故有是命。琉球國中山
王尚巴志遣使臣長史郭祖每等貢馬及金銀器皿謝賜文錦
綵幣恩。賜弗提衛女直指揮同知李羅托等綵幣絹布襲衣
等物有差。濟州衛奏六月苦雨河水泛溢溺死屯田軍十七
人淹沒苗稼一十六頃。直隸安慶府桐城縣奏貧民三千九
百餘戶缺食已借給預備倉穀一萬四千三百八十石賑之俟
豐熟償官。丙申四川重慶府榮昌縣民錢本中妻王氏一產
三男命有司如例給賜鈔米。昏刻月掩太白。戊戌昏刻有
流星初如鷄彈隨大如盃色赤有尾光煜煜照地出奎南行至

游氣。己亥 上諭行在吏部尚書郭璉等曰朝廷置御史記
之耳目凡政務闕失民生利病百官賢否皆得奏舉豈可以任
匪人比來有相朋比同流合汙者有依勢作威陵蔑良善者甚
至貪淫穢濁不可以言者如此何望其能舉職雖已逐之自今
必擇老成謹厚識達治體者以聞朕將試用之又諭之曰在外
按察司掌一道風紀亦宜慎選毋任非才。江西九江府瑞昌
縣奏貧民一千六百七戶缺食已借給預備倉穀五十九十四
石賑之俟豐熟償官。行在戶部尚書李杲卒杲文曠陝西涇
陽人洪武中自太學生擢左軍都督府都事陞戶部郎中承樂
初陞北京行部令作郎北京當靖難之後民甚凋弊行部初置
政務糾紛杲盡 經畫事無廢缺十八年轉戶部嘗扈從北征
董糧餉效力尤多宣德五年陞戶部尚書專督京師及通州諸

處倉糧杲和平謹恪勤職不懈而廉介之節始終不渝至是卒
遣官賜祭命有營葬。辛丑昏刻有流星大如盃色赤有光
出畢東南行入雲中。壬寅命豐城候李賢往大同密探胡寇
聲息如其犯邊即出兵勦之。癸卯副總兵都督僉事方政以新
立龍門衛及龍門守禦千戶所請給器械旗鼓等物 上命行
在工部如數給之語尚書吳中曰兵甲堅利而後足以制寇然
地利不如人和尤須戒勵主將善撫士卒人心既和以守則固
戰則勝邊境可永無虞。通政使司左通政朱侃卒侃浙江海
鹽縣人由國子生擢山東道監察御史陞廣東按察僉事改通政
司右叅議久之轉左叅議遂陞左通政嘗奉命巡撫廣西察舉
失當士論不服既還未幾卒。昏刻有流星大如雞彈色赤尾
跡有光出參東南行入雲中。甲辰四川黎州安撫司故土官

左副使馬彪姪成福餘衛韃官指揮同知阿克即嘔等來朝貢馬。迺北韃韃拜住猛克卜羅等來歸奏願居京自效命爲副千戶等官賜冠帶金織襲衣綵幣銀鈔絹布鞍馬有差仍命有司給房屋器物如例。總兵官都督陳懷等討松潘番寇平之先是懷及四川都指揮邢安奏松潘勒都北定諸族東路空郎龍溪諸寨聚衆截路殺傷軍民欲攻關堡。上勅懷等相機勦之懷遣安以兵二百略寇境遣都指揮趙得以兵一千應援寇合衆迎敵官兵稍却寇乘勝追躡發懸竿轉石以擊官軍指揮安寧等三百餘人退北溺水死懷親督兵進深入其地攻革兒骨寨破之寇棄去。器械遁入山林又攻空郎乞思洞諸寨寇出迎敵官軍奮而前斬首及追北墜崖溺水死者甚衆已而革兒骨寇復聚西北諸寨生番四百餘人至安化設伏邀戰都

指揮趙諒等覺之勦戮殆盡每破其寨即毀其碉居分其牛羊料麥以勞諸軍 賊首以徇得其所虜軍民男婦悉還其家任昌牛心耳別詐寨之番聞之皆驚怖來降曉以禍福俾安生業羣寇悉平至是捷至 上喜曰蜀民可免憂矣遣使齎勅勞懷且諭之曰番寇之平爾克效心力良用嘉之然此寇叛服非常爾且於松潘鎮守遇有叛者即發兵勦捕毋令滋蔓來歸者善綏撫之。教諭唐敏言蘇州府常熟縣舊有耿涇塘南接梅里塘通昆承湖北通揚子大江旱歲資其灌溉年深壅塞洪武中嘗發長洲等縣民濬導民獲其利今復壅塞請如舊例發民濬導從之。禮部尚書致仕蔣綬卒綬子文壘廬州府合肥縣人洪武中以國子生擢戶部主事陞山西布政司右叅政永樂初陞禮部右侍郎洪熙元年陞尚書宣德五年以老乞致仕從

之特賜鈔一萬貫綬為人謹畏避事臨政無所可否又以瑣細
爲其屬所厭至是卒訃聞賜祭命有司治葬事。夜有流星大
如雞彈色青白有光起危西行至天桴。乙巳未刻太白見己
位。丙午勅行在五府六部都察院令農功既畢田穡豐稔朕
暫巡近郊以觀農業卿等各勤職事毋怠毋忽仍命武定侯郭
瑄都督張昇尚書郭璉都御史顧佐等守京城遇急務具奏是
日車駕發京師駐蹕西湖之東。庚戌車駕還京師
○夜月掩積尸氣。壬子行在都察院奏開平都指揮唐銘後
軍士出城採薪芻爲虜所掠雖後竟脫歸請正銘私役之罪
上曰邊將令軍士取薪芻非大過且所掠既歸可宥之。夜月
掩軒轅。癸丑是上從都督方政奏設龍門衛所調大同
宣府寧化振武諸衛所軍携家屬往戍後戶部郎中王良言口

外冰凍餽餉艱難乞且留軍屬於宣府就糧過冬 上是其言
至是政奏良沮軍務暗邀人心請督諸軍携家屬同赴龍門併
乞罪良 上曰政急欲成事蓋爲國謀今天寒地凍軍士携妻
子暴露道途亦有可憫况新建衛所室廬未創糧儲未備良所
言亦是宜以來春發遣遂命兵部移文諭政。總兵官都督山
雲奏廣西左右兩江舊設土官衙門大小四十九處蠻性無常
讐殺爭奪往往不絕朝廷每命臣同巡按御史三司官理斷緣
諸處皆是瘴鄉兼有蠱毒三年之間遣官往彼死者凡十七人
事竟未完今同衆議凡土官衙門除軍務重事徑詣其處其餘
爭論詞訟宜就所近衛所理之左江太平思明龍州崇善等處
於太平千戶所右江田州鎮安泗城上林等處於奉議衛思恩
州於南寧衛南丹東蘭那地三州於慶遠衛各令土官及應問

之人剋期來集以俟理斷庶免瘴患事亦易完 上語三法司
官曰撫馭蠻夷當從簡略若事有艱難亦當擇便議者既以爲
宜其從之。甲寅昏刻有流星大如雞彈色青白尾跡有光出
勾陳東北行入文昌。乙卯總兵官都督劉廣言莊浪衛土官
韃軍昔常更番於甘州操備自後遂罷請○舊 上曰土官韃
兵不須操備俟有警急調用。甘州右衛千戶姚寧等奏先從
總兵官都督史昭等征曲先兵至的思選舍人王敬等五人領
軍晝夜長哨至恰斯又選寧等十人同都指揮安敬等領兵當
先哨嘹及賊敗走隨征官軍追獲人畜近蒙 聖恩凡晝夜長
哨嘹官員皆陞○一級緣安敬等雖曾同臣哨嘹然皆即日回營
比與王敬等長哨不同又指揮王傑等俱隨征領軍本非哨嘹
之數今皆妄冒陞職未愜衆心 上謂行在兵部尚書許鄭等

日陞賞之法所以酬前勞勉後效若有功不得則材勇之人恣無功而得則倖倖之心啓將來何以使人今寧等所言宜令總兵官覆勘果當陞與否皆具實奏來務合至公無憚改過。丙辰賜四川建昌衛土官舍人金保安貴馬義等鈔絲幣表裏有差。丁巳賜琉球國使臣郭祖每等綵幣絹布金織紵絲襲衣有差。行在兵科給事中李蕃言每歲裏河運糧軍士及送官船之民有病死者官旗夫甲輒棄屍水中及兩河岸波浪漂流犬狸鬻啜深負。聖明恤下之意乞勅所在郡縣及總兵官平江伯陳瑄等嚴戒官旗夫甲凡有疾者令醫療治死者所管之人即與收殮立牌識其姓名於回日令旗甲親鄰收骨歸葬上聞之惻然命行在禮部即如所言之。順天府固安縣奏六月淫雨渾河水漲衝決隄岸滄沒民田一千三百五頃有奇

木稼無收命行在戶部遣人覆視蠲其租稅。己未命金吾左衛老疾指揮僉事劉毅子昇代職。命山西按察司副使劉煥廣西布政司右叅議鄭隆致仕煥湖廣富陽人由監察御史陞山西副使寬厚平易隆江西浮梁人由進士爲行人陞廣東按察僉事再陞叅議清勤無過至是俱陳老疾命致仕。賜四川黎州女撫司故土官舍人馬成等福餘衛指揮同知阿克即嘔等鈔綵幣絹布金織紵絲襲衣等物有差。迺北韃靼濟咬丁率妻子來歸弗提衛女直指僉事哈刺帖木來朝皆願居京自效以濟咬丁爲副千戶賜冠帶金織襲衣綵幣銀鈔綿布鞍馬有差仍命有司如例給房屋器物。庚申陞行在翰林院修撰苗衷爲侍讀編修劉矩爲修撰興化府儒學訓導朱應浙江杭州府昌化縣儒學訓導康振爲行在給事中應禮科振吏科

福建布政司右叅政張璘為應天府尹河南道監察御史李珏
為福建布政司左叅議廣東按察僉事魏暹為陝西布政司右
叅議山東按察僉事韓璽為本司副使湖廣道監察御史余思
寬為廣東按察司副使四川道監察御史茅惟揚為四川按察
司僉事四川保寧府知府陳原武為福建鹽運使皆以九載考
覈也朱應康振韓璽俱令於內府授小內使書擢江西建昌府
檢校周廉新建縣儒學教諭王來湖廣常寧縣儒學教諭賈進
浙江麗水縣儒學訓導陳濬江西南昌府學訓導黃潤玉監生
張謙史鑑朱純鄭皇為監察御史廉來進濬潤玉皆行在廉廣
西道來江西道進陝西道濬山東道潤玉交趾道謙鑑純呈皆
南京謙廣西道鑑山西道純福建道呈雲南道廉來進濬潤玉
先以監察御史王縉紳等舉薦至是召至故有是命福建道監

察御史劉禎中書舍人張恕陝西按察副使徐奇浙江按察僉
事龍韜皆親喪服闋調禎於行在四川道韜於雲南按察司恕
奇俱復原職復石鼎河南裕州知州陞正五品祿王瑀順天府
道州知州陞從四品祿焦昉大名府長垣縣知縣陞從六品祿
馬良合肥縣主簿陞從八品祿鼎等皆九年考覈當陞吏民伏
闕奏乞留之故陞祿俾復任。增置廣西賓州安成鎮巡檢司
土官副巡檢一員。總兵官黔國公沐晟奏雲南都司二十四
衛所去歲收屯軍子粒米四十九萬二千一百石有奇會計可
足各衛旗軍十一月糧命行在戶部更覆實。總兵官都督陳
懷奏松潘衛屯軍耕牛比因番寇侵奪存者無幾乞於四川布
政司所屬見養官牛內給之不足則支官價買給從之。夜有
流星大如盃色青白光燭地起九游南行至天園散。辛酉召

豐城侯李賢還京師。十一月壬戌朔行在欽天監進宣德七年大統曆。上御正朝受之。給賜諸王群臣頒行天下。癸亥朝鮮國王李禔遣陪臣禹承範四川馬刺長官司土官副長官阿泰陝西西寧衛妙善通慈國師伊兒吉遣刺麻堅都答卜等貢馬及方物賀皇太子千秋節。上御文華殿召少傅楊士奇楊榮學士楊溥入侍。上曰朕念我祖宗積德累善篤生太祖皇帝繼天立極創業垂統太宗皇帝迅掃姦回再安宗社皇考仁宗恢弘治化增高累厚以固鴻業朕承天位夙夜不忘記曰先祖有美而不知不明知而不傳不仁是用撰述成詩揭之座上朝夕覽觀勉圖繼述庶幾永保天命今以刻石特賜卿摹本卿亦當思我祖宗開創之難守成之不易盡心輔朕國家安卿等亦與享榮利士奇等稽首受賜詩凡九

章 上自序之其文曰昔者胡元之季 上天厭之眷求聖德
俾作民主我 仁祖皇帝有純粹之性誠一之心蘊至仁而弗
矜篤大義而不銜體正而養和履醇而抱潔循乎自然安乎大
順蓋動與天遊靜與道俱易所謂大人魯論所謂至德者也用
集 天命大開厥祥篤生我 太祖皇帝其仁如天其智如神
道冠百王德侔五帝汎掃六合綏寧萬邦正天紀立人極詩書
禮樂之華典章法度之懿超越隆古矣 皇祖太宗皇帝以大
德承大統神武赫著聖仁弘施近悅遠來內安外服茂勲鴻烈
允光于前 皇考仁宗皇帝丕宣大猷恢彰美化仁恩惠澤益
廣益深是以普天之下莫不尊親同心愛戴至于今日顧予菲
薄克遂承繼揆度所自厥有明徵實由 仁祖皇帝源本之隆
肆 太祖皇帝開創之大而我 皇祖 皇考得以恢廓而維

持之萬世之業所由定也。烈聖之德與天爲一謹叙述焉。
詩九章以昭後世詩曰上天信崇高臨下明以赫元季政昏
亂帝用厭夷狄眷求令德宗視乃善慶積霽然啓其祥疆宇
俾開闢一章恭惟我仁祖躬備大聖德天性稟純粹溫恭而
允塞篤志在仁義兼亦貴稼穡寶玉之所藏山川被光澤二章
維時屬遭屯吹豷足自適進退與道俱玉德懷貞白皇天鑒
昭晰寶命所由錫篤生太祖聖配天立人極三章海內如鼎
沸土壤分割析蒼生靡怙恃俛伏斃毒螫仗劍起濠梁奉天
拯焚溺再駕定東南一舉下西北四章曠哉六合內腥穢悉盪
滌三光復宣朗五典重修飭遠齊堯舜功近過湯武績遂令普
天下休養樂生息五章太宗削姦回繼統莫宗拓聖文既
炳煥神武尤赫奕賢才盡登用秉德各修職庶邦承覆戴貢獻

來九譯六章

昭考撫盈成至仁弘隱惻民安視如傷恭己臨

萬國繼志與述事夙夜懷兢惕皇風益清穆皇道彌正直七章

正本所自隆仁祖實啓迪祥源深且廣天派肆洋溢聖神

紹傳序茂行萬世曆造商本玄王興周美后稷八章茲予嗣鴻

業時幾謹申勅四聖赫在天悠久貽法式保佑賴深眷負荷

愧緜力稽首陳永訶庶用示無斃九章。右軍都督同知李敬

卒敬上報常州府宜興縣人初任燕山中護衛千戶以靖難功

累陞四川都指揮使永樂十一年陞右軍都督同知鎮守四川

洪熙元年以目疾召還命致仕至是卒敬爲人重厚詳雅從容

有大體操守亦嚴兵民皆德之。甲子初監察御史陳搏巡按

廣東還奏各處闖津衛所撥軍把截皆洪武中設置本以盤詰

姦回乃假公務私邀阻行旅需索財物凡有征調把截之軍悉得

避免且把截之處多置於附城或近巡檢司無益而有害請令
三司從公勘實可革者革可置者置當仍舊者仍舊俱於所在
巡檢司分撥弓兵守把庶革積弊 上命巡按御史及三司覆
勘至是覆奏博言誠是遂從之。湖廣石首縣典史劉英奏本
縣舊有三隄長一千九百四十餘丈比因江水泛漲風浪衝激
頽圯其半近隄之內連歲被滯木稼無收其隄內民田與荊州
衛軍士屯田利害適均命軍士並力築之。乙丑行在刑部奏
直隸儀真衛千戶楊貴強取所部寡婦女為妾當治罪 上曰
本管官於所屬有父母之道故不許嫁娶况可強取耶其治之
如律。丙寅復揚善行在鴻臚寺卿。丁卯賜韓王冲域長子
名範圮第二子範垵第三子範壑第四子範堦第五子範墅。
宥行在後軍都督府僉事沈清誣罔罪先是清奏都指揮柳成

千戶戴興罪既下獄成等訴寃求直不已遂命行在兵部錦衣衛與之辯二人皆得直於是尚書許廓等劾清誣罔上曰大臣朕所倚重可罔上而虐下乎姑念其功屈法宥之然過不可再矣命廓復成等職。行在都察院奏御史傅敦妻毆妾中其要害妾自縊死當治其妻罪緣已受封上曰殺人豈可容罪之如律因與侍臣曰婦妬是惡行況以妬殺人其惡甚矣。戊辰勅^都指揮僉事韓鎮指揮同知陳震率領騎士自永寧衛隆慶州至懷來衛往來巡哨備禦諸隘口屯堡烟墩俱屬提督有寇則相機勦殺寇去不必窮追凡事須同心協謀歸於公當毋執偏見以誤事。初天津右衛倉副使紀拳奏因軍士家失火延燒居民三千餘家併及倉廩米被焚者一萬五千五百石有奇法司青限追償命行在都察院勘實以聞至是勘覆所言皆實

上曰風火非人力所能制其免追。己巳以明旦冬至遣衛王
瞻埏祭長陵。獻陵。庚午冬至。上御正朝受朝賀。大晏
文武羣臣及四夷朝使。皇太后。皇后免文武群臣命婦朝
。辛未西寧衛灌頂真修妙慧國師劄思巴監叅遣刺麻也失
監判等來朝貢馬。壬申。皇太子千秋節免賀禮。甲戌以
北京行太僕寺馬三百匹給開平衛軍士。陝西苑馬寺馬一千
匹給陝西行都司軍士操備。乙亥遼東總兵官都督僉事巫
凱上廣寧馬市所市福餘衛韃官馬牛之數。上謂侍臣曰朝
廷非無馬牛而與之爲市蓋以其服用之物皆賴中國若絕之
彼必有怨心。皇祖許其互市亦是懷遠之仁。日上生背氣
色青赤生左右珥色黃赤鮮明。丙子兀者等衛女直指揮僉
事苦赤等來朝貢馬。行在戶部定官軍兌運民糧加耗則例

先是平江伯陳瑄言江南民運糧赴臨清等倉若與官軍免運加耗與之民免勞苦得以務農軍亦少有贏利命侍郎王佐往淮安與瑄等再議以爲可行。上復命群臣議至是吏部尚書蹇義等議奏其法實便軍民加耗之例請每石湖廣八斗江西浙江七斗南直隸六斗北直隸五斗民有運至淮安免與軍運者止加四斗如有免運不盡令民運赴原定官倉交納不願免者聽自運官軍補數不及仍於揚州衛所備係官軍內摘撥其宣德六年以前軍告漂沉運納不足者不爲常例許將粟米黃黑豆小麥抵斗於通州上倉軍免民糧請限本年終及次年正月完就出通關不許遷延妨誤農業其路遠衛所就於本都司填給勘合從之。浙江於潛縣奏貧民五百五十八戶缺食已給官倉穀五百六十餘石賑濟。內官袁琦有罪下獄。上

御左順門諭工部尚書吳中曰今天氣寒甚緣邊守關哨瞭官軍狐帽皮裘未給者速運往給之。戊寅賜朝鮮國使臣禹承範等四川馬刺長官司土官阿泰等陝西西寧衛刺麻堅都督卜等鈔絲幣絹布襲衣有差。上御左順門與群臣論邊防

上曰朕嘗巡邊見宣府是土城因問左右城能久乎皆云每年遇雨亦有頽壞旋復修整朕念凡事當圖永遠况臨邊城垣必鞫砌乃能久雖一時勞人豈不勝於屢壞屢修但爲之以漸亦不甚勞遂命都督譚廣以農隙爲之。庚辰內官戎禮奏陝西苑馬寺養馬軍士人養牝馬十四至十二三匹者又養陝西行太僕寺孳生馬連年例死及虧欠馬駒陪納不足乞選西安平涼鞏昌慶陽四府丁多民戶分養行在兵部言軍士養馬已是定例難准分給請依舊例令刑部都察院及陝西布政司接

察司凡間雜犯死罪應充軍者就發陝西苑馬寺充軍養馬廩
幾少蘇軍士從之。辛巳亦力把里歪思王母鎖魯擅哈敦遣
使臣滿刺哈只等來朝貢馬及方物。癸未亦思把罕等處遣
使臣迷兒阿力哈密衛回回舍人哈三烏思藏怕木竹巴闡化
王使臣刺麻藏卜伯僧人星吉領占等來朝貢馬及方物。命
開平衛致仕指揮使杜福提調龍門守備特新立龍門衛及千
戶所地連閔安大松林潮河川正當衝要之路新調官軍未能
諳練副總兵都督僉事方政言福備和險要歷練老成宜令於
龍門提調守備故復用之。乙酉福餘衛韃官所鎮撫土木得
巳等來朝貢馬。上以內官袁琦等事覺以其所遣在外者
尚多於是遣太監劉寧御史張駿李顯等往籍其贓及執其從
人寧駿灝往直隸蘇松諸郡御史蔣彥廣往福建胡智往湖廣

施信往江西高超往廣東劉楨往廣西胡致往河南于奎往南京郭原往河間唐慎往直沽梁軫往四川雲南內衷可烈在蘇松諸郡貪暴尤甚特命械繫至京。總兵官都督僉事山雲奏廣西都司所屬衛所多臨賊境每遇霖雨江水泛溢城垣頽壞軍力不足修築須倩民夫相助若候奏請恐蠻寇窺伺卒無備禦乞勅布政司自今但遇城壞即量撥民夫助役。上諭行在工部臣曰邊城有壞須即發民助修非此毋擅勞民力。廣東海南衛管屯百戶劉得領軍入文昌縣黎村掠取黎民財物按察司奏請治之。上謂行在都察院臣曰軍民各有統屬軍官不得無故擾民况海外黎人尤當撫卹前聞黎人作耗朕固疑其有擾之者今此輩是已其令按察司執而罪之。河南府知府李驥奏伊王居國屢有非理之求臣不敢曲從且府中內官

及官校素恃勢虐害百姓者自臣到任皆不敢縱恣爲其所惡
今年冬至臣以四更往王府陪班行禮適初唱班臣已就列王
以爲遲執繫儀衛司獄加械手足次日始釋緣王府自前遇節
行禮未嘗有在四更者臣蒙恩守土遭王摧辱不敢不奏上
謂右都御史顧佐等曰朝廷遇節於大廷行賀禮亦皆於昧爽
之際未嘗以四更此必王府讒邪小人教王辱知府之計朕於
王府官每禮待之未嘗厲色蓋以親親之故也縱令知府有過
王當以聞朕自有處置豈可輒加威福比皆長史典儀承奉之
過乃致書伊王曰郡守朝廷付以千里之寄特賜之勅俾安撫
百姓其任匪輕縱有罪須奏聞處治今未有失禮於王而遽摧
辱之然此非出王本意必爲下人所惑自今王宜謹守祖法
勿信讒枉下府中承奉長史典儀悉械送京師治之。丙戌汀

州府和府許敬軒奏衆議陳羽至寧化縣用大杖擊死無罪人及逼取死者之家財物上諭行在都察院臣曰布政司官府縣之表率固當奉法循理此人嘗擊殺皂隸今復以貪暴爲屬官所奏稔惡不悛如此令巡按御史鞠治如律○丁亥賜西寧衛刺麻也失監剽等鈔綵幣表裏有差○初大理寺奏山東江西二道御史所問強盜七人皆是軍匠兩經審錄因稱盜發之日皆在公執役各有管領之人爲証實不爲盜命會官鞠之至是六部都察院等官覆奏衆驗審覆七人實非盜上曰御史朝廷司直之臣凡諸司行事有是非不辯枉直倒置皆當執奏乃自誣枉平人可乎必_正其故入之罪以戒後來○戊子徙江淮衛關先是守備南京襄城伯李隆奏關瀕大江風水淪陷迫及關門欲徙向內乞做永樂間例量撥軍民千人修築從之○


己丑勅三法司錦衣衛曰今天氣嚴寒囹圄中尤當矜卹爾等
即審究凡情有可憫者悉從輕典速爲斷達若體勸待對者令
知在出外庶免淹滯而死如真犯死罪不可生者亦宜存恤待
及時而決 上帝之德好生而已朕與卿等皆須體此不可怠
忽。六科給事中年富等劾奏行在都察院右都御史顧佐左副都
御史陳勉監察御史丘陵陳泐湖廣都司都指揮僉事魯曾布
政司右叅議周文按察副使余士悅等寬抑平人罪初福建汀
州府知府宋忠還鄉過黃州遇劫盜被殺忠子瑛聞於官而所
乘舟漂流至黃石港港旁居民陳禮等十有七人毀而分之官
遣人捕盜得所毀舟板遂執禮等爲盜械送至京都察院悉坐
劫盜死罪禮等屢訴冤抑都察院行湖廣覆勘巡按御史陳泐
及三司官不爲詳覈皆指爲實盜禮既死獄中餘俟決禮之弟

復擊登聞鼓訴寃。上遣監察御史胡智往湖廣同三司堂上公正官躬至其地詢察智還奏禮等但毀給分板實非盜竄是六科給事中劾奏佐等失入人死罪洎等照勅不實宜正其罪命始宥之復諭佐等曰事因明白其幸而不死者得釋若禮無辜而死於獄汝等亦勦心否乎朕亦爲汝惕然矣佐等皆叩首。庚寅以亦力把里歪思王討來思萬戶亦思馬因等各遣人朝貢遣內官李信都指揮喜刺丁等齎勅往賜歪思王及亦思馬因等金織綵幣表裏仍賜喜刺丁等二百四十餘人鈔絹綵幣。內使馬俊公差還京至良鄉聞表琦事自經有司以聞。上曰此正與表琦同惡害吾民者命錦衣衛戮其屍梟首於市。辛卯免山東夏津縣被災人戶逋賦一千九百六十八石濟南府濱州直隸保定府易州復業之民夏稅小麥二百七十餘石

殺二十石草五萬四千三十束。中官唐受以公差南京縱恣貪酷民不勝其害事聞。上命錦衣衛遣人捕至鞫訊具伏械赴南京。凌遲於市梟首以示衆。陝西按察司奏漢中府缺知府其同知王聚到羊置酒邀教授張迪及所屬知縣畢昇等求共薦已請授本府知府迪等褒稱聚有實德真才海內士夫罕比乞典郡政服此欺罔宜正其罪。上曰此亦無恥甚矣士君子患無諸已何俟求人今卑辭下氣請託屬官不復知有廉恥矣併教授知縣悉罪之。昏刻有流星大如鷄彈色赤尾跡有光起婁西南行至羽林軍

大明宣宗憲天崇道英明神聖欽立昭武寬仁純孝章皇帝實

錄卷之八十四



明宣宗章帝實錄卷之八十五

宣德六年十二月壬辰朔 上省郊祀牲。夜有流星大如雞
彈色赤有光起庶子東北行至北斗魁。癸巳命故行在金吾
後衛指揮同知宮旺子晟指揮僉事許勝子璟襲職金吾右衛
指揮同知張驢兒子斌羽林前衛指揮僉事何浩子忠張壽子
能俱代職以驢兒等老疾乞致事也。迺北韃靼兀南帖木兒
等來歸奏願居京自劫命爲百戶等官賜冠帶金織襲衣綵幣
銀鈔鞍馬有差仍命有司如例給房屋器物。鎮守甘肅大監
王安以蘭州衛軍王震等藏玉石不獻而私鬻於家執送至京
上曰國家以民安爲實況小人營利亦其常情何罪遽命釋
之。行在大理寺奏有父子與人飲強人以酒不從而子毆之
至死者當其子絞罪命如律因曰酒能發君子之和氣亦能激

小人之暴氣小人使酒未有不敗者。甲午賜兀者等衛女直指揮僉事若赤等歪思王母所遣使臣滿剌哈只等綵幣表裏絹布襲衣等物有差。命罪囚納米贖罪時犯罪者俱發運甄贖罪行在工部尚書吳中言近無甄可運請改發納米命行在戶部禮部議雜犯死罪納米一百石流罪減二十石徒五等三年者七十石二年半至一年遞減十石杖五等一百者二十石九十至六十遞減二石笞五等五十者七石五斗四十者六石三十者四石五斗二十者三石一十者減二十之半從之。行在中軍都督府奏太倉衛指揮徐整以運糧爲名減除軍糧一百一十石歸己當治其罪。上曰節百家之口以足一人之欲比與士卒同甘苦者何如罪之不貸。乙未陝西西寧衛禪師鑽古魯領占完卜捨刺藏卜等來朝貢馬。山西道監察御史

盧睿等劾奏備禦薊州太監劉通總兵官都督陳敬蒙蔽侵欺之罪時錦衣衛指揮僉事王息歸自兀良哈以駝馬入關通等與息交通匿馬七十四匹駝五頭不以聞。上曰小人不足深責但命法司封御史奏章示之使之改過。鎮守山西都督僉事李謙奏山西所屬緣邊關隘烟墩城堡相離闊遠今西緣黃河累有警報殘虜多來歸附而守備不足遂勅總兵官武安侯鄭亨以原調潞州等衛所官軍一千人還山西操備。內官袁琦內使阮巨隊阮誥武恭武路阮可陳友趙誰王貴揚四保陳海等伏誅初巨隊等往廣東等處公幹而以採辦為名虐取軍民財物事覺下錦衣衛獄究其所由皆琦指使於是籍其家金銀以萬計寶貨錦綺諸物稱是又所用金玉器皿僭侈非法皆四保與海為之法司議罪應死。上命凌遲琦而斬巨隊等十

人時內官裴可烈亦以貪暴下錦衣衛獄死。丙申 上諭右都御史顧佐等曰宦者袁琦以其自小隨侍頗稱使令陞太監管事輒敢恃恩縱肆欺罔假公務爲名擅差內官內使往諸處凌虐官吏軍民逼取金銀等物動累萬計致吏民含冤無訴歸怨朝廷雖方面風憲之官皆畏憚之不敢以聞鬼神不容發露其事已悉真極刑爾都察院揭榜曉諭中外凡先所差內官內使在外侵占官民田地及擅造房屋所在官司取勘明白原係官者還官軍民者還軍民中外官民人等有受內官內使寄頓財物許首免罪若匿不首事覺與犯者同罪自今內官內使出外敢仍前有犯令所在官司具奏治以重罪知而不奏罪同若中外軍民人等有投託跟隨內官內使因而撥置害人者悉處死罪。上退朝御乾清宮諭太監王瑾吳誠等曰朕即位以

來念內官內使隨侍勤勞恩待甚厚屢戒諭之令謹守法度勿罹刑辟永享太平其間有能小心忠謹朕待之加厚不意袁琦孤恩負德越禮犯分欺瞞朝廷受人囑託私遣內使出外假以幹辦虐害官吏軍民百計索取金銀財物數以萬計下人銜冤歸怨于上朕何由知天地鬼神共怒事乃發露琦已伏誅此非朕欲罪之殺身之禍實其自取爾等其揭榜昭示內官內使及小火者能守法事上不恃寵作威不害民取財者鬼神佑之若違法越禮惟務貪虐鬼神不佑國法不赦若先嘗有過後能改悔朕亦以無過待之。丁酉賜亦思把罕等處貢使宴。己亥臘節賜文武羣臣宴。庚子夜有流星大如雞彈色青白尾跡有光起翼東南行至庫樓。辛丑賜亦思把罕等處使臣迷兒阿力等五十八人哈密衛回回舍人哈三烏思藏怕木竹巴

闡化王使臣刺麻藏卜伯僧人星吉領占等福餘衛韃官所鎮
撫土木得兒等白金綵幣紗羅絢絹金織襲衣等物有差。壬
寅南京太僕寺卿趙次進卒次進浙江臨海縣人洪武中自學
官用薦陞常州府無錫縣丞以捕寇功陞本縣知縣永樂初擢
福建按察司僉事還爲刑部廣東司郎中陞廣東布政司右叅
政改太僕卿次進有士行所至以寬厚惠下年七十而卒。癸
卯朝鮮國王李禔遣陪臣李歲等貢馬及方物賀正旦。旌表
孝子李遇中順孫陳智及節婦陳氏烈婦向氏等十四人遇中
四川安岳縣人事二親至孝親病朝夕侍側及卒廬墓寢苦枕
塊徒跣三年雖隆寒不改事聞旌其門曰孝行智河南太康縣
人幼喪父祖母戴母孟撫育之祖母病侍疾甚謹及卒廬墓跣
足垢面不茹葷飲酒事聞旌其門曰孝順陳氏常州府武進縣

民袁範妻年二十喪夫子纔一歲守節不嫁家貧躬紡績以給衣食吳氏江寧縣匠陸保妻年少喪夫二子皆幼守節育孤誓不他適姚氏四川安岳縣民張保妻賈氏神策衛總旗孫翔妻張氏江寧縣民周稱住妻李氏龍江左衛小旗弓金長妻張氏神策衛卒溫討驢妻王氏府軍右衛卒田二妻顧氏神策衛卒楊公孫妻秦氏江寧縣匠陳阿福妻汪氏府軍左衛卒潘理妻薄氏府軍右衛卒蘇官福妻俱年少喪夫不嫁撫孤子奉舅姑居貧治生守志不二事聞旌其門曰貞節向氏靖州左衛卒陳均保妻均保卒自經以殉王氏靖州衛指揮王宸女許嫁指揮陶暹子紘紘以疾卒王氏曰此身已許人義當同死亦自經死事聞俱旌其門曰貞烈。直隸保定府雄縣奏本縣城南瓦橋及月樣三橋俱當往來驛路近為雨潦所壞請如舊例令保定

府所屬州縣民備材協力修治從之。順天府固安縣械繫所獲強盜張旺等三人至京未獲者尚十一人。旺隆慶右衛千戶餘皆武官家人。上命付行在都察院其未獲者令錦衣衛急捕。召武臣諭之曰：國家優待武官皆有常祿，死則祿反子孫，何至爲強盜。太祖皇帝嘗言：守俸如井泉，井雖不滿日汲不竭。強盜雖一旦苟得，然當殺身，豈如守嘗祿可長久爾。等老成舊人，當嚴戒飭子弟家僮，使守法度，若有犯致罪，毋謂朝廷少恩。

○甲辰，毛憐衛土官都督僉事撒滿答失里等遣女直指揮僉事歹羊加等來朝貢馬。賜泰寧等衛都督僉事脫火赤差來指揮同知李羅等及奉使泰寧等衛指揮同知失令等九十七人鈔及綵幣表裏等物有差。禮部侍郎李嘉子秉自陳臣父老疾致仕，臣無以報效，願爲陵戶以供灑掃。上謂行在禮部

曰朕念嘉老令致仕其子求爲陵戶得非慮有他役乎令有司復其家。乙巳謫錦衣衛指揮僉事徐景璜及其弟千戶景瑜。戊隆慶衛初南京錦衣衛得繫囚之脫逃者景璜與指揮使張瑛徑械送北京守備襄城伯李隆以其違例不闕白奏之上遣內官李德齋勅命都察院責景璜等罪狀俾戴罪還職景璜景瑜有倍慢語法司奏大不敬應斬。上諭群臣曰朕念開國元勳之孫且皇祖母族姪豈忍加重罪姑謫戍邊俾自懲庶幾保全之道蓋二人皆中山武寧王孫也。夜月食。丁未賜陝西西寧衛禪師鑽古魯領占完卜捨刺藏卜等兀者等衛來朝女直指揮僉事撒里乞納等鈔綵幣表裏襲衣等物有差。成國公朱勇新建伯李王同行在五軍都督六部尚書侍郎奏進所選京衛軍官姓名先是行在兵部奏外衛多缺官。上命

勇等選擇年力精壯才堪任事者調用至是以聞 上曰所以命卿等公選者欲其能修飭武備撫馭士卒爲國家效實用如選合公道始見卿等之能遂付兵部令依所擬調用。太子少保禮部尚書兼武英殿大學士金幼孜卒幼孜江西新淦人由進士擢給事中 太宗皇帝初臨御簡求文學之臣改翰林院檢討又簡真內閣治密務數月陞侍講 仁宗皇帝在東宮數以春秋進講令旨稱善纂十二公事作春秋要旨三卷以進永樂五年陞右春坊右諭德仍兼侍講 太宗皇帝巡狩北京及親征北虜皆預扈從與修 大祖高皇帝實錄及五經性理大全書陞翰林學士仍兼諭德實錄成賜金織襲衣鈔幣陞文淵閣大學士仍兼翰林院學士扈從北征道中兵疲 上以問群臣皆莫敢對幼孜獨請還師雖忤旨不悔 仁宗皇帝嗣位進

戶部右侍郎仍兼文淵閣大學士翰林院學士踰月陞太子少保兼武英殿大學士專典內制賜大臣五人銀圖書其文曰繩愆糾繆喻以政務或有闕失密疏以聞用此識之幼孜與馬是年冬命持節冊封梁王及趙王妃洪熙元年命兼禮部尚書三俸俱支是時以法司論死罪多寃抑命與大學士三人同審錄幼孜其一也 上即位之初以內艱去及修 兩朝實錄起復爲總裁己酉命持節往寧夏冊封安化真寧二王妃所過詢兵民休戚還奏 上嘉納之實錄成賜金織衣文綺白金鞍馬歲餘得疾 上遣太醫院判日往視療竟不起 上聞嗟悼甚至遣禮部尚書胡濙賜祭贈榮祿大夫少保謚文靖勅有司給驛舟歸其喪且治葬事幼孜爲人簡易沉默溫裕有容論事必正沉愛無所忤其學該博文章和平寬厚類其爲人不伐善不驚

名其在朝廷論思獻納預有裨益眷遇雖隆而自處益謙名其
燕休之室曰退菴臨終家人屬求恩澤於子正色曰君子所恥
迄終清明一語不亂年六十有四。戊申增設行在羽林前衛
中前中後中中三千戶所初御馬監養馬習士又小廝三千一
百餘人皆隸羽林帶管名雖隸而身不隸且姓名多同凡支糧
賞本衛莫能稽考行在兵部尚書許廓以聞 上命設三所以
專統之。免直隸大名府魏內黃二縣廣平府肥鄉廣平成安
曲周四縣真定府新河隆平二縣河間府獻縣徐州碭山豐沛
三縣去年水災田糧二萬六千四百一十四石穀草一十一萬
有奇。己酉兵部武選郎中呂爰正九年考最當陞尚書許廓
言兵部方清理軍職貼黃爰正自主事陞郎中前後二十餘年
皆在武選貼黃皆其所掌又詳練本司政務乞無陞擢出外

上謂行在吏部曰官不數易則能修其職可陞四品祿舍復任
。陞工部都水司郎中楊彬爲雲南布政司左叅議擢監生倪
宗瑾徐傑高琮王驥陶鏞姜豫劉智鄭禧爲行在監察御史宗
瑾傑雲南道琮山東道驥陝西道鏞福建道豫江西道智湖廣
道禧山西道堯恭李秉李昇爲行在給事中恭秉戶科昇工科
陝西道御史陳銜貴州道御史黃振親喪服闋命改銜河南道
振復本道復劉釗鳳陽府通判陞正五品祿實文莊陝西長安
縣知縣陞從六品祿安珮山西武鄉縣主簿陞從八品祿王彥
暉應天府上興卓巡檢陞正八品祿皆九年考最當陞以其民
奉乞留之故陞祿俾復任調廣東右叅政曹曾於陝西布政司
以兄員故也黜監察御史林儀鳳爲廣西宜山縣知縣李鑑爲
山東黃縣知縣以才不勝任也。有掌中都留守司都督陳恭

死罪發戍遼東恭在中都盜移 園丘 方丘 皇陵牆外樹
植於私家盜取舊內千步廊材造樓居又擅役軍士平 皇陵
前馬鞍山頂又盜用官木及強取所部女子爲妾婢尅減軍士
口糧二千餘石強占軍士田地十餘頃歲役軍民耕種收米麥
三千餘石因公斂軍士白金乾沒者二百餘兩占軍士六百八
十餘人匠七十餘人更番私役總旗楊榮嘗欲告恭不法恭捕
榮歐殺之虛飾文案言榮罪而取其貲財事覺 上曰人言大
臣罪必審察得實乃可處置遂遣御史焦宏察之宏還奏皆實
逮恭至京命公侯伯都督尚書三法司掌科給事中掌道御史
同鞠悉引伏 上曰恭罪至重法不可宥但念其父在 皇祖
靖難時多効忠力恭亦從征有勞姑宥死杖一百戍遼東遼衛
仍籍其家。庚戌建州左衛女直指揮同知佟塔察兒陝西岷

州衛刺麻官著星吉及烏思藏刺麻沙節捨嚴等來朝貢馬。賜朝鮮國朝貢使臣李獻等晏。增置北京及通州倉命戚國公朱勇撥軍士用工豐城候李賢董其役。遣監察御史往寧夏甘州巡視屯田水利初行在工部侍郎羅汝敬言寧夏甘州諸衛屯種全資水利多爲官豪侵占農家不得灌溉兼屯軍及餘丁嘗有公私差違妨其農功子粒無徵請增除六部都察院堂上官二員專一往來巡視庶革其弊至是上命都御史顏佐遷御史二員往理其事。上進而論之曰邊軍屯田最高切要爾往必潔己奉公毋爲勢要所脅。降工部主事謝亨廣東連山縣典史字初以濫擿得罪至是行在吏部言字已罰役例當對品改除。上曰田野民無行人猶絕之此人尚可依品授官乎遂降典史。行在禮部奏工部右侍郎周忱父卒例應賜

祭忱今奉命巡撫蘇松諸郡亦應守制宜有代者 上曰祭如
例忱所任重務其令馳驛歸葬畢起復視事。辛亥命故府軍
後衛指揮同知段洪弟漢旗手衛指揮僉事于勇子能襲職府
軍衛指揮僉事王斌老疾命其子俊代之。壬子陝西岷州衛
剌麻高僧鎖南鎖竹等來朝貢馬。行在大理寺奏營州左屯
衛百戶范英往金華等府勾軍得六十六人回至通州受銀幣
等物皆縱遣之於律應絞近例罰役還職 上曰軍官惟恐軍
伍不實賣軍得不死倖矣若更還職人何所懲發赤城充軍所
賣之軍悉追逮罪之。南京光祿寺少卿李炯寺丞陶琰有罪
罰役復職炯等坐不嚴督屬官直宿致厨子縱火焚米倉又妄
以失火奏法司論炯琰罪應徒以恩例罰役至是復職。癸丑
夜有流星大如雞彈色青白有光起天鈞北行至濁。甲寅雲

南順寧府故土官知府猛英弟蓋千夫長阿里姪阿和等來朝
貢馬。調行在羽林左衛指揮使劉全任行在府軍右衛府軍
右衛指揮同知孫勝任旗手衛金吾右衛指揮同知胡亮任彭
城衛羽林前衛指揮僉事仇英任羽林左衛忠義中衛指揮僉
事扈責任燕山右衛金吾左衛指揮僉事仲福任永清左衛遵
化衛指揮僉事于忠任大興左衛燕山右衛指揮僉事李興任
羽林右衛金吾右衛指揮僉事朱俊留守右衛指揮僉事高昇
俱任金吾後衛安東衛指揮僉事楊忠任濟陽衛薊州衛指揮
僉事陳敬任濟州衛玉林衛指揮僉事傅通任燕山前衛。命
改行在府軍後衛指揮僉事邵善子通襲職。乙卯鎮守甘肅
總兵官都督劉廣奏沙州衛都督困即來遣人來告饑且懼罕
東西番乘虛侵之乞城其地以爲固。上曰彼居沙州畜牧可

以自給若能睦鄰保境豈有外虞今不務此乃欲勞費中國乎
遂勅廣等令撫其使人以歸且諭以邊境士馬衆多今年秋成
亦薄僅足自給所欲築城待年豐議之。丙辰立春順天府官
進春。上御正朝受之文武羣臣行賀禮遂賜晏。庚申歲暮
享太廟。以明日正旦遣衛王瞻埏謁長陵獻陵。遣
官祭五祀及旗纛之神。免湖廣長沙縣復業人民一千六百
七十七戶所欠永樂二十一年二十二年稅糧四萬一十八石
一斗絹三百三十三匹有奇。○山西汾州平遙縣奏今年春夏
不雨至秋早霜田穀無收民皆乏食。上命行在戶部議賑之
。工部辦事吏朱士美言徽州府織染局歲造絲段以所屬六
縣工匠爲之每匠有三五丁七八丁多至十餘丁者止一丁赴
局其餘亦不輪班而每歲僉點縣民十一人爲堂長典絲出納

又僉歛休寧二縣民四百餘人絡繹工匠餘丁苟免徭役堂長
出納之際爲弊尤甚有司官吏緣是爲姦民受其害無所告訴
乞行巡按監察御史從公覆勘如應天府例以匠戶丁多者爲
堂長餘丁絡繹庶便於民 上從之命行在工部卽爲勘實處
置有司官吏作弊者皆治以罪○是歲天下戶口戶九百七十
萬五千三百九十七口五千五十六萬五千二百五十九田地
四百一十八萬四百六十二頃四十一畝田賦米麥三千三十
萬三百一十五石有奇絲一十七萬八千六百六十二斤綿二
十二萬一千七百一十八斤絹九萬四千二十七匹布一十二
萬九千七百五十四匹綿花二十四萬二千四百八十二斤折
色鈔七萬六千九百六十二錠有奇雜課鈔四千三十三萬五
千六百九十五錠米麥六萬三千一百三十九石有奇銀五千

四百四十四兩銅二千一百三十二斤鐵四十九萬八百九十
八斤布二百七十六匹鹽課鹽五百四十九萬八千八百二十
八引有奇折色鈔二千四百五十三萬三千一百七錠米六十
五萬八千三百三十八石綿布六萬九千三百七十三匹有奇
茶課茶六十一萬一千七十二斤折色鈔一萬五千一百一十
錠北田子粒九百三十六萬六千四百二十石採納金三百四
十四兩銀三十萬五千四百五十九兩水銀五千七十五斤硃
砂九百二斤石綠三千二十七斤雄黃二百一十七斤漕運北
京米麥豆五百四十八萬八千八百石有奇減免天下官田等
項稅糧計米麥六萬五百九十一石絲一百七十三斤有奇
大明宣宗憲天崇道英明神聖欽文昭武寬仁純孝章皇帝實

大明宣宗章皇帝實錄卷之八十六

宣德七年春正月辛酉朔日有食之勅羣臣曰朕以菲德君臨萬姓夙夜孜孜欽承天道用伸昭事今茲正旦日有食之衆陽之宗也正旦一歲之首也上天示警朕係匪輕朕祇存惕厲用謹天戒君臣同體所宜惕恭其免賀禮爾文武群臣即詣禮部護日如儀欽哉毋忽○壬戌遮北和寧王阿魯台遣使臣也先帖木兒兀者右衛頭目首勒等來朝貢馬○夜禡流星大如鷄輝色青白有光出輿巷西行入南河有慧出東方光芒長丈餘尾掃天津漸東南行十日始滅○甲子阿倫衛女直指揮知同亦省平等來朝貢方物○丙寅夜有流星大如盃色赤光燭地起梗河南行至角○丁卯孟春享太廟○遣中官祭司戶之神○賜朱和王濟煨燭子名美搗○遣中官李貴等使

西域哈烈等國勅諭哈烈少哈盧鎖魯檀等曰昔朕 皇祖太宗文皇帝臨御之日爾等恭事朝廷遣使貢獻始終一心朕恭膺 天命即皇帝位主宰天下紀元宣德小大政務一體 皇祖皇帝奉天恤民一視同仁之心前遣使臣齋書及絲幣往賜道梗而回近聞道路以通特遣內官李育等齋書往諭朕意其益順 天心永篤誠好相與往來同爲一家經商生理象從所便賜沙哈盧等金織文綺羅錦又勅撒馬兒罕頭目兀魯伯曲列干及卜霞兒城達失干城沙魯海牙城賽藍城亦力把里計素思等處頭目亦知之悉賜金織文綺綵絹帛并勅哈密忠順王卜答失里忠義王脫歡帖木兒沙州赤斤蒙古二衛都督因即來都指揮察罕不花等以兵護送○直隸興州中屯衛奏去年十二月所給使臣車輛人夫之數 上諭行在兵部尚書許廓

等曰使臣經過應接煩勞今東作漸近須愛惜人力其令所過之處量度節省○戊辰泰寧衛掌衛事都督僉事脫火赤奏舊印為胡虜本雅失里掠去請再給授從之○庚午以大祀南郊上御正朝文武羣臣受誓戒禮畢上御齋宮命內官使各謹齋戒如有飲酒食葷及隨侍入壇而唾地者皆罪之令司禮監專糾察縱容者同罪○勅綠邊諸將嚴謹兵備凡關隘城壁烽墩晝夜不可怠忽寇至擊之寇去不必窮追○辛未陝西平涼衛指揮僉事哈刺苦出遣百戶李能等貢馬○癸酉大祀天地于南郊禮成車駕還宮詔皇太后率出御正朝文武羣臣行慶成禮○甲戌以郊祀慶成大宴文武羣臣及四夷朝使○夜月掩軒轅○乙亥上元節賜文武羣臣宴○朝鮮國王李禔遣陪臣四時貢等貢馬賀萬壽聖節○鎮守山西

都督僉事李謙奏虜寇竊入邊境官軍擊走之併獻所斬獲人
口級及馬數 上謂行在兵部尚書許廓曰朕嘗謂邊備當嚴
密使賊無間可乘今彼得乘間而入雖小勝抑末矣宜移文戒
飭之○丙子行在兵部奏兵馬司巡警不嚴盜於都城內詐稱
校尉拘禁都督譚廣家屬劫財而去請付法司責令捕盜 上
宥之令榜諭許首告如例陞賞仍給犯人財產如盜能自首亦
免罪匿盜不首罪與盜同○哈密衛曰副千戶亮牙思于馬
黑麻等來朝貢馬○行在戶部奏去年武進伯朱寯等運糧十
五萬石往獨石後因寯奏停止未運回萬六千四百餘石分天
氣漸暖請遣京衛軍士運之并運今年十五萬石 上從之命
寯總督都督韓偁副之○夜來北方雲陰有雷○丁上賜朝鮮國
陪臣李歲等毛憐等衛女直指揮僉事牙羊加等絳帶表裘等

物有差○遷去伯陳英華英祖志四川重慶府已縣人從
宗皇帝靖內難積功封遷去伯英初襲故父春之職為燕山中
護衛指揮僉事及志卒遂襲伯爵屢從征漢北後充總兵官鎮
永平山海宣德元年召還掌前軍都督府事總右掖軍操備後
鎮薊州山海五年往獨石雲州赤城永寧築城堡及遷總右掖
軍徑運邊糧至是卒賜祭命有司治葬如例英為人英剛然在
永平志其貪酷人忿怨之○戊寅賜建州左衛女直指揮同知
佟塔察兒陝西岷州衛僧鎔南鐡竹刺察官著星吉烏思藏刺
麻沙節捨服等鈔絲幣表裏紵絲襲衣有差○陝西行都司土
官都指揮僉事李文泰昨西番阿吉簇大國師叱思巴領占指
揮同知星吉兒加等言洪熙元年領本族刺麻阮丹汪東鎖南
藏卜等軍隨會寧伯李英至安定衛雅全闕之地討叛寇多所

斬獲其有功者令皆陞賞阮丹汪束鎖南藏卜之功當為首而
叱思已領占不為陳奏二人不得與恩惠恨率所部亡入肅州
鹽池境欲相讎故今漸悔過獲回居擺通州乞宥叱思已領占
不奏功狀之罪加息二人俾仍管番民辦納差發 上曰有功
必賞朕所不吝彼獨遺其功安得不生響怨命所司陞賞如例
○福餘衛都指揮女出等奏保本衛改指揮使晃火兒等字羅
帖木兒襲父職及頭目都魯禿脫歡又兒多里罕兀失哈刺帖
木兒脫脫木兒忙哥脫脫不花俱為本衛指揮僉事羅答不
歹脫脫俱為泰寧衛指揮僉事悉從之○夜有流星大如碗也
青白光燭地起中天北行有聲如雷○己卯 上以內官袁琦
姦貪害民既誅之初天下諸司曰朕恭嗣 祖宗大位夙夜寅
恭不違暇逸誠以天下首 祖宗之天下軍民者 祖宗之軍

民單民安則天下治天下治而後有以仰副 祖宗付託之重
爰自臨御以來惟以安人為心而內官監大監素琦侍日又
肆其狡險欺慢朝廷假幹辦公務為名朦朧奏遣內官內使在
外凌辱官員毒害軍民恣肆貪殘賦穢狼籍金銀以千萬計人
不聊生所在有司坐視民患徒懷詭愴默不敢言 天地不容
神人共怒發其罪惡已初法司榜示天下尔等其體朕恤人之
心務隆綏撫民者國之本也代天理民者君為國安民者臣爾
等勉之必使軍民皆安於下而無歎息愁恨之聲庶幾盡爾等
之職不負朕委任之意尔等勉之○烏思藏來藏刺麻瑣南藏
卜等來朝貢馬○庚辰命行在刑部都察院進士分鞫獄囚舊
制進士於各衙門觀政不食署文案至是都察院右都御史顧
佐言永樂中嘗命進士於刑部都察院理刑今欲仍令與御史

郎中主事分理庶幾諳練從之。○初甘肅總兵官都督僉事劉廣等曰瓦剌順寧王脫歡屢遣人朝貢雖其意勤然虜情多詐安知數教往來非窺覷欲有所為乎宜嚴飭兵備不可怠忽。○賜朝鮮國及迤北和乎王貢使宴。○辛巳詹事府少詹事兼翰林侍讀學士曾祭卒祭字子祭江西吉安永豐縣人永樂甲申進士第一授翰林院修撰時上嚮用儒術命選新進士二十八人進學文淵閣以祭為首命先祿給朝夕膳月賜燈燭費使進於文學每燕閒召試祭率居第一必有賜券休永樂大典命為副總裁進侍講與修太祖皇帝實錄書成賜金織襲衣鈔幣進陞侍讀學士仁宗皇帝嗣位陞左春坊大學士仍兼翰林侍讀學士上即位優禮益厚賜寶帶修太宗仁宗實錄成賜金織襲衣文綺白金陞詹事府少詹事仍兼翰林侍讀

學士榮素有疾疾一日羣臣班列奏事榮疾作遽退上遽見之將免朝參越數月疾加命醫視療竟不起臨終神色不亂自爲贊以遺孥所厚者計聞上惻然遣禮部侍郎章厥賜祭贈嘉議大夫禮部左侍郎命有司治墳塋給舟歸其喪榮爲人溫雅英邁喜推薦士士窮流落不偶者多賴以濟學博才贍爲文章沛然莫禦無間責賤出處求輒應之詩文布於四方善行草書得者咸貴重之卒年六十一○壬午勅大同總兵官武安侯鄒亨發軍士三千五百人委都指揮許斌領赴長安備宣府總兵官都督譚廣發軍四千人委都指揮毛翔領赴赤城俱聽武進伯朱寯等總督糧運○免山西徐溝縣去年水災田糧一千三百二十七石有奇穀草二千六百五十四束賜雲南順寧府故土官舍人猛蓋阿和等鈔○行在都察院右都御史顧佐言

往者監察御史高攀巡按四川 三司又行劾司文贖致回十
不及一復差御史馬駿追究今駿言四川布政司遵年所奉六
部文移止付各房勘合科不立業檢是以無從稽考經歷王徽
等已問罪布政使既實左叅政康慶右叅政田衡左叅議李敷
俱合逮治 上曰方面大臣承流宣化業曠本經歷之職今歲
既受罪姑宥實等○萬全左衛指揮使王祥奏本衛地臨極邊
分兵守禦各隘傳報聲息惟資信砲在庫者俱已支用乞再闕
給 上命工部以砲五百遣官軍送萬全給之○右軍都督同
知楊澤卒等保定府定興縣人起卒伍從 太宗皇帝靖內難
以功累陞山西都指揮僉事永樂二十年扈從北征陞右軍都
督僉事洪熙元年陞都督同知至是卒計間賜祭加賻贈命工
部治葬事○癸未陝西文縣陽湯瀉連南等籛番僧令占伯藥中

尖尖等來朝貢馬○賜迤北和寧王使臣也先帖木兒及兀者
右衛頭目首勒等練幣表裏絹帛有差仍遣都指揮僉事書者
赤帖木兒等齎勃及練幣表裏賜和寧王阿魯台○思南府奏
所屬水德江長官司其地山溪陡峻無田耕種止辦戶丁折銀
糧三十八石有奇近歲疫死者六十餘戶糧額未除皆見存之
民代納又以鈔法不通市鎮舖店亦如例徵鈔巖洞深阻商旅
不至市無交易皆受僱外境辦鈔輸官甚民艱難乞蠲免前項
米鈔上命行在戶部具免之○甲申特陞安定衛指揮同知
果脫卜花為本衛指揮使初官軍征曲先叛寇果脫卜光為嚮道
有所擒獲具招撫番人獲業事平論功陞賞例以斬馘為上而
果脫卜花止生禽賊一人於例不應陞數自陳其指示招撫之
功居多而都督僉事史照亦為奏請行在兵部尚書許廉執奏

以爲例不應陞 上曰不聞蕭何發縱指示之功居諸將上乎
使烏嚮道且有功何得不陞無拘常例遂陞爲指揮使仍賜勅
嘉勞之○設廣寧苑初陝西苑馬寺言開城縣境乃長樂監所
屬故廣寧苑特地先已給降印信以無馬未設苑治今其地牧
馬凡四十三百七十匹令百戶何通提督請開苑以原降印信
與通署掌 上命行在吏部復設苑別選官掌印理事○乙酉
監察御史鄧祭巡按直隸蘇州諸郡歲期當代蘇之屬縣里老
糧長二千餘人言於巡撫侍郎成均云祭處事安詳理刑平恕
除革姦弊軍民安業乞仍留巡按一年均以聞印上從之○陝
西按察僉事林特言二事其一洪武中天下邑里皆置申明旌
善二亭民有善惡則書於此以示勸懲凡戶婚田土闕故常事
里老於此剖決彰善擯惡最是良法今各處亭宇多廢民之善

惡不書無以懲勸凡有爭鬪小事不由里老輒赴上司獄訟之
繁皆因於此請興舉舊制庶幾民風可厚獄訟可省其二文武
並用長久之術故武臣子弟不可不知書今天下軍衛亦有開
設學校者而未設之處尚多臣愚以爲衛所在諸府州縣者宜
令武臣子孫及旗軍俊秀子弟皆令入學讀書每五日一較書
習武藝果有成效皆許出身如是則皆知忠孝之道備文武之
才庶幾國家得人爲用 上曰此皆舊制所司即申明之○丙
戌 上念即位以來四方蕃國皆來朝貢惟日本未至遂命內
官榮山賞勅往琉球國令中山王尚巴志遣人齎往日本諭之
勅曰昔我 皇祖太宗文皇帝臨御之日爾日本先王源道義
能敬順 天道恭事朝廷是以朝廷眷待弥厚朕今紹承 皇
祖之志廣一說同仁之德特勅諭王王其益順 天心恪遵爾

先王之志遺使來朝朕之待爾一如皇祖之待爾先王非惟
一家一國受福于無窮且使海濱之民皆得以永享太平之福
爾其欽哉○安定王亦孳升遣指揮果脫不花阿瑞等衛指揮
同知真只羊來朝貢馬○行在戶部奏趙王高燧已薨歲祿三
萬石請停止上曰此王國世祿王薨有子將嗣封豈可停祿
給之如舊○丁亥運北糧艱買來的小泄等米歸奏願居京自
歛命買來的指揮同知小泄為副千戶納哈赤脫脫卜花等七
人為百戶所鎮撫賜冠帶金織襲衣絲幣銀鈔絹布鞍馬有差
仍命有司給房生器皿等物如例○福建布政司右叅政彭春
有罪謫充驛夫春往汀州府清理軍伍受賂事覺故謫之○行
在中軍都督府奏鳳陽中衛百戶清有罪過赦赴京謝恩遂
往山西翼城縣開居曠職三年請治其罪上曰居官食祿當

夙夜勤勵而放曠若此令執而罪之○戊子以河南衛輝府新
御縣吏郭瑄爲南陽府鶴路鎮巡檢時縣有強盜劫掠財瑄以
計擒獲送京上曰捕強盜須指軀命乃可得吏能如此宜旌
之遂賜鈔授以巡檢使專捕盜○嘉興府知府齊政言嘉興等
縣所徵稅糧上中戶今納於行在光祿寺及臨清徐州淮安下
戶及官田重租今納本府及海寧乍浦諸衛所臣觀下戶多貧
官田租重屢有通負致軍食不充而况海寧乍浦地皆湖海北
承法司移文凡浙江布政司有犯絞斬應納米贖罪者令輸於
淮安倉路遠未免多負前蘇州府罪囚應納米^者承戶部移文令
輸於本處倉乞准此例俟儲積有餘仍輸淮安又言律有家人
共犯坐其尊者婦人有犯坐其夫男比者姦民欲復私讐扶取
財貨輒造虛詞誣人父母兄弟子姪婦女及輿違對枉直雖明

而善良者已被其累乞勅法司有告及父母兄弟子姪妻女者
惟十惡重罪則并逮餘俟審鞫既明事有連者然後逮問如此
則姦計不行而善良得安俱從之○夜有流星大如雞彈色青
白尾跡有光起勾陳北行至華蓋後有彗出西方十有七日始
滅○己丑賜阿倫衛女直指揮同知亦省哥等絲帶表裏等物
有差○重建大興縣平洋關修通州羊營關橋時平洋之水衝
關隄岸皆圯羊營者輒運所經之路橋壞已久行在工部以關
故有是命○命指揮同知真只罕掌阿端衛事指揮僉事卜答
兀副之真只罕者本帖兒谷人其故父瑣魯丹初授阿端衛指
揮僉事嘗為曲先衛賊首散即思所脅劫掠使臣及朝廷調軍
征勒鎖魯丹懼罪遠遁失其所受印朝廷知劫掠非其本心遣
人撫諭之真只罕乃引部屬還處帖兒谷至是來朝貢馬自陳

阿彌舊城乃回回之境去帖兒谷尚一月程難於朝貢乞移置
本土為使時鎮守西寧都督僉事史昭亦以為言從^{其議}給衛印
賜璽書撫諭之○^強盜王祇等伏誅祇濟陽衛指揮僉事其妻
都督諱廣表姪廣往鎮宣府祇結京民之無賴者九人詐為校
尉乘夜入廣家言廣失機有旨籍沒盡繫其家屬閉諸外室劫
贖物以去至是行在錦衣衛百戶陳俊朱喜等廉察執之悉得
所劫贖物以聞祇等具伏特命凌遲於市籍沒其家俊喜皆陞
副千戶餘旗校俱陞一級

大明宣宗憲天崇道英明神聖欽文昭武克仁純孝章皇帝實
錄卷之八十六

大明宣宗章皇帝實錄卷之八十六

Faint vertical text columns, likely bleed-through from the reverse side of the page.

大明宣宗章皇帝實錄卷之八十七

宣德七年二月庚寅朔雲南鶴慶軍民有土官千夫長高英弟
山等來朝貢馬○巡按廣東監察御史陳汭奏廣東海洋廣濶
海寇屢出為患往者調遣官軍五十人海船五十艘出海巡捕
二十餘年多被漂沒無益警備請如福建設立水寨於潮州碣
石南海神電廣海雷州海南廉州八衛海道衝要之處官軍操
舟就糧守備每寨用指揮一員督之仍委都指揮一員總督以
備寇且整飭腹表諸衛官軍以備應援 上謂尚書許廓曰凡
事雖有變通然亦不可不慎官軍巡海已非一日今欲立水寨
未知果利便與否宜令廣東三司及巡按御史定議以聞○辛
卯 上諭行在刑部都察院大理寺臣曰今天氣和煦萬物發
生之時尔法司具其禁囚情狀以聞朕親閱之○廣西龍州土

官知州趙仁政遣族人趙福威守貢馬○壬辰 皇后千秋節
文武羣臣命婦行慶賀禮○免山西長子縣逃民五百三十三
戶宣德二年至六年稅糧五千二百一十石草六千三百三十
餘束○甲午 上視閱三法司所進繫罪囚狀諭之曰凡強盜
人命白晝搶奪傷人不宥逸截實封監守自盜宥死杖一百成
遠東受枉法贓常人盜倉庫錢糧誣告人致死納米贖罪不能
納者罰輸作徒連減一年納米贖罪不能納者罰輸作徒一年
者減從杖網未輸作凡納米輸作卑各復職後百杖皆宥之苦
該追錢糧等物及○為用銀兩罰鈔未完者俱減半其中有覆
勘并待對未到能自服罪及見問未完即為審錄皆准其例是
日決遣千餘人○鄉寧郡主薨主代王之女嫁儀賓范欽遣使
賜祭命有司治葬事○賜陝西平涼衛指揮哈剌答出所遺百

戶李能等鈔綵幣表裏有差○北京行太僕寺奏宣德六年軍民草牧馬驃駒凡五萬二千四百九十七匹○乙未四川平夷長官司女土官王氏遣通事劉勝來朝貢馬○賜哈密衛回回舍人馬黑麻等及烏思藏東麓刺麻鎖南藏卜等綵幣表裏等物有差○宣城衛女直舍人惱答來歸奏類居京自効命爲副千戶賜金靴襲衣綵幣欵布仍命有司給房屋器物如例○貴州總兵官都督蕭授奏初安隆長官司土官孫今俊及頭目郎瑛聚衆攻周寨也寨有勅令招撫已回廣西總兵官都督山雲各委官撫諭今皆順服各守疆界不敢爲非 上曰蠻夷嘗寬撫之但得其則已不足深究也○丙申行在禮部侍郎章啟等使安南還權畧安南國事黎利遣使阮文緬等奉表隨啟等來朝謝恩貢金銀器皿及方物○丁酉以明日 萬壽聖節遣衛

王瞻堦謁告 長陵 獻陵○遣少傅兵部尚書兼華蓋殿大學士楊士奇釋奠先師孔子○建州左衛土官都督僉事猛青帖木兒遣弟指揮僉事兀察等貢馬及方物○賜陝西文縣陽湯連南等族番僧令占伯樂中大夫等鈔絲幣表裏等物有差○戊戌祭 太社 大陵○遣官祭先農 萬壽聖節 上詣奉先殿行禮 皇太后前上壽畢出御正朝受賀賜文武羣臣及四夷朝使宴○是日雨先是天久不雨 上恐妨農耕致致在念以際 社稷居齋殿存心默禱至是祀禮告成陰雲四合大雨竟日田野沾足 上以神明感格喜而賦祭社稷承甘雨歌曰茫茫寰區天赤子 天與 祖宗同付畀萬機之暇予何營一念惓惓在民事春風布和二月初農家舉趾趨舊畝河水融泮土膏潤發育頌承天澤敷是特國冊方祈歲先社先農致

禮祀端居齋後豫對越交合神明在精意東方未曙霞彩紅鴉
鳩聚啼烟樹中寒威微微作料峭雲氣冉冉浮空涼甘雨從朝
過日夕大地涵濡深滿尺蔬畦壘麥望連延一夜青青總春色
閭閻畎畝人情好好語相傳通行道今年豐稔定可期家室歡
娛共相保民惟邦本著聖經民心有喜予心寧鞠躬薦禱感神
惠碧天湛湛昭華星紅燭成行照金節豐鼓清簫尊還闕民歡
神格嘉慶多舒興一題甘雨歌○己亥順天府奏本府鄉試額
取舉人五十人乃與江西解額同切緣京師監學天下人才所
聚各處儒士亦有就試者乞如南京應天有額取舉人八十人
庶廣進賢之路從之○諭監察御史王寶戍遼東賢任福建監
銀場擅仗民歛財發人塚墓以建佛寺事覺行在三法司以聞
上命謫戍遼東遵衛○辛丑命行在右軍都督僉事致仕郭

志子謙襲江淮衛指揮使○賜安定王所遣指揮使果脫不花
阿端等衛指揮同知真只罕等鈔練帶表裏有差仍命果脫不
花等齋勅及練帶表裏歸賜安定王亦攀丹○昏到月犯軒轅
玉女○壬寅朝鮮國王李裨遣陪臣柳啟之等來朝貢方物○
賜雲南鴻慶軍民府土官舍人高山廣西龍州土官族人趙福
盛等鈔有差○四川播州草塘安撫司所屬殺撒等四十一寨
蠻長箇常徒等作亂聚衆二千餘人將攻牛場乾溪等堡事聞
勅總兵官都督陳懷遣人撫諭如其不從發兵勦之○癸卯襄
府長史司奏本府未建社稷山川壇場請於潭府舊壇行事
上曰壇場雖舊苟致其潔清而將之以誠神必享之命禮部如
其請○給衍聖公孔彥縉符驗勘合俾朝覲往來皆得秉解○
行在兵部奏直隸真定等七府及應天滁和等府州宣德五年

孳生馬駒凡六萬五千八十一匹又德州左衛馬一千四百一十五匹缺軍牧套請給順天等八府民及直隸淮安等府祈編民丁從之○行在禮部奏比者太醫院舉荊州府江陵縣民張文玉充醫士令遣送至京今本府言文玉九十九歲兩目昏翳其子純任南京監察御史文玉已受封乞免遣送上曰此人已百歲縱有技能亦應優卹况受朝廷封命乎其令有司常加存問○湖廣施南宣撫司忠路長官司奏盤順峒長向基杓律為仰基施前虎備等所殺下敵毛納土峒土民驅拔送為田大旺送等所殺悉虜掠人口家財請罪之上命都督蕭授及湖廣三司巡按監察御史體履事實就禽治之追所掠之物給還仍解亮徒赴京○昏刻有流星大如盂色青白有光出游氣南行至濁○甲辰沙州衛都督因即來奏去歲旱災令部備督乏

食之垂賑濟。上語行在戶部臣曰：救災恤患，朕固不吝然勞內以事外，亦非吾所欲。遂勅困即來於廂州，受糧五百石。總兵官都督劉廣等給之。○山西按察使張政卒，政直隸廣德州人。由進士擢監察御史，巡按山西，持身礪行，政聲卓然。遇事輒言，不避權要。陞按察使，風紀益振。及是卒，時論惜之。○乙巳，賜朝鮮國并丸刺阿瑞等處貢使宴。○賜四川平夷長官司通事劉勝等鈔練帶表裏等物有差。○丙午，修南京太廟社稷殿宇，墻垣，命襄城伯李隆及工部董之。○調錦衣衛帶俸指揮僉事劉全任永清左衛。○作大同緣遠九堡軍士房舍，從總兵官武安侯鄭亨奏也。○丁未，賜行在禮部尚書胡濙宴于本部。以二考奏最也。○行在兵部奏遼東寧遠衛左千戶所以一百戶官軍煎鹽拾軍食右千戶所以一百戶官軍鈔供軍器請

鑄印頒給從之○交趾人陳之初授巡檢有罪謫為民王是奏乞復職上諭行在吏部臣曰法以加罪用法必須公宥此人何以示公勿聽○戊申復監察御史金濂官先是浙江崇德縣賊首平康殺人劫財命濂督捕康脫走濂坐失賊充官仍命往捕濂克獲康及其妻子至是悉械繫至京上命誅康而復濂官○命東寧等衛千戶李欽等齎勅往建州招諭○賜朝鮮國陪臣柳肢之田時貴等練帶表裏及金織紵絲繫衣有差○甘肅總兵官都督劉廣奏甘肅與西蕃北虜為隣其人時有婦附者今未全家術古術人祖失加卜等三十四人以駝馬牛五百六十餘頭未歸若悉留在邊恐難防制上諭行在兵部尚書許廓曰邊城不可聚此輩京師亦非處此輩之地况西北之人皆利於畜牧今後有來歸者令於平涼涼州擇便地處之亦勿致

其失所也○庚戌復命工部右侍郎羅汝收往陝西總督稅糧
七種及芻粟出納河渠等事勅諭之曰凡此衆務必須區畫得
宜人不勞困尤在敷宣德意撫恤軍民扶植良善遇有訴訟重
則付三司或巡按御史究治輕則量情責罰或付郡縣治之若
有已攬侵欺盜賣糧單及沮撓屯種占據水利者不問內外官
及權豪勢要具以上聞其有便民之事亦具奏來爾須秉公正
勵廉潔勤謹詳明夙夜無懈無恭無刻廢副朕委任之重如或
不謹於尔有罰欵哉○賜建州左衛土官指揮僉事凡察等鈔
幣絹布有差○行在戶部奏陝西遼衛折收米例時陝西按察
司僉事林時言甘州諸衛官軍俸糧皆于蘭縣涼州衛二倉收
西安等府稅糧供給有司因兵路遠止徵布絹就近糴米上倉
每石有徵布七八匹至十匹者而納米之費實不過三四匹餘

皆為總運之人所侵其甘州等衛俸糧於涼州關涼州等衛於
蘭縣關往回千餘里宇墩哨瞭_軍餘不得往關多於豪家奉贖
一月所得僅二三斗所以單士愈貧飲食不給今甘州各衛已
設倉官乞將各處稅糧半徵米半折布絹絲綿分運各衛米贖
兼又輸送雖遠而省費亦多 上命行在戶部議請從所言每
十分徵本色四折色六分其布絹絲綿折米之例每匹大綿
布六斗小綿布四斗大絹一石二斗小絹七斗大三校布一石
五斗小三校布七斗其布絹務皆堅密每斤生絲一石綿一石
綿光絨二斗從之○雲南總兵官太傅黔國公沐晟乞奔母喪
遣勅慰諭之曰得奏孝子之痛誠難為情但朝廷委卿一方重
寄未可輒離其強節表勉任國事蓋盡忠為孝大臣君子從古
皆然卿其勉之已命禮部具儀物自初喪至祥禫皆賜祭工部

道官營葵事卿之家務亦有駙馬都尉所維持可無顧慮惟一
志于公以副任托○夜有流星大如碗色青白光燭地出天闕
幸西行王滿○辛亥命行在刑部右侍郎樊敬往同平江伯陳
瑄工部尚書李友直查理緣河源失竹木時緣河所運竹木源
失者軍民多私取之 上聞之曰此皆取自深山勞費不貲朝
廷不得用而為姦人之利豈可不老于是命敬往又戒其詳慎
毋事煩擾○復撫寧等六衛指揮千百戶陳玉等官初玉等坐
所管軍逃逸降職千百戶至有降卒伍者後有旨先降止依洪
武中例罰俸改玉等皆得復其官○命政府軍前衛指揮使徐
表弟昂金吾左衛指揮僉事楊勝子興王慶子福山俱襲職金
吾前衛指揮同知丁亮子榮府軍前衛指揮僉事劉敬子金俱
代父職以其父老疾乞致仕也○道舍人祁成濟初諭安定衛

都指揮僉事桑哥賜之金織練帶答其貢馬也○雲南都司奏
寧遠州土官知州刀吉罕比為交賦所攻乞援三司議擬調官
軍六千委都督沐昂^平領赴之 上遣勅諭昂曰蠻夷誦詐未可
輕信惟省尔先南征嘗調寧遠土兵七千竟無至者而陰助黎
利為逆今之所言或其自警殺未可知何得輕動官軍為蠻夷
遠使宜察其實以為進止○夜有流星大如杯色赤有光起參
南行主游氣○壬子建州左衛千戶位出等未朝貢方物○癸
丑命行在兵部右侍郎柴車都察院右僉都御史凌晏如通政
司右通政徐琦翰林院侍讀苗象等清理軍職貼黃 上諭之
曰清軍貼黃 祖宗時最為重務蓋武臣百死一生故軍功得
蔭及子孫不清理或有冒濫則有功者屏棄無功者反受利矣
尔等且致詳慎不可怠忽○置萬全都司龍門衛經歷司經歷

龍門守禦千戶所吏目各一員。○行在戶部奏太原府陽曲縣
民地二十三頃已為廣昌王墳城請免其稅糧從之。○監祭御
史李得全等劾僧錄司右覺義大旺於慶壽寺擅創樓閣擅收
剃軍民子弟隱匿亡賴人員僧籍縱令僧會餐淫穢請寘諸法
上命錦衣衛執大旺等付都察院鞫之。○甘肅總兵官郝賢
劉廣奏比奉勅遣都指揮同知印鐸回西寧衛土官都指揮僉
事李文等往甘州白城山招撫西番阿吉族逃徙番民七百餘
帳遷居野馬川今千戶化里巴言頑目原里只詢真等六十餘
帳逃徙赤斤俺官撤卜等三十餘帳逃徙肅州仙人壩供走土
官管屬番民請勅李文招撫 上曰彼皆外番何須朝廷下行
其事止令廣移文諭之廣又奏初西番邀劫朝使命臣追理臣
不敢不用心但番寇劫掠是其常事乞勿深究 上諭尚書許

廓等曰邀劫朝使豈可以為常事自古寇患常起於細微今廣
欵秦雍長疽夫尔移文詰之令具實對○甲寅設保德州守禦
千戶所時鎮守山西都督僉事李諫奏保德州治通臨黃河正
當邊境要衝每至河凍則驅緣河居民依山入堡其遠有百餘
里者民甚苦之州舊有城墮壞已久若修築置軍屯守則邊備
可固居民亦免遷移上從之命行在工部以時修築仍諭行
在兵部設守禦千戶所屬山西都司以鎮西振武鴈門三衛帶
管山西護衛官軍八百五十餘人實之○賜圓淨禪師阮丹汪
來銀鈔鉢帶表裘等物初會寧伯李英往討安定曲先阮丹汪
未從行嘗有功英言于上遂陞禪師命陝西行都司土官都
指揮僉事李文齋賜之○曉刻月犯填星○乙卯調陝西都指
揮僉事徐諒于四川都司○復趙濟吳縣縣丞先是蘇州府知

府况鍾奏瀋閩葦無能起送至京吳縣民千八百餘人訴于巡撫侍郎成均周忱言瀋守法奉公處事文詳招撫逃民率皆復業凡朝廷買辦物料葉革包攬不敢多科擾民况本縣錢糧浩大路當衝要清善治繁劇不憚勞苦有愛民之心絕貪虐之弊比因本府經歷傳得有求於瀋不從又欲取于糧長瀋禁不與得憤恨以他事譖于知府改言其無能均忱以聞命巡按御史覆實果如民言改命瀋復職而真得於法○鎮守洮州衛都指揮使李達奏思業日蘇番民賄古樹爾節強掠本蘇人畜殺千戶樹爾結臣今入蕃收馬請治其罪上謂行在兵部臣曰蕃民設部長是無上下之分不治則綱紀隳矣當處之有道不廢法亦不激變乃為得宜尔其以朕意諭之○丙辰以明日清明節道衛王瞻埏祭長陵獻陵○丁巳行在兵部尚書許廓言

教場訓練士馬大營右哨則豈城侯李賢神機營右哨則都督馮斌二人俱道提督蓋倉缺官總督上曰訓練是重事倉廩亦不可緩令李賢馮斌日更番提督庶兩不誤○戊午命大興左衛指揮僉事孫旺總領五軍將軍操練○雲南寧州土官和州祿慶湖廣散毛宣撫司副使黃敬瑄遣把事覃忠等來朝貢馬○行在工部奏河東鹽池隄防雨潦頽壞請如例以旁近州縣民修築上曰盜利雜資國用今農事方興姑俟秋成築之又奏北京及通州增置倉廩歷久未完今漕運將至無所置頓請增軍夫八千人助役從之○巡按山西監察御史林英奏太原府石州寧鄉臨祁清涼等縣平陽府大寧河洋永和三縣汾州介休縣民因災傷乏食已委各府縣官於本處官倉支糧計口給濟○已未行在兵部奏先二次請理軍伍中有一事故未明

勾取未到者今復造冊請再遣官清理且以新定事例二條俾
通前例行之其一清理軍伍官到處令各衛所取勘先次收到
清出遠年迷失等項并二千里外帶操軍士數內但有在逃者
各督有司里隣人等拘提到官依律的決差人押解原衛所着
徒如里隣人等仍前窩藏不掣依原定榜例問斷其二各衛所
先收附近帶操軍士仍舊收操今次清軍官到彼若有比前控
故回申軍丁自首改正與清出年遠迷失紀錄出初軍丁俱存
留附近衛所收操其餘各都司衛所見勾逃故等項軍丁不分
衛所遠近炤舊仍解原衛所着後軍衛有司朦朧擅收脫放者
依律究問 上曰軍伍當清若果戶絕勿累平民大抵深刻之
徒妄意朝廷在於得軍展轉牽連累及良善逆使訴訟紛_紛不
知軍與民皆國之根本朕撫視如一未嘗有偏今宜諭以朕意

是是非非務盡至公不可枉濫於是遣大理寺少卿柴震寺丞
艾良太僕寺少卿孫璧及御史給事中郎中員外郎等官分詣
各處○總兵官都督譚廣奏昨奉勅旨發萬全兵^生爛柴溝等處
助大同戍兵修築營堡今大同當調官軍三千五百人與萬全
兵同赴赤城運糧臣請增撥萬全兵如大同之數而令大同應
調者自於本處就近供役俱省勞費庶幾兩便從之○巡按貴
州監察御史陳斌奏貴州所屬治古谷意及湖廣所屬算子坪
梗化生苗累肆劫掠銅仁烏羅等府及五寨等長官司民被其
害不能安業總兵官都督蕭綬授營設二十四堡環其地以守之
人力既分卒難扞禦今又四出劫掠清浪衛守堡所鎮撫葉
受勢益猖獗而都督蕭綬授及備禦都指揮張名恬不為意臣聞
生苗之地不過三百餘里止在梗化苗民之中乞別遣良將與

授以湖廣貴州官軍上兵四面攻之必可殄滅 上語行在兵部尚書許廓等曰蠻人雖務劫掠若防守嚴密安能為患何至使興殄滅天地生物狼虎蛇蝎何所不有豈能盡滅之但當慎防而已且秘雖蠻夷亦好生惡死宜令校及貴州三司差人撫諭使改過目新如有不悛發兵勦之

大明宣宗憲天崇道英明神聖欽文昭武寬仁純孝章皇帝實錄卷之八十七

大明宣宗章皇帝實錄卷之八十七

大明宣宗章皇帝實錄卷之八十八

宣德七年三月庚申朔勅諭行在五府六部都察院等衙門朕以菲德恭膺天命嗣承祖宗大統夙夜惓惓思付託之重大君國之道保民為要當春時和萬物發生顧念兵民有未得所者祇體造化之仁爰數懷保之政庶幾下人家福而有以仰答天典祖宗之心凡爾羣臣宜同朕志合行庶事勉務欽承一近年百姓稅糧違運艱難官田糧重艱難尤甚自宣德七年為始但係官田塘地稅糧不分古額近額悉依宣德五年二月二十二日勅諭恩例減免中外該管官司不許故違一各處有軍民人等積年逃聚山林者本皆朝廷赤子其原蓋因所司不能存恤肆行貪暴故不得已為偷生之計喪其家業無所依歸甚可憐憫今悉宥其罪即令所在府州縣官用心招撫令婦

復業有不願歸本鄉者聽於所在有司附籍為民給與荒閒田地為業免差役三年有司厚加撫卹以副朝廷矜憫窮民之意官吏里老敢有違者罪之一各處逃移人戶自宣德六年四月以後復業者其中係工匠站廩等役有司毋輒勾擾自復業日為始免其差役一年待一年之後止計已成方令赴役一各處稅課先因高賈阻滯鈔法加倍罰納今鈔法頗通除正額外倍罰之數以十分為率減其三分塌房減五分南北二京不在此例俟鈔法疏通再行定擬一湖廣廣西浙江南稅魚課辦細銀兩者自宣德七年為始皆折收鈔每銀一兩納鈔一百貫一軍民有負欠宣德五年以前桑稞柴炭蘆葦者悉皆蠲免一在京在外軍官旗軍有為事停止俸糧者仍舊支給一在京在外衛所軍士有陣亡傷故失陷及溺水等項在營有母妻孀居無依

倚者所在官司每月給米三斗贍之終身若原籍有丁可取至
營者住支一在京各衙門軍民工匠有為爭鎖鑰常川做工者
悉宥其罪先鎖鑰如舊做工再犯治以重罪一自宣德五年以
前官軍總小旗^有為事罷職後發總兵官處立功^者後職役仍于
立功之處聽總兵官調用原任都指揮以上兵部查勘具奏定
奪真犯死罪發充軍者不在此例其宣德五年以前軍官旗校
軍人犯罪見納未做工運磚未完者悉宥之令候職役一自宣
德五年以前軍民有負欠^稅馬當陪贖者如秋收豐熟去歲全
納米陪償每馬一匹納米十石就所在軍民官倉輸納非豐熟
去歲聽於今年秋收後納米陪償一在京軍馬數多供給浩繁
軍民轉運艱難戶部兵部會官計議長策而行務在公私兩便
一太醫院醫士有年七十之上及七十之下篤廢殘疾者送禮

部覆勘是實放回為民有戶丁諳曉醫藥者留一丁在京應仗
太常寺光祿寺廚子亦准此例一緣邊軍士職專儆禦近年多
有投托總兵鎮守等官作家人及被役使種田生理等項有一
官占用數百人者兵部即出榜禁約巡按監察御史按察司官
時常巡察違者具實奏聞一在外文武衙門大小官員有貪害
無耻竊政害法致軍民受害者巡按監察御史按察司官從公
考察其實未聞以憑黜罰果庶幹循良能為軍民興利除害者
亦具名聞以憑獎勞若徇私糾劾不公者罪之一布政司按察
司官及知府知州得其人則民安非其人則民受害吏部往往
備賫陞授不免賢否混淆自今布政司按察司官及知府知州
有缺吏部行移在京三品以上官舉保及布政司按察司堂上
官連名舉保必取廉公端厚誠達大體能為國為民者吏部審

其所保果當具名奏聞量授以職後犯賊罪併罰舉者凡所保
授官員如或有人指告其罪法司必先取問于註明白然後具
奏提問今後各縣知縣吏部亦須選用得人不得一槩濫授一
吏部近年每奏選官其間吏員冠帶率數百人雖是循用舊章
亦當嚴加簡擇今布列縣道理不通者有之文移不諳者有
之貪汙鄙猥比比皆是求其才用百無二三以望理民其何能
濟自今吏員三考滿吏部通引於內府會同六部都察院翰林
院堂上官出題南北類試錦衣衛堂上官監察御史六科給事
中監_考試其義理粗曉行移得當書札不謬者授以職事考不
中者罷歸為民一槩爵侯伯悉令屬成國公提督操練不許嬾
惰庶幾朝廷得用亦不隳其祖父之功凡在京各衛襲職幼官
年未及二十者毋令管軍聽差亦俱屬成國公操練一各處有

文學才行卓然出衆之士自二十五歲以上令所在有司舉保
送赴京師選用一軍民之中有智謀材勇精於武畧者令中外
文武臣僚詢察保舉赴京選用一唐虞之世罰不及嗣自洪熙
元年五月以前犯罪典刑者已屢經赦宥其子弟果有才行文
學者聽保舉選用惟犯謀反大逆典刑者其子弟不在選用之
例一學校所以教養賢才爲國之用學官宜嚴訓誨有司宜勤
勸勵風憲官時常考察務臻成效一天下祀典祠壇常須潔淨
或有損壞所司隨即修理庶幾神用妥靈人用獲福一比來京
畿屢有盜賊錦衣衛常差官校於京城內外分派地方令晝夜
巡捕如所分地方內被盜不即擒獲者所差官校及該管兵馬
司官一體論罪兵馬司仍常嚴督巡警鋪不許怠慢○命南京
戶部左侍郎却鵬致仕鵬山西徐溝人由戶部檢校陞却中再

陞湖廣參政召還陞侍郎鵬濤謹有才居官能勤至是年逾七十乞致事上從之命給舟車還鄉○直隸淮安府奏本府舊城東門路抵鹽城縣二百四十餘里今從南門急遞鋪過高郵州轉至鹽城縣則四百五十餘里凡公差之人及公文往來迂遠遲滯請改鋪舍就近爲便從之○辛酉鎮守洮州都指揮李達及火把等族國師班班丹星吉等奏番民容少等一百九十一戶逃往松潘思曩兒班班等族土官頭目潑隔屢遣人追取不還又聚衆抗敵官軍遂勅松潘軍民指揮司及潑隔即遣容少等還庶幾保全爾父母妻子不還必發兵誅○副總兵都督方政秦獨石等慶惟西猫兒峪未有城堡而富寇賊之衝已遣千戶楊洪領騎士屯駐且耕且守上從之因諭兵部尚書許廓等曰屯守有方足以制敵朕以邊事委政凡所調度聽其自擇

朕不中制之○遼東都司言諸衛屯種耕牛初皆買於朝鮮今
牛多死缺用遂遣內官昌盛等齎勅諭朝鮮國王李禔賜以綺
練紗羅錦帛令如木樂故事送牛一萬送遼東都司給軍仍遣
員外郎李顯運絹布五萬匹償其直○上退朝御左順門謂
尚書胡濙曰朕昨以官田賦重百姓苦之詔減什之三以蘇民
力嘗聞外間有言朝廷每下詔蠲除租賦而戶部皆不准甚者
文移戒約有司有勿以詔書爲辭之語若果然則是廢格詔令
壅遏恩澤不使下流其咎若何今歲租之令務在必行書曰民
惟邦本本固邦寧有子曰百姓不足君孰與足卿等皆士人豈
不知此朕昨有詩述此意卿當體念勿忘也濙等皆頓首謝其
詩曰官租頗繁重在昔蓋有因而此服田者本皆貧下民耕作
既勞勩輸納亦苦辛遂令衣食微員以贍其身設念闕予懷故

迹安得循下詔減什三行之四方均先王祝萬姓有若父子親
茲惟重邦本豈曰矜吾仁○壬戌申嚴僧人化緣之禁 上謂
初御史顧佐曰佛本化人爲善今僧人多不守戒律不務祖風
往往以創造寺院爲名群拜佛像徧歷州縣化緣所得物財皆
以非禮爲耗費其中明洪武中禁令違者必罪之○建州左衛
指揮僉事凡察以招撫遠夷歸附陞爲都指揮僉事且賜勅勞
之○順天府言霸州范家口河舊設官舟三艘以濟往來年久
壞爛請改造仍置水夫四人採濟從之○改作思南府儒學從
巡按貴州監察御史陳斌言也○水決回安縣馬莊等處隄岸
命順天府發民修築○癸亥賜尚書蹇義楊士奇楊榮胡濙太
常寺卿楊溥南京抽分場柴人四十萬斤勅萊城伯李隆於瓦
屑壩給之○賜建州左衛千戶住出等鈔絲幣表裏絹布有差

○行在工部尚書李天直奏通州至直沽河道紆曲尤多灘淺舟行阻滯永樂中嘗命侯伯一人總督省治乃得通行請如故事上命行在戶部侍郎王佐往督之○甲子四川鹽井衛土官副重戶韓甲子阿白等來朝貢馬○賜湖廣散毛宣撫司記事覃忠雲南寧州土官知州祿慶等鈔幣有差○乙丑陝西都司秦初本司改爲永興王府以西安左衛馬治所西安左衛則徙於長樂門治事今西安中護衛已調公廨空閑欲俟農隙繕蓋廳事改爲都司而以今治所仍爲西安左衛從之○丙寅四川播州宣慰使楊昇遣姪忠雲南江川縣土民李實等來朝貢馬○設雲南金齒軍民指揮使司及大理府道紀司各置都紀一員○永平府撫寧縣知縣姜忠言本縣舊建山川埋于縣治之東初建之時居民稀少比來民舍頗增混雜褻瀆國家定制

山川據應在外已移於縣東南高爽之地 上謂尚書胡濙
曰祀神當嚴選靜謐豈可雜居民間命遠徙之○直隸真定府
深城縣老人駱得言縣自五年八月至六年六月不雨田穀無
收民秋糧一千六百一石七斗二萬九千七百七十三束食
鹽米應折黑豆六百五石按不爲例折收鈔布從之○丁卯調
南京刑部右侍郎成均按南京戶部以九載考最陞行在翰林院
編修裴綸爲修撰中書舍人朱禮爲尚寶司丞萬全都司斷事
司副斷事王豫爲太僕寺丞擢進士王學敏監生胡正顏繼吳
敏吳瑜辰昭李果爲行在監察御史學敏福建道正貴州道繼
廣西道敏昭雲南道瑜四川道果山西道復姜弘山西洪洞縣
丞陞正七品祿弘任滿富陞以其民奏請留之故有是命○戊
辰陝西行都司上官都指揮僉事李文遣百戶薛帖夫加等

州衛土官指揮同知蘇霖等來朝駝馬○上諭兵部尚書許
廓等曰昨謂四川護衛軍士來南京人之常情豈能忘舊最要
撫綏得所其寬卹一卒俾安居定業然後服後○行在兵部尚
書許廓奏比者武昌推官姜慕誅其祖克五開衛軍已死其父
老病戶無餘丁今五開裁取募補後援洪武中例乞除免今覆
勘是實未敢擅除上曰太祖皇帝於生員有成尚不悉棄
况募爲官豈止一卒之用其餘之俾修職自效○己巳琉球國
中山王尚已志遣使者漫奉來結制等奉表貢馬及方物○從
南京龍江壇初工部奏壇西外垣爲江水所啗命襄城伯李隆
等發軍夫修築既後淪陷難於用工至是請移置於高阜之地
所用軍夫工匠物料請於附近衛所州縣取給從之○山西太
原府一十三縣平陽府二州六縣汾州三縣及沁州等處奏去

年霜早秋田不收民人饑乏命行在戶部凡其糧草悉停徵○
少保戶部尚書兼武英殿大學士致事黃淮父思恭卒思恭嘗
封以子官行在禮部以聞命如例祭葬○庚午命守西寧都督
僉事史昭佩江西將軍印克總兵官鎮寧夏命守河州都督同
知劉昭兼治西寧勅史昭曰爾練達老成公勤廉正朕心所嘉
茲命往鎮寧夏整飭城池操練軍馬凡事審度可否而行須書
夜盡心守備俾邊境寧謐軍士得所庶副朝廷委任○宥廣東
都指揮使花英贓罪初英受寧川千戶餽道白金百三十兩事
聞命巡按御史陳油體覆至是油奏事實法當罪之上曰朕
聞其祖父有功先朝姑屈法宥之若武臣慢軍功必不宥也
○壬申命行在吏部都察院選五城兵馬指揮時監察御史揭
瑄言五城兵馬指揮司議察姦盜禁革強暴所繫不輕今各司

官多柔懦無為貪暴不律有勢之家姦弊不問無勢之人擾害
不勝乞勅行在吏部會官揀選勝任者留之不稱者別用仍選
廉幹剛直之人除授 上曰御史言是永樂中任兵馬者多能
用心今不及矣都察院即同吏部從公選 擇聞葺不才者黜退
別用慎選廉公能幹之人任之○行在禮部言哈烈所遣朝貢
之使將至京 上曰哈烈極遠慕義而來遣錦衣衛指揮鵝忽
等迎勞之○貴州總兵官都督僉事蕭授奏 貴州所屬治古
谷意等長官司新即等寨殘苗吳_不爾等出 浪衛地方劫掠
殺守堡鎮撫葉受已令湖廣備禦初指 名領兵擒捕而吳
不爾等遁入草子坪結生苗龍不登 糾合鎮溪稍裏順苗
賊衆攻劫湖廣五寨長官司民寨白崖等處為患滋甚又令辰
沅等衛添兵防禦緣草子坪治古谷意與貴州湖廣四川接壤

今請量調湖廣貴州官軍并貴州所屬附近烏羅銅仁思南三
府湖廣木順保靖二宣慰司五寨長官司同四川所屬百陽宣
撫司石耶平茶二長官司重慶衛邑梅長官司土兵分路併遣
併力攻勦以除邊患 上諭兵部尚書許廓曰朕非欲用兵但
苗蠻肆惡慮其傷人害物不已不可姑息其悉從之○癸酉大
通關提學司史文中自陳臣廣東瓊州府儋州昌化縣學生永
樂二十一年知試中式因病不與會試繼丁母憂宣德六年八
月至部以違限免更切密海外之人本圖先顯今乃淪謫為吏
伏望 聖恩矜念俾令下科會試 上命行在禮部試驗其文
禮部奏試其文可取取俟會試出身○乙亥賜四川鹽井衛土
官舍人阿白播州宣慰司舍人楊忠雲南江川縣土民李濟等
鈔錦綺絲藥表裏有差 丙子設江西吉安府永新縣新安禾

山二巡檢司各置巡檢一員洪武中嘗設二巡檢司知府湯暨以永新有守禦千戶所奏罷之至是本府以其地當梅花峒寇盜出沒故奏請復設焉○置山西都司保德州守禦千戶所吏目一員○賜陝西洮州衛土官指揮同知蘇霖等鈔絲帶表裏有差○琉球國中山王使臣漫奏來結制奏來時所乘舟至福建閩澳損折乞勅有司給舟以歸上命行在工部給之○戊寅陝西烏思藏番僧容奴兒堅等來朝貢馬○己卯行在吏部尚書郭璉等奏北陝西按察司僉事林時言各處衛所宜建學按以教官官子孫臣等議得衛所與府州縣治相隣者令入府州縣學讀書相遠者或一衛所或二三衛所共設一學以教訓之學有成者聽赴本處鄉試從之○昏刻有流星大如鷄彈色青白尾跡有光出正東雲中東北行至雲中○庚辰賜安南使

臣阮文綯等鈔幣違歸○辛巳南京國子監司業陳敬宗奏助
教宋瑋等授職年久皆無皂隸給使請如北京國子監例給之
上曰舊不與皂隸者以其非常叅官然貴賤相承禮之常分
遂命兵部如例與之○壬午行在戶部言南北二京贓罰庫所
收衣服布絹等物年久積多恐有損壞請本部委官同御史給
事中內官逐一檢閱完好者驗時直准給兩京文武官月俸從
之○癸未雲南鶴慶軍民府故土官知府高竇妻楊氏同其子
倫來朝貢馬○命故後軍都督同知朱崇子震襲指揮使於燕
山右衛給俸操練先是有旨凡都督應襲之子能任事者定衛
任事者令於原衛給俸操練至是行在兵部以震始出幼請所
以處之 上曰指揮使一衛之長才智過人乃能稱任不可以
後生少年處之姑令操練俟年二十之上觀其可任然後任之

○命故遼東都司都指揮同知趙全子保襲馬金吾左衛指揮同知旗手衛指揮同知趙諒子廣行在虎賁左衛指揮僉事張禮子勝羽林前衛指揮僉事陳興于慶俱襲職○陞遼府右長史湯新為左長史審理正杜述為右長史從遼王所奏也○甲申以入不雨遣順天府尹李庸祭大小青龍之神其文曰今春已暮農務方興而雨澤未降穀種未下宿麥不滋朕為生民之主夙夜在懷特用祭告惟神明彰感通早霽甘澍以慰民望○命北京行本僕寺選馬駒五百匹送御馬監調習○賜琉球國使者漫泰米結制等絲幣表裏綿布有差○行在吏部奏南京光祿寺事簡官多富臧堂上止留寺丞二員典簿錄事各一員每署止留官三員餘皆別用從之○夜有流星大如鷄彈色青白尾跡有光起竟東北行至濁○乙酉貴州金筑安撫司頭目

王真等來朝貢馬○行在吏部尚書郭璉等言欽承 聖諭凡
吏員冠帶者引於內府會官考試其文義麤曉行移得當書札
不謬者授以職事考不中者罷為民臣等以為人有南北才有
高下會考之時宜分等第文義粗曉行移得當書札不謬三事
俱可取者為一等有二事可取者為二等別行奏請才量授職
其三事俱不可取者罷歸為民 上曰然一等如資格用二等未
入流內用餘如汝等議○行在都察院右都御史顧佐同吏部
尚書郭璉考覈五城兵馬司官高貴等二十八人勝任以聞
上命吏部別用仍慎選廉能剛直之人任之庶幾京師森究可
哉○廣西總兵官都督山雲奏斬獲廣西桂平等縣蠻寇覃公
粵等首級之數 上問尚書許廓曰蠻夷害我良民譬之蝥賊
害稼不可不去然殺之過多亦所不忍郭對曰兵以誅有罪彼

皆自取滅亡非朝廷有意殺之。上曰：天地以生物為心，今雖殺賊官軍，亦豈得無損朕之意？但欲兩全之，庶幾不愧天也。○宥四川都指揮僉事李斌，斌往重慶查官木，因公杖百戶數十餘，日死法司，奏請罪之。上曰：因公施行之過，非有贓罪，姑宥之。○丙戌，昏刻有流星，大如盃，色亦有光，起天廟西南行，至濁。

明宣宗章皇帝實錄卷之八十九

宣德七年夏四月己丑朔享太廟○遣中官祭司寇之神○
應天府奏請卿試同考官請命兵部給脚力上從之顧謂禮
部尚書胡濙等曰考官取士但據文章不悖經意即可充選然
應舉之人皆憑學校有司保送其人果孝弟忠信而又通今博
古科目取之足為世用若德行不修而徒有文辭亦終無益考
官須是學問老成心術正大之士不然亦能顛倒是非卿等宜
申明朕意各使知慎○河東陝西都轉運鹽使司奏鹽池近地
舊有姚暹河水流入五星湖轉流黃河河兩岸窪下近歲霖雨
水漲衝至流解州界水急浪湧南岸衝決沒民地三十餘里壞鹽
池護隄益遂不結復因涑水河地勢高泥水混流日久淤塞乞
行山西布政司平陽府起民夫疏濬二河庶益課無虧民獲其

利 上諭行在工部令於農隙時發民用工○庚寅山東都司
布政司按察司奏逃軍逃民多聚宜山等處時出劫掠為民害
請發兵勦之 上謂行在兵部曰此本皆良人必有所不得已
然後逃聚為非當究其情未可遽肆殺戮遂降勅諭之曰爾等
皆良善祇以軍衛有司虐害之過不得已逃聚山林久而窘於
衣食因行劫以苟活今山東三司奏請調軍勦捕朕原爾初心
有可憫者且慮大軍一至傷害必多用體 天心特賜赦宥爾
宜改悔前非各復舊業凡前逋負官物悉皆蠲免復業之後仍
免稅糧及雜泛差役三年若不悛仍結聚作過則官軍必至不
惟爾身受禍攀家俱不能保悔無及矣仍勅山東三司堂上官
親詣招諭若能改過即加撫恤如其怙終其實奏來發兵勦之
○辛卯貴州宣慰使安中等來朝貢馬一百四匹○總兵官平

江伯陳璉等言新開白塔河工畢其河南出大江北通揚州去
舊所設巡檢司頗遠宜於江口添置巡檢司以禦盜賊從之○
直隸保定府高陽完定興三縣真定府元氏縣各奏人民缺食
乞以預備倉糧驗口賑濟上曰預備倉糧所以為民民之食
當先發後聞必待奏報無餒死者乎命行在戶部亟遣官馳往
發賑○壬辰免蘇州衛抑配軍一百五十九人某已食糧止令
終本身者又一十二百三十九人先是監察御史李立往蘇常
諸郡清理軍伍立殘忍驚悍不能奉宣德意謂朝廷惟在得軍
蘇州府同知張徽亦順承之凡戶絕者輒取同名姓或遠族干
親及承繼產業之人補役里長老人稍為辯明輒加酷罰民受冤
抑相與訴之於朝知府况鍾復奏其事乃命侍郎成均重為清
理至是均具實以聞故有是命○山西澤州高平縣奏宣德五

年以前復業民董春苓等稅糧已免徵而芻草未免今年逃民李廣等始招復業生理未遂其應納稅糧芻草皆乞除豁庶使貧民得所命行在戶部悉免之○乙未 皇太后聖節 上率親王上壽宗室諸王各遣人奉表賀免文武群臣命婦賀禮○己亥行在戶部奏國家著令郡王長子襲封郡王者歲祿比初封郡王減半今楚府岳陽悼惠王長子李境襲封岳陽王又封次子李埒及永安王第三子李聯為鎮國將軍宜各給歲祿一千石於湖廣附近府縣米鈔兼支從之○永安王孟姻薨王楚昭王第三子薨年五十有一賜祭謚簡命有司治喪葬○詹家忠順王卜荅失里遣使臣兀馬兒火者等及所部都指揮拜拜之子捨伯兒沙等來朝貢馬○四川總兵官都督陳懷奏播州草塘安撫司所屬毅撒等四十一寨蠻長箇常徒等皆招撫

復業 上謂行在兵部尚書許廓等曰蠻人亦好生惡死彼其
教化必有所激宜令所在官司寬撫之○庚子命侍郎周忱重
清理常州府軍先是清軍監察御史李立必欲得軍所至有戶
絕者拘其同姓及外親或承業之人逼抑補役常州同知張棗
璉務盡是非之公每與力爭立輒盛氣挫辱出惡言醜詆宗璉
無可奈何平民包謙等受抑者七百二十餘人訴於朝 上謂
兵部尚書許廓曰清軍本欲究知虛實豈意小人刻薄至此今
侍郎周忱巡撫常州宜令清理務盡其實勿蹈前非○命錦衣
衛指揮同知張軌開居養親先是 上命軌總督各衛舍人操
練軌以母老疾辭 上念之故有是命○辛丑賜代王第七子
名遜焯第八子遜焯第九子遜燒第十子遜燦○免山西逋負
稅糧二百四十五萬四千八百石馬草五百一十三萬束先是

上以山西旱傷勅巡撫侍郎丁謙及山西三司巡按御史曰朕
為天下主夙夜拳拳惟欲生民咸得其所聞山西境內連年災
傷田禾薄收民多艱食深用憫惻爾等即分官勸實凡宣德六
年稅糧馬草及逃民累年所欠糧草盡行蠲免仍督府州縣官
用心撫恤缺食者量加賑濟毋令失所至是謙等具實以聞命
免徵○行在都察院右都御史顏佐等奏繫囚有徵贖日久
未完者欲行原籍徵量其地里遠近立期限令按察司巡按監
察御史程督佐之○副總兵都督方政奏獨石雲州赤城鵬鴉
四處并龍門衛龍門千戶所城垣俱沙土不堅屢被雨壞請令
軍下餘丁陶甃包砌 上謂行在工部尚書吳中曰邊境城垣
當堅固然陶甃非易事用人亦須以時宜令審度而行必使農
功不廢包砌亦完乃可耳○巡按監察御史林英自山西還言

太原平陽等府汾代陽曲等州縣多強賊。上曰山西有都司布政司按察司又命李謙鎮守所宜察姦禁邪以圖安輯今強賊不制豈以為小盜不加意耶消消不已將成江河豈可使之滋蔓遂遣知府責謙等令發兵捕之如所遣人生事擾良善者以軍法論。○壬寅四川長河西魚道寧遠等處刺麻查採番僧精客引占雜谷安撫司番僧計納藏汝奉州番僧溫不容但監藏崑州長官司長官讓達等貢馬及方物。○行在戶部奏重擬邊境中鹽糧例寧遠獨石肅州三處淮浙鹽每引米二斗五升河間長蘆鹽三斗山東河東福建四川廣東鹽俱一斗五升宣府大同山海龍門甘州寧夏六處淮浙鹽每引三斗河間長蘆鹽三斗五升山東河東福建四川廣東鹽俱二斗從之時各處總兵官皆請召商納米實邊改也。○行在兵部奏掌觀海衛事

都指揮僉事趙誠初為河南中護衛餘丁以告密得錦衣衛指
揮僉事陞職掌觀海衛卒其兄祥今告襲指揮僉事 上曰軍
官一資半級非容易所以當傳子孫後但以口舌得之豈難難
立功者比乎令襲副千戶○皆刻有流星大如雞彈色赤尾跡
有光起翼西南行至游氣○癸卯甘肅總兵官都督劉廣奏初
韃靼脫脫不花等二十餘戶既降復叛今在鐵門關西請發軍
掩捕 上諭兵部尚書許廓等曰虜人難馴其性則然朕以寬
待之來者不拒去者不追今以二十餘家輒欲興兵捕之所得
幾何徒自勞費保境安人要為上策爾移文令廣慎固封守勿
輕出兵○河南汝州及魯山縣奏復業民缺食倉糧除量存官
吏支用其餘請以賑濟又直隸廣平府曲周永年二縣各奏人
民缺食乞給官倉糧賑濟 上命行在戶部皆從之未給者遣

人馳驛往賑○哈烈使臣法虎兒丁等至京言至沙州被赤斤蒙古衛都指揮革古者等劫殺行在兵部言沙州乃都督田即來所轄革古者合居赤斤蒙古之地乃越入為盜罪不可容上曰夷狄固無知然事亦須審實遂勅田即來察之如果革古者等所為即追還之而有其罪且命田即來曰彼既為盜不可復容宜驅而出之使歸本土仍戒約之再犯必不宥○乙巳監察御史章聰坐奏事不實及因疾低價買密準例納米贖罪仍降四等用○丙午建州衛女直僧人綽失班四川益井衛土官十戶八的抄遣把事卜祿台雲南鄧州把事何成等來朝貢馬○賜烏思藏番僧容奴兒堅等綵幣表裏有差○迤北和寧王阿魯台部屬等温帖木兒口克卯合刺等來歸奏願居京自效俱命為所鎮撫賜金織襲衣綵幣銀鈔綿布鞍馬仍命有司

給房屋器物○日入後有流星大如碗色青白有光出東北雲
中南行至雲中○丁未勅襄府長史紀善曰朕弟襄王聰明賢
達比者左右小人不守禮法干犯憲章以玷王之今名而王實
不知爾等職事輔導皆當言之庶幾蓋爾之職今姑略爾前過
自後但王左右敢有慢王擅作非法具實奏來如隱不奏事覺
同罪○賜雲南鶴慶軍民府故土官知府高實妻楊氏子倫鈔
○戈中調赤城備禦都指揮僉事汪貴任萬全都司先是萬全
都指揮使唐銘都指揮僉事卞福更番領軍戍守關平至是福
有目疾副總兵都督方政請以貴代而令福專守獨石故命之
○四川長河西魚通軍遠等處刺麻蕃僧出知星吉等來朝貢
馬及方物○賜貴州宣慰司宣慰使安中等八十二人金笏安
撫司頭目王真等鈔錦綺絲帶表裏有差○行在都察院言守

皇城四門官軍職專關防搜檢出入之人其應出入者搜檢既畢隨即放行有偷盜內府財物者則當引奏不當擅自檢徒令軍職多不守法不能鈐束軍士凡應出入之人往往誣以不服搜檢動加檢徒如光祿廚子有供祭祀者有進御膳者供進之際亦被檢徒甚至以不潔之事役使之者法實難容請究罪之上曰姑榜諭之使改如又不改執而罪之勿恕○己酉北京國子監言今監生不啻數千多有挈家來者徹屋以居監之東金吾寺三衛草場二所乞賜諸生建房舍其閒地給本監種蔬菜以共會饌悉從之命行在工部為構房舍給師生會饌什器復命戶部給監生有家室者月糧皆如南京例○辛亥遼東自在州指揮僉事備卜安樂州副千戶阿里哥等來朝貢方物○陞太原右衛總旗童成為副千戶時虜寇十七人入朔州涼路州

運糧民牛寇迫暮宿荒溝中成時在朔州也夜率其子及民人
謝猪狗等十九人往劫之殺寇七人成父子斬首二級盡得其
所掠牛以歸事聞上命陞成爲副千戶猪狗等俱爲總旗賜
鈔帛有差遂以成事勅守邊諸將曰虜所以得入境爲寇者未
間隙也若守邊者皆能謹瞭望嚴守備寇安能至爾等但勉之
爵賞非朕所吝○賜哈密忠順王使臣兀馬兒火者捨伯兒沙
等絲帶表裏緝布及紵絲襲衣有差○南京都察院右僉都御
史吳訥奏行在都察院令捕原閩橫海衛鎮撫李顯顯以盜糧
虜死已送行在都察院審決罰役而逃非臣等應捕在都御史
顧佐監察御史程富奏訥推託請逮問之上諭佐曰訥已送
顯等至此爾等違罰役而後逃何爲仍責訥捕民逃問州縣軍
逃聞衛所何以問法司且爾非法司乎爾大臣始不問其罰程

富休三月○行在都察院奏蘇州府知府况鍾輕聽經歷傳得
譖言奏黜吳江縣丞趙濬令濬事白已復職得亦寘之法請正
鍾妄奏之罪 上曰此得欺鍾鍾夫之不察耳姑記其過仍移
文示鍾俾知戒慎○山西屯留縣疾風震電兩電殺麥○士子
行在都察院奏所擬巡撫侍郎與巡按監察御史按察司文移
事例先是勅侍郎分巡各處撫恤人民遇有訴訟重者付布政
司按察司或巡按監察御史鞠問時吏部右侍郎趙新任江西
江西按察司謂非六部統屬奉行詞訟多不回報新咨行在禮
部取明降禮部奏欲行都察院令按察司遵勅行之 上曰朕
遣侍郎四出巡撫令以詞訟之大者付二司與御史不惟欲重
其任其大體亦當如是然諸司文移各有體統其與都御史顧
佐議擬以聞於是佐上言 聖朝內設監察御史外設按察司

凡諸司官不公不法皆得糾舉故與諸司無承行所以重耳目
之寄崇紀綱之司也今侍郎趙新欲令按察司以聞先詞訟回
報蓋刑名重事乃刑部都察院所掌縱使按察司回報不惟其
難擅決斷抑恐其專肆妄為又慮御史按察司被其挾制曲法
阿從以致顛倒是非出入人罪此尤不可請令各處巡按御史
及按察司自今遇有巡撫侍郎送到訴訟其間果係切要重事
則遵勅問理奏解赴京決遣如有干礙軍職及五品以上文官
及當奏之事則奏請裁決仍照例呈都察院乞勅禮部移文令
新等自今凡有事務止行移布政司及府州縣轉行巡按御史
按察司行之若非切要重事不符一槩徑行 上是其言○直
隸保定府安肅縣奏去年六月靈雨不止滄沒田木人民乏食
乞以官倉所貯宣德二年至五年夏秋稅糧米麥豆共一千四

百五十餘石驗口脈濟從之。○癸丑寧化王濟煥奏子女婚禮已成請入朝謝恩遣書止之。○瓦剌順寧王脫歡遣使臣福家奴等來朝貢馬。○甲寅命故燕山右衛指揮使況貴弟全燕山前衛指揮使劉全子道府軍前衛指揮同知聶貴弟祥錦衣衛指揮僉事畢威子宗大興左衛指揮僉事古銘子原俱襲職羽林前衛老疾指揮僉事鄭信子忠代職。○行在吏部尚書郭繼歷官一考賜宴于行在禮部。○行在刑科給事中李原緝言各處違運所遞送犯人無問輕重並加桎梏逼索財物奪其衣食多有凍餓死者乞命行在都察院出榜禁約仍移文中外諸司自今凡發回原告及起解罪人等必須斟酌果情犯深重發遞運所防解輕者或本衙門差人押送或送衛所府州縣遞送又輕者給引照行不許聚送遞運所庶不累死無辜從之。○浙江

温州府知府何文淵奏瑞安縣耆民言洪武永樂間琉球入貢
舟泊寧波故寧波有市舶提舉司安遠驛以貯方物館穀使者
比來番使泊船瑞安苟圖便利因無館驛舍於民家所貢方物
無收貯之所及違赴京道經馮公等嶺崎嶇艱險乞自今番船
來者令仍泊寧波為便行在禮部言永樂間琉球船至或泊福
建或寧波或瑞安今其國貢使之舟凡三泊福建一泊瑞安
詢之蓋因風勢使然非有意也所言瑞安無館驛宜令工部移
文浙江布政司於瑞安置公館及庫以貯貢物 上曰此非急
務宜俟農隙為之○貴州前衛鎮撫龔海奏都指揮僉事蘇保
借用玉帶私造兵器以私事役軍致溺河死無故榜死架閣庫
吏總兵官都督蕭稷委保率軍赴廣西聽征保委奏善定蠻民
作耗意望存留 上以其章示右都御史顏佐等佐請令巡按

監察御史及按察司體實具奏 上從之○乙卯歲刻有流星
大如雞彈色青白尾跡有光出內屏西行至濁○丙辰擢進士
徐政為中書舍人王裕輩廣江玉琳劉準為監察御史裕行在
廣西道廣行在福建道王琳南京福建道準南京廣西道陞直
隸河間府同知姜濤為本府知府濤以九載任滿赴京河間等
七縣之民詣闕奏濤施政公平撫綏有方吏民信服乞復任
上曰畿內之官得民心如此可嘉從之而陞其職行在戶科給
事中吳繪廣西道監察御史李敬親喪起復命繪復職調教湖
廣道黜行在監察御史田富為保寧府閩中縣知縣坐不諳文
移乙降山東布政司右叅議沈定為寧國府同知定嘗犯贓罪
雖會赦猶降之○設行在錦衣衛馴象十戶所倉萬金都司龍
門衛倉龍門守禦千戶所倉各置倉副使一員直隸揚州府江

都縣潘家莊闡大橋闡江口闡新闡各置闡官一員○賜四
川長河西魚通寧遠等處刺麻查朶番僧精客引占雜谷安撫
司番僧計納藏汝奉州番僧温不容但監藏及崑州長官司長
官讓達等鈔誅幣表裏絹帛有差○丁巳勅總兵官武安侯鄭
亨免寧化王府調戍大同軍士之半從王所奏也

大明宣宗憲天崇道英明神聖欽文昭武寬仁純孝章皇帝實錄卷之八十九

明宣宗章皇帝實錄卷之九十

宣德七年五月戊午朔以慶王楸請入朝遣書止之曰予之願見此心實同但念叔祖春秋高道途跋涉不易所以屢承諭而不敢從也又自卽位以來諸叔祖及伯叔多欲來者皆已謝却今獨從叔祖之言衆將謂何難違命有愆而感德無既矣○命
中軍都督同知任禮署行在右軍都督府○己未陞羽林前衛
指揮僉事岳興為府軍前衛指揮同知命錦衣衛指揮僉事徐
英子麟代職○貴州思南府知府張謹奏本府稅課司歲辦課
鈔一萬二千六百餘貫邊夷之地別無出產商旅少至課鈔皆
民陪納近戶部以鈔法不通於課額外再加五倍夷民貧困難
鬻子女不能辦送責急則逃竄山崗乞丐舊為便○上諭行在
戶部臣曰貴州邊郡其可以中國例之乎此蓋卿等初議之失

其悉如舊○浙江桃渚十戶所百戶楊顯宗奏所治瀕海與台州臨海縣境相接官軍月糧舊以臨海稅糧給之洪熙元年其圩岸為海潮衝決田禾淪沒秋糧無輸軍用艱食逾年修築未完又為風潮所壞乞勅有司及時修理從之○庚申賜瓦剌等處朝使宴○壬戌端午節賜文武群臣扇及宴○癸亥勅遼東總兵官都督巫凱廣寧開原馬市所買札馬可送遼東花馬寺募牧牛以給寧遠諸衛所屯種其餘馬駝皆送京師○泰寧衛韃官都督僉事脫火赤等遣指揮僉事哈刺罕四川邛部長官阿喬遣祀事李阿等來朝貢馬○賜自在州女直指揮僉事僕卜安樂州副千戶阿里哥四川鹽井衛祀事卜祿台雲南鄧州祀事何成長河西魚道寧遠等處番僧出知昱吉建州衛女直僧綽失班等鈔綵幣表裏絹布有差○甲子朵顏衛指揮使

司差指揮都兒帖木兒奏永樂二年所降印信為胡虜本雅失里掠去請再給賜從之○夜有流星大如盃色青白有光起自氏南行至雲中○丙寅以松花江造船軍士多未還勅海西北面都指揮塔失納答野人指揮頭目葛即哥納等曰比遣中官亦失哈等往使奴兒干等處令都指揮劉清領軍松花江造船運糧今各官還朝而軍士未還者五百餘人朕以爾等歸心朝廷野人女直亦遵法度未必誘引藏匿勅至即為尋究遣人送遼東總兵官處無見爾等歸向之誠○遼東總兵官都督巫凱奏有軍卒二人逃往海西二十餘年誘引女直野人入寇今皆就獲請斬以徇上從之因勅凱等曰人情豈樂從異類此必有不得已者如為將能撫恤之動息以時溫飽得所雖驅之不去爾等勉之○戊辰合烈使臣法虎兒丁卒行在禮部以閩命

遣官賜祭工部營葬○辛未占城國王占巴的賴遣使臣邁沙
怕麻託等廣東感恩縣故土官知縣樓吉福孫鑑等貢方物○以
常州沒官房屋莊田賜行在禮部尚書胡濙從濙奏請也○復
開平涼府開城縣造烈孫道路先是陝西叅政楊善言西安諸
府州歲運糧餉赴甘州涼州山斗永昌諸衛皆經平涼府隆德
縣六盤山暨蜚嶺山澗陡絕人力艱難開城縣舊有路經迭烈
孫黃河平坦徑直抵甘州諸衛近五百餘里洪武中官置渡船
平涼撥軍操濟人以為便其後罷之今請如舊開通以利民
上命陝西三司覆實至是皆以為宜仍命布政司給官錢造八
舟平涼鞏昌二府擇善水者操之每舟十一人俱隸迭烈孫巡
檢司○山東按察僉事李瑒奏廣寧前屯衛及新設寧遠衛軍
士缺食無牛耕種乞運糧賑濟且乞哨守外免其餘差役優卹

之又乞勅遼東都司於附近衛所官軍之家畜牛多者暫令借
耕俟官牛至日還之時已命行在戶部於永平府運糧一萬石
給寧遠廣寧二衛餘皆從所奏○順天府通州秦民間市肆舊
取勒店房每一間月納鈔五百員迺有詔塌坊納鈔減五分南
北二京不在此例通州亦在外州縣乞依減納事例從之○

上聞少詹事兼侍講學士王英母卒問尚書胡濙曰英母亦應
得賜祭及營葬濙對曰舊制官三品四品父母喪曾受封贈者
官為營葬今英官四品其母曾授五品封上曰儒臣吾所優
禮者况非此母無此子其遣官賜祭仍命有司治葬勿為例○
壬申命忻州食鹽米皆折鈔初本州戶口食鹽米鈔兼徵累年
負欠計米二萬八千餘石州地皆斥鹵兼近歲荐旱知州吳興
以為言故命折鈔○甲戌行在禮部尚書胡濙以山西進馬_龍駒

請借群臣上表賀 上曰二三年間水旱告災繼踵而來朕方
日夕惕勵一獸之異何救民饑而欲表賀其止之○乙亥昨城
王妃鄧氏薨遣官賜祭命有司治葬事○丙子監察御史盧睿
等劾奏恭順侯吳克忠縱家人及所部鞭官卜答失里等馳驛
扶兵劫掠官馬殺傷牽馬人於國門之外請逮克忠等明正其
罪 上曰彼或不知先執劫馬者鞠之果于克忠其實以聞○
交趾土官百戶陳復宗等言曰竊聞為臣之道惟忠與義臣雖
生處僻方心實拳拳於此故雖黎利唱亂臣等明於順逆之理
必守君臣之義寧壘墳墓遺親戚隨諸將歸朝廷蒙嘉其心給
之公祿獎忠勸義無以加矣臣亦夙夜兢惕慙無報效今有司
欲援寬恤事例混臣等於交趾官員之列樂送河南山東俾之
就閒然臣之所以捨家鄉而歸朝廷者惟忠義是徇也今乃進

則達於朝廷退則失其家鄉為忠與義反不得安

是書也事本謂議以望世當在宣宗

部之過也特命留之凡同復宋內附者悉留京師○行在府軍
左衛指揮使張輅卒命工部營葬輅皇舅彭城伯象次子為其
弟旭之後故優待之○丁丑上諭兵部侍郎王驥曰西北邊
防最切要必須處置得宜昨觀所進軍數如延安慶陽諸衛近
寧夏却往戌甘州臨洮鞏昌蘭州諸衛近甘州却戌寧夏舍近
趨遠勞費實多又肅州鎮番西寧秦州皆臨極邊當自為守亦
分代他處乃別調官軍戌其他此於人情皆非使爾同成國公
朱勇等計議務在處置得宜勇等議以延安慶陽平涼鞏昌四
衛及西安前後左三衛官軍戌寧夏漢中鳳翔金州三衛所去
寧夏遠皆應遣還而於寧夏中護衛撥補總計一萬一千七百
餘人以寧羌蘭州秦州臨洮鞏昌山丹永昌涼州莊浪及甘州

左右中前後五衛官軍戍甘州通計九千八百七十餘人肅州
鎮番西寧秦州衛禮店千戶所去甘州遠者皆遣還徙之○復
給工匠月糧一石特有工匠自陳常年供役琉璃等廠舊支月
糧一石工部比減五斗家口衆不能贍養上命凡工匠常役
者月糧皆如舊給之○賜瓦刺使臣福家奴等九十七人秦寧
衛指揮僉事哈刺罕四川印部長官司祀事李阿得等鈔錄帶
表裏紵絲絹布襲衣有差○上朝退御使殿觀宋史顏問侍
臣曰宋有國三百餘年武事終於不振何也侍臣對曰宋太祖
太宗初皆以兵平海內但其子孫率流於弱致武備不飭耳當
時未必無將才若上之人留意斯事必有其人出焉上曰宋
之君誠失之弱將帥雖有才亦不得展必為小人所壞大抵宋
之亡柄用小人之過也○戊寅賜故遠安伯陳英庶長子墳半

祿英卒無嫡子墳甫六歲日用頗艱尚書蹇義以聞故有是命
○庚辰命南京通政司左叅議李文郁致仕文郁湖廣襄陽人
由教官擢通政司叅議永樂初陞戶部侍郎未幾坐事謫戍遼東
仁宗皇帝即位召至復為叅議文郁性介直謹持守久處患難
不移其志至是以年老自陳遂命致仕○北京行太僕寺以牡
駒六百餘匹送御馬監上聞之謂侍臣曰此駒皆超騰但性
未馴胡人善調馬凡新至難官人與一匹俾之調習○行在都
察院奏貴州布政司左叅政鄭景曜治巡檢曹欽罪欽訴景曜
嘗以私事屬己不從故誣之請逮景曜質對從之○辛巳亦力
把里歪思王母遣使臣也力迷失土迷克哈密忠順王卜答失
里遣使臣倒刺火者等貢馬及玉石硃砂等方物行在刑部奏
右軍都督僉事致仕郭志築室以居娼妓又令家人事之失火

臣體請治志罪 上曰武人不諳禮法且老矣其宥之○昏刻
辰星犯積屍氣○壬午下會寧伯李英等錦衣衛獄時西寧衛
指揮同知祁震卒其嫡子成當襲職庶子監藏英之甥也與成
去歲震歿太平以成詣京師辨明英右監藏怒太平古成遣十
十餘杯及家人撒禮等出京城外數十里捕執太平及其義兒
等至家用大杖毆擊盡奪其所齎賞致其義兒死御史給事中
文章劾英逞兇作威殺無罪人併奏英前在西寧招納叛亡侵
奪官民田地凡其家人皆號總管名色有不臣之心春秋之法
人臣無將今英罪惡已著宜下法司明正國典 上命行在錦
衣衛執英及林等下獄鞠治○癸未四川長河西魚通寧遠等
處禪師柔者朵兒只福餘衛韃官指揮僉事阿失答木兒等來
朝貢馬阿失答木兒蓋初歸附也○四川眉州民言崇慶州新

津縣有通濟堰水自彭山而出分爲十六渠溉田二萬五千餘畝民獲其利今水衝激岸皆頽壞水不得用田地多荒民率逃徙乞有司如洪武永樂故事以時發民修葺從之○遼東定遠左衛逃軍馬義以誣告親王伏誅義河南中護衛軍初從庶人有妻偽造圖書及誹謗帖繫箭射彰德城下事覺法司論義罪當死○上宥其死發戍定遠義逃回河南不後前非周王有嫌聞之欲捕義解京義恚之遂詣京師每告周王交通謀義等事上命監察御史沈敬往察之敬及三司奏義所告皆妄上命法司會群臣覆訊義實妄遂斬於市○甲申命故金吾右衛帶休都指揮僉事白賁子寬襲爲本衛指揮使虎賁左衛指揮同知楊茂子全燕山右衛指揮僉事王斌弟用金吾右衛指揮僉事李義子勝金吾左衛指揮僉事王順子欽俱襲職○廬山天

池寺僧智順奏天池寺周顛仙赤脚僧靈跡猶在 大祖高皇帝建寺及有御製碑文歲久碑亭屋宇皆壞今僧止二人乞加修葺且度僧以居之 上謂行在禮部曰既有 聖祖御製詩文石刻不可無庇令有司發民於農隙時修理度僧亦從所言 ○乙酉賜占城國使臣適沙怕麻託等錦綺紗羅絹布及金織襲衣有差 ○丙戌賜廣東感恩縣故土官舍人樓鑑等鈔紵絲表裏 ○成國公朱勇奏永樂間運糧口外止供開平官軍及備大軍支用近來不依舊例樽節一槩放支以致連年饋運不息若遼東衛所亦係極邊且耕且守其供不出於民今諸邊衛皆請倣此遂上便宜八事其一萬金都司所轄地方洗馬嶺長安嶺黑峪口等處烟整隘口并宣府神機營官軍月糧宜令於本處附近支不許擅離信地其二開平哨備官軍糧料就於獨石

倉支為便萬全左等衛宜令於宣府倉帶支前去其開平衛旗
軍家小見在雲州赤城鵬鵠屯任月糧宜令於長安嶺懷來倉支
其三蔚州保安隆慶永寧等州縣俱與長安嶺相近其所徵豆
料秋糧今後歲輸獨石^倉便其四萬全都司所屬懷來永寧隆
慶左右等衛旗軍家小月糧永樂間於在京及昌平等處關請
依舊例今年自九月收成之後至十二月宣府等衛所軍士月
糧乞以其半折闕布不為常例其五宣府未調左右二衛官軍
之時調蔚州美峪等衛所官軍操備今宣府既有左右二衛在
城原有宣府前衛并興和所官軍守備其蔚州等衛所調者令
令回衛馬隊俟開平輪哨步隊俟來春屯田除食用之外每人
歲納細糧六石蔚州保安二衛美峪廣昌二所俱令送宣府倉
收其餘衛分就本處倉收宣府前等衛守城等項旗軍亦宜照

例捕獲也。如有警急，悉聽調用。其六隆慶州，乃是腹裏，已有永寧等四衛，并神機營在外保障。今調陳來官軍二日餘，名備禦且無盈甲器械，閒逸費糧。令回衛也。種為便，其七懷來等衛，所調官軍挈家於順聖川草場養馬，離衛三百餘里，闕糧往復艱難，宜令本衛委官徑赴蔚州等衛，舍就近支給。其八宣府前衛及廣昌等衛，所官軍千戶蔣鎮等一百六十餘人，永樂間調去遼東備禦，經久不代，資費甚難，宜令回原衛。上令行在戶部會官議，皆以為宜。惟宣府調赴遼東官軍不動，餘悉從之。令郎中王良都督毛翔專理也。種務臻成效。○大同總兵官武安侯鄭亨奏：山陰馬邑二縣雖在大同之南，實虜寇必至之地。舊城久廢，每有邊警，官民輒携家屬棄走。請修築二城，各置千戶所也。守為便。上從之。命待農礪興工事。又言聚驚高山口外

要衝之地請築土城設二衛不聽○丁亥靖江王佐敬奏本府
諸將軍之子娶南丹等衛旗軍之女請除軍籍得隨住
上
曰既連婚宗室豈當仍居卒伍令悉除之

大明宣宗憲天崇道英明神聖欽文昭武寬仁純孝章皇帝實
錄卷之九十

宣德七年六月戊子朔占城國使臣通沙怕麻託等陸辭上

嘉其王勤修職貢命齋勅獎諭且賜王錦綺紗羅等物既辭副使通沙怕彼賴病卒遣官賜祭命有司備飲茶○宥山東按察使虞信副使童貞僉事劉潔楊潤宋樹罪以巡按御史劾其集贖不清也○直隸蘇州府知府况鍾言近奉詔書官民田地有荒蕪者召人佃種官田準民田起科無人種者勸實除豁租額臣勘得崑山等縣民以死徙從軍除籍者三萬三千四百七十二戶所遺官田召人佃種應準民田科者二千九百八十二頃其間應減秋糧一十四萬九千五百一十石已蒙申達戶部未奉處分况官田有沒入海者糧額尚在乞皆如詔書除豁又言本府所屬長洲等七縣舊有民三十六萬餘戶秋糧二百七十

七萬九千餘石其中民糧止一十五萬三千一百七十餘石官糧二百六十二萬五千九百三十餘石官田每畝料糧不等自五斗至三石洪武間徵各縣民有民糧者出馬二百餘匹役於濠梁等驛又出丁船役於水驛及遞運所永樂間北方民饑徵本府民有民糧者出馬二百四十餘匹役於銅城等驛約至三年仍令土民代還比固有民糧者不足又以有官糧者補之至今三十餘年未曾更代民實困苦又言工部近徵閩三梭布八百疋浙江布政司凡十有一府民糧二百六十餘萬所出不過百疋蘇州一府獨七百疋其餘徵科不均往往類此乞繼令凡有科徵或以民糧或以戶口為度庶幾多寡通均公務易集人民可甦又言各都司布政司及直隸衛府州縣倉歲收稅糧出給通關付納戶齎繳戶部查理至為詳謹而有亡賴之徒私賄

倉官斗級包收攬納虛出通關甚至偽造印信事覺犯者雖宜刑辟而稅糧已為侵欺不免重徵實為民患乞雖今各處倉廩收糧亦如各部行移勘合編寫字號底簿一樣三本一存於部一付各處府州一同編過勘合通關紙發該倉掌印官相沿收掌凡所納糧不拘多寡截日填給通關不許更改或差錯則明白圈注用印鈐蓋以付納戶收領回縣繳送府州比對硃墨字號相同然後轉繳該部如此則稅糧易清姦弊頓革悉從之○直隸保定府易州秦州民舊牧官羊五千二百餘經歲賦毛如羊之數比年羊死已四千存者止十二百而官猶如舊徵毛今州民逃故者多且連歲不登民皆乏食伏乞停徵俾得安存命悉免之○己丑貴州總兵官都督蕭授獲辰州河蓬彪金等寨蠻寇向擺婆等八十五人解京師先是擺婆與向鋸腦等殺人

劫財事聞 上命授遣人撫諭權等抄負固不服為惡滋甚乃命
授出兵勒之兵入其他賊據險拒敵官軍收之多所斬馘鋸腦
遁遂擒擺婆等授撫安其餘黨而械擺婆等至京師 上命下
錦衣衛獄初河蓬彪金等寔無所統屬故縱恣犯法至是命屬
永順宣慰司俾善撫馭○直隸河間府吳橋縣奏縣民缺食者
七百七十四戶已發預備倉粟一十四百二十二石六斗賑之
○廣寅行在戶部掌部事太子太師郭資行在工部尚書吳中
俱考滿賜宴於行在禮部○勅副總兵都督方政比者保安衛
指揮高榮奏萬全節指揮使唐銘挾私行罰朕令銘自陳蓋銘
率諸衛軍戍開平皆失期迨至六七次方至以此咎指揮以下
榮乃逃歸妄奏昔糧道以莊賈失期而斬之豈但咎為銘無罪
其執榮治之○昏刻有流星大如雞彈色赤尾跡有光出羽林

軍東南行至濁○辛卯勅南京工部尚書甄庸致仕庸克平縣
人由戶部主事陞知府坐累罷復起為監察御史陞工部侍郎
再陞尚書吾官和平無所可否至是考滿來朝上憫其老特
勅致仕○壬辰上以行在戶部掌部事太子太師郭資考滿
既賜宴復賜勅勞資曰卿事祖宗歷年最久艱難險阻備效
勞動端重廉公厥績茂著肆朕纂承大統眷求老成特起卿於
休致仍付地官之任三年於今矣卿正固之心誠實之行譬諸
歲寒松柏逾老逾勁朕圖治方隆任賢彌篤卿尚專精神強志
意益懋毗輔以副眷任之心欽哉○日八後有青霞二道東西
竟天夜有流星大如雞彈邑赤尾跡有光出河鼓東南行八瓊
女○甲午廣西布政司奏靖江王府及諸將軍歲祿多不受米
而遣人下有司計直索錢往往三倍取直得錢輒以市私鹽轉

驚求利民甚苦之。上勅靖江王佐教曰：制祿以未從古已然。蓋因民之所有七錢，則民間所無，今不受所有而索其所無，又三倍取之，加暴擾焉。民歲歲當輸而虐取不已，何以自存？販鬻者小事而販私鹽，違法甚矣。宣所望於宗室哉！既往姑不問。王宜自懲，更諭諸將軍各戢下毋貳過。庶享祿於無窮，繼今有犯從廣。西布政司按察司及巡按御史捕治不可不慎。○流珠團中山王尚已志遣使臣南者，結制等來朝貢馬。○上諭三法司官曰：今天氣炎熱，見繫罪囚宜速決，遺輕罪有例者皆如例。情重者其實求閔，復命法司。凡強盜病死獄中，但驗實勿斬。首先是強盜死者，例悉斬首。至是上憫之，以強盜罪惡當斬戮死人則太過，故罷之。○乙未夜有流星大如雞，輝色赤，有光出天市西垣西南行，至濁。○丙申陞行在通政司右通政徐琦

為南京兵部右侍郎○巡按湖廣監察御史朱鑑言漢武間各
府州縣皆置東西南北四倉以貯官穀多者萬餘石少者四五
千石倉設老人監之富民守之遇有水旱饑饉以貸貧民民受
其惠今各處有司以為不急之務倉廩廢弛穀散不收甚至掩
為已有深負朝廷仁民之意乞令府州縣修倉廩謹儲積給貸
以時徵收有實仍令布政司按察司巡按監察御史巡察違者
罪之不忍 上諭行在戶部曰此 祖宗良法美意比由守令
不得人遂致廢弛言者比比而未有興復之者爾戶部亦豈能
無過其如御史言違者從按察司監察御史劾奏○丁酉日生
左右珥色青赤鮮明○乙亥命駙馬都尉趙輝修治鳳陽 皇
陵及皇城內殿宇時鳳陽府奏 皇陵正殿皇城內外屋宇多
有損壞宜修理 上曰此不可緩勅南京工部備材發軍民工

臣與役命輝往督之勅輝曰必教慎小心務堅固不可苟且又
曰正殿宜併力修整皇城內外屋宇少待農隙可也○益沈
馬嶺守備兵初總兵官都督譚廣言沈馬嶺臨極邊嘗議築城
為保安前衛以農時停役仍於宣府分兵為備兵常不足請秋
成後築城立衛以固邊防時議者皆以廣所守地自青邊口西
抵天城總四十餘烟墩守望相屬自足為固其間路通塞外如
沈馬嶺者尚多豈得一城之且築城置衛必重勞費守衛軍
士亦難猝得若益軍士以屬都指揮黃真嚴切哨瞭遇有警急
令都指揮朱謙以精兵為援則雖無城衛而守亦固遂從所議
以兵益真○行在兵部奏有令自居庸至山海諸關口凡三月
一兼視唯居庸關外自剌子村黑峪口至長安嶺北抵獨石接
龍門關西抵天城諸烟墩隘口雖有守備未經點閱請一體遣

官巡視如設置未備軍士有缺器械不精習令修補務須完固
若軍官志為囊橐即具實奏聞付法司治之庶知儆戒 上從
之命新建伯李王樺武職一員錦衣衛官一員同御史二員嚴
視○行在都察院奏僧錄司右覺義大旺等違犯禁令縱其徒
四出募民財造樓閣及擅披剃軍民子弟朦朧請度牒又隱匿
亡賴人員僧籍等罪應斬 上命囚禁之○行在兵部尚書許
廓卒廓字文超河南襄城人由國子生授錦衣衛經歷擢工科
給事中歲餘陞鴻臚寺左寺丞一年陞工部右侍郎洪熙元年
陞左侍郎宣德六年陞兵部尚書廓通敏勤事其在工部嘗慮
從化征善饒運軍食賴焉交趾入職方朝廷用御史言遣廓往
覆實戶口田賦以尚書黃福奏召還後命招撫河南流民歸者
凡數萬戶兵部尚書張本卒陞廓代之賜勅獎勵本嚴厲詳密

廓承其後濟之以寬卒年五十六遣官賜祭命有司治葬事○
庚子遣中官祭中霽之神○賜占城琉球及亦力把里等處貢
使宴○行在鴻臚寺少卿王勉卒勉陝西蒲城縣人建文中由
國子生授太常寺試典簿 太宗皇帝即位陞寺丞尋陞少卿
仁宗皇帝嗣位陞太常寺卿與呂震同為誣罔進用齋郎事覺
罷為民復起為鴻臚少卿勉坦率任意不自顧藉其卒也家雖
甚饑而清議不與焉○辛丑琉球國中山王尚巴志遣使臣步
馬結制及雲南鎮南州故把事子李雍等來朝貢馬及方物○
壬寅勅甘肅總兵官都督劉廣等凡外蕃入貢之人及寄住回
回須防閑周密勿縱於他處徃來○癸卯黜監察御史陳綱綱
私役民修神祠微服入祠驅逐焚香女婦嬉遊于外久不供職
右僉都御史吳訥劾奏之命罰役降用○行在三法司奏重囚

罪狀 上親閱之曰凡真犯死罪如律雜犯死罪皆宥死發戍
邊凡決遣一百七十餘人○甲辰 上以東安門外綠河居人
逼近黃牆喧囂之聲徹于大內命行在工部改築黃墻于河東
皇城之西有隙地甚廣豫徙綠河之人居之命錦衣衛指揮監
察御史給事中各一員度其舊居地廣狹如舊數與地作居凡
官吏軍民工匠俱給假二十日使治居○乙巳勅諭行在六部
都察院曰朕為天下主惟欲天下之人皆安生樂業故選賢任
能命之綏撫又數頒聖書覃布寬恤蓋惓惓以求民安業為所
任不得其人百姓艱難畧不矜念生事徵歛虐害百端致其逃
徙棄離鄉土栖栖無依朕甚憫之已專遣人招撫復業優免差
役一年今聞諸司官吏仍有不體朕恤民之心恣意擅為復業
之民來歸未久居無廬舍耕無穀種逼其補納逋租陪償倒死

募生馬驢牛羊料派諸邑顏料刑驅威迫荼毒不勝此皆任不得其人也其進行諸司厚加撫恤復業之民不許一毫攬擾仍依前勅優免差役所通租稅募生等項悉與蠲免巡按御史按察司官廉察各府州縣官吏里老剝削貪酷及官員軍民之家取索舊債虐害復業之民治以重罪如廉察不嚴坐視民患者罪同其各勉之以副朕懷○賜琉球國使臣南者結制等亦力把里使臣也力迷失土迷克及哈密使臣倒刺火者等四川長河西魚通寧遠等處禪師暴者朵兒只等福餘衛指揮僉事阿失答木兒等銀鈔緡絲紗羅絹布及金織襲衣有差○行在工部言築東安門外黃牆計用六萬五千人民夫不足請以成國公朱勇所部士卒三萬五千人助役上曰炎暑如此豈宜興役待秋涼為之○行在廣西道監察御史孫純行在刑部廣東

清吏司主事王鎮以監決重囚誤斬首為凌遲法司論純等罪
應斬 上宥之命罰役以贖既而論侍臣曰凌遲本律之文命
斬首蓋出於朕一時之不忍然凌遲非過也故止令罰贖耳○
湖廣江華等縣強賊廖馬孫等伏誅初馬孫等從猛人盤伯養
等偽稱都副總兵指揮十百戶名號執刀鎗張旗幟焚毀巡檢
司官署渠贖殺人劫財攻圍富川縣為守禦官軍所敗後攻勇
峰寨官軍又敗之遂分處巢穴總兵官蕭授官軍至伯養等前
後就擒戮馬孫逃富川山中仍集眾劫殺授累遣人招撫而竊
據巢穴嘔強不服至是併其家屬俱就擒械送至京命悉棄市
凡初男子悉宥之俾隸錦衣衛習匠○丙午行在後軍都督
僉事李通奏大營操練圓子手逃逸一千二百人乞令兵部補
之 上曰此軍初皆選精壯者今消耗如此必頭目不能撫恤

又生事苦楚之以致亡逸者衆兵部詳究其實未聞自今各營
操練軍士逃者頭目如例罰俸○行在通政司奏朔州衛指揮
王瑛私役軍卒出煙墩十里為虜寇所執又掠瑛等馬騾出境
卒逸歸白於千戶谷勝勝與瑛等匿不以聞 上曰自古禍亂
之興皆由小人苟進利而忽遠慮每以小事為無害隱而不言
養癰長疽遂至狼狽今虜寇偷竊雖小事人臣蒙蔽乃大惡漸
不可長令武安侯鞠之定罪以聞○命行在工部度地建朝天
宮於西直門內○丁未太原府霖雨汾河水溢決隄防傷禾稼
鎮守都督李謙巡按監察御史徐傑以便宜督軍民踰通舊河
修築堤堰遣人馳奏 上是之○戊申免陝西寧遠縣積年戶
絕及水衝沙漫民人一千四百二十九戶田地一千三百三十
五頃四十九畝應納稅糧九千七百四十五石有奇○命行在

兵部以馬五百匹給宣府左右前三衛騎士之操神銃者○令
行在工部建少師吏部尚書寔義第宅于文明門之內○副總
兵都督方政奏內官蕭愚親信小人擅作威福私役戍兵凡諸
邊務任意干撓政欲用神銃悉不與至加詬詈或擅調軍出境
上降勅責愚曰朕以邊務委總兵大小之事悉聽裁決命爾但
管神銃凡進退緩急聽總兵約束何敢越分撓法論爾罪當死
今姑宥宥俾悛改自今惟於神機銃嚴密關防一切邊事聽總
兵處置爾所役軍士即遣歸伍聽調若怙終不悛必誅不釋○
己酉貴州大平伐等長官司頭目宋海等來朝貢馬○時刻太
白犯歲星○壬子宣府總兵官都督譚廣奏近行在戶部以邊
儲轉運為難令臣止將宣府前衛及興和千戶所官軍守備凡
諸衛官軍調戍宣府者皆遣還來春屯種輸納子粒若宣府前

等衛士卒亦須摘撥也田緣臣所守邊地一千四百餘里皆與虜隣雖有城堡相去或五六里或二三十里徃時虜寇常依險藏伏遇雲霧風雪之際輒入為寇因再委都指揮黃真嚴切巡邏始有畏忌之心然諸處瞻望常見有虜寇徃來彼蓋窺伺欲乘間竊發是以晝夜不敢怠違况諸軍皆自永樂中調來今若惜費稍稍減撤或有警報各國封守所將逐捕能有幾人急欲撤兵遠者七八百里近者三二百里及其來赴賊已引退人困馬乏何能成功今大同遼東皆置重兵而宣府密邇北京尤為要切誠如戶部所言臣愚未見其可若不盡言恐負陛下委託之重上命行在戶部移文諭廣自永樂中調者如舊今成守有餘亦須也禮長久之策也○巡按福建監察御史邵宗奏在外諸司文卷皆屬按察司照刷今福建所屬自永樂二十年

至今未刷錢糧埋沒刑名出入何由得知若天下皆然則積弊滋多宜令各處按察司遵依成法每年八月分巡刷卷年終則上其籍於都察院如此則官吏知戒崇贖可清而政事以理命行在都察院戒飭各按察司以時察行○巡按河南監察御史梁廣成言直隸睢陽衛洪武中築城就城內取土遂致地勢低窪每歲或遇久雨及城外西北二湖漲溢流聚城內積久不涸軍民皆徙居城外廬十六年矣而城類虛設乞塞二湖浚舊壕開門以泄積水低處用土培高仍令軍民歸處城內猝或有警可保無虞命行在工部移文河南三司計議行之○夜有流星大如盃色赤尾跡有光出天梧西北行至雲中○癸丑罷內官入番買馬初內官李信李貴以西番多良馬請買以供國用既次陝西治行上以地遠勞人勅罷之○甲寅遣神樂觀樂舞

生齋者帶詣各處命有司祭歷代帝王陵寢○賜琉球國使臣
涉馬結制等貴州大平代長官司頭目宋海等雲南鎮南州故
把事舍人李雍等鈔綵幣絹布有差○哈密忠順王遣鎮撫早
丁等二人奏事至京賜鈔及綵幣表裏等物有差○行在瀋陽
寺左少卿張隆奏薊州永平山海等處關營歲用糧料二十二
萬三十四百餘石欲令遵化等衛所薊州等州縣發軍民總兵
官都督陳教添撥軍士於林南倉關運貯於遵化永平山海倉
以備支用 上從之命俟秋成後起民夫及於各營堡撥軍守
關者毋擅動○乙卯以罕東衛班麻思結為指揮使因其自陳
征曲先有功故授之○巡撫侍郎于謙奏開封府祥符中羊尉
氏扶溝大康道許陽武夏邑八縣去年七月黃河泛溢衝決隄
岸淪沒官民田五千二百二十五頃六十五畝該納秋糧五萬六

八十餘石馬草七萬六十五百餘束乞為豁除從之○南京錦衣衛優給指揮十百戶違原成等二十七百人告言俸半折鈔近例令於原籍官司支給緣皆年切去家有千里及二千里者道遠不能往支乞援山後官軍俸例於京庫或附近州縣官庫支給為便 上諭行在戶部臣曰此孤幼俸鈔安可拘例其令南京天財庫給之○順天府保坻遵化玉田三縣薊州鎮朔二衛各奏五月淫雨河水泛漲淹沒軍民低田苗稼○夜有流星大如盃色赤尾跡有光起天倉東北行至天稟○丙辰昏刻有流星大如盃色青白尾跡有光出雲中東南行至雲又有一星大如雞彈色赤尾跡有光出造父南行入鬻星又一星大如雞彈色赤尾跡有光出心南行至濁夜有流星大如雞彈色赤尾跡有光出文昌西北行至濁又一星大如雞彈色赤有光出勾陳西北行至

此杓五鼓有流星大如雞釋色青白尾跡有光出冒東南行
入天園

大明宣宗憲天崇道英明神聖欽文昭武寬仁純孝章皇帝實錄卷之九十一

明宣宗章皇帝實錄卷之九十二

宣德七年六月○是月御製官箴成以示百官 上諭之曰朕承太寶臨撫兆民實賴中外文武群臣同心同力以興起治功昔舜命九官十二牧皆孜孜訓諭虞史書之夫以大舜為君為皋稷契革為之臣猶致傲如此况朕菲薄敢不究心然遠臣既不得數見而人諭之近臣雖朝夕相接亦不得數以言論因取古人箴儆之義凡中外諸司各著一篇使揭諸廳事朝夕覽觀庶幾有儆然古之君臣有交儆之道凡在位君子有以嘉謏告朕者无朕所樂聞也箴凡三十五篇 都督府箴曰 天命太祖興自武功海宇既寧武備寔崇 皇祖 皇考教範祖武兵戎之政總以賢府朕嗣大統祇率舊章居安慮危夙夜不忘惟昔帝王威奮武衛靖亂保民安內攘外凡今兵衛布在

四方總制于中有紀有綱惟是樞機爾司其柄宜教念之以修
其政將有才智士有勇銳部伍有訓儲備有備除治戎器豫戒
不虞政修兵堅孰敢侮予尔敬念之母忽毋忘必壯其猷以輔
于治 吏部箴曰周官六卿其長大宰統治百僚以熙功載漢
設選部官置尚書有佐有屬代釁弗渝致治之本寔資用賢甄
拔簡任尔持衡銓尔惟敬之務公戒私善尔勿蔽才尔勿遺必
黜儉邪必進忠貞用舍適宜治由汝興苟或貿貿弗慎詢未謀
面而用弗究其内玉石不分臧否莫明治之弗興亦由汝成度
德定位乃稱任使小知大受官罔不飽精尔識鑒勵尔正直相
于于治夙夜無斁 戶部箴曰君國之道子民為先黎庶既安
邦本植焉相古地官寔尔之職均節惠和民乃衣食賦稅有經
徭役有常民之所供舊典式張惟尔卿佐暨乃攸屬庶幾夙夜

恪謹乃服民克阜故樹藝以蕃上下畢克何有車璫一惟公惟勤
惟時惟允惟仁之將而義之盡恭之高執唐之宇文苛征暴括
邪以不振尔惟鑒兹母繼括克母詭于随母敗于墨子惟尔任
尔其懋哉尚友古人執德不回 禮部箴曰聖人立極法天出
治為治之本莫大于禮稽古伯夷為虞秩宗所典三禮宗伯攸
同既治神人亦和上下政本之地寔宣教化惟我 祖宗承古
之道品節制度式昭禮教幽明崇卑秩乎有序大法大經靡不
脩舉咨爾禮臣夙夜惟寅秉其直清以交神明安上治民爰及
四裔祇循舊章亦義之比惟卿暨佐汝予協恭暨厥四属于卿
率從治國去禮猶耕無耜咸篤教之以懋政事 兵部箴曰部
以兵名寔古司馬詰是戎兵以固華夏凡厥武臣疇過叙勳素
馬在坳考牧用蕃車駕輿服城戍郵驛守經制宜皆尔之職董

之以卿承以衆傳簡昇維賢庶其昭昭尔宜懋茲教共朝夕顧
諷勿忘以庶庶績書有明訓儆戒無虞茲用教寧其可勿圖怠
則隳政貪則亂法毋為泄泄毋為沓沓職所宜為式克慎修福
祿攸集永孚于休思古良臣鞠躬盡瘁用是作箴以勵有位
刑部箴曰聖人制刑輔治弼教掌邦之禁惟仁之蹈咨尔刑部
卿佐暨屬惟公乃明惟明能燭匪庶勿公勉萬于行惟教惟恤
毋忘衣矜死獄求生何昔之德穆情就律何今之刻深文巧詆
寔民之賊如鑑如衡刑乃帶威毒威以逞下情鬱埋私意以行
枉直失真司命之寄毫絲妄僻罪疑惟輕庶鮮克抑天不可違
氏不可調斷不可續應則如獨往體予仁欽哉勿渝庶幾祥刑
有永令譽 工部箴曰虞舜之世岳若百工暨于成周乃設司
空漢制水衡將作少府備物致用必謹其度我朝建官列次六

卿率屬有四各處于成凡諸儀作儀品有秩辨其措良去華就
實凡厥有位宜慎其官順理而治勿苛以殘山澤之利羽毛齒
革金鑽丹漆墜木與石為所當為毋耗于材逸所當逸毋殫其
力毋縱已私縱則召菑毋溺于宥溺則取敗必祇必勤必施以
公百役具宜惟尔之功其懋敬哉視古仁智率履勿愆用保祿
任 都察院箴曰歷代建官皆有御史任之耳目委以綱紀糾
違絕愆激濁揚清用獻嘉言惟直其明 祖宗之制有長有貳
其下之屬凡十有四教達民隱察舉官邪必究大體毋刻毋頗
必由中道毋過不及毋以賄違毋以勢攝敦仁之存篤義之行
氷霜之清松柏之貞凡尔憲臣敬慎以勗庶幾朝政資尔以肅
媿柯緘默徒取充位職是用弛罔則何賴必端諸心必修諸已
庶懋尔績庶輔予理 太常寺箴曰為國之要事神理民太常

典祀式交百神者乎 祖考致嚴祀享厥有純誠敬恭協相朕
承丕緒思用允迪爾祇爾肅以輔以翼儀度必飭筮盛必潔無
蹟無慢噪乎對越事神之本惟心之虔豈直臨事平居有嚴神
之鑒矣來款來止神之款矣民之福矣無曰冥冥洋洋有瞻汝
惟懋哉其慎其欽 大理寺箴曰有虞用士弼教明刑秦漢相
繼建尉是稱命曰大理繇景之世暨于今茲一以輔治列之九
仰有翼有承鑑空衡禮平視獄之成簡于五辭以正刑罰維過斯
宥維義之合刑不可獄死不可生惟爾是懲其可不矜易著明
慎書戒欽恤祇率弗違乃德之吉惟官惟友惟貨惟來終迷不
復乃禍之階粵昔蘇公式敬由獄以長王國永命攸屬嗚呼若
人德也我思爾儀爾規朕此戒辭 通政司箴曰通政所司實
古納言出納政令用名厥官有虞之聖后龍是職周仲山甫亦

謹朝夕君為元首臣則股肱為念如子維下庶氓崇卑一氣流
貫無間有過弗流體乃為惠爾職于斯必教必忠命必下究情
必上通議說終行師用震驚爾詳爾明予治乃成維樞紐機維
喉維舌爾飭無怠庶儆在列 唐事府儀曰堂堂鴻業萬世攸
傳儲副之建大本在焉滔爾多事爾其毗輔有貳有丞庶職咸
具虞舜之聖資于臣隣矧時育德而弗資人言行政事有體有
要必謹大猷必以辰告譬如陟崇由下而陞不怠以休乃躋高
明爾其敬共以引以翼毋為檢倭毋肆讒慝示爾箴規篤念勿
忘克用有成邦家之光 翰林院藏曰建有司言自周則然後
世襲用愈密而重策命所出講學所資幾務之嚴于度于濫代
有賢哲博聞明識克勵翼之用克厥職咨爾儒臣朝夕左右必
端乃志必慎乃守啓沃之言惟義與仁克舜之道鄒孟以陳詞

尚典實淳薄是戒謀議所屬出望乎外心存大公罔後于私昔
人四禁汝惟勵之獻納論思以匡以益以匡前休欽哉無斁
左右春坊箴曰國之大本厥惟儲嗣天序所屬人心攸繫用輔
厥德必于正人左右春坊惟其輔臣儲君之德曰仁與義食息
言動惟道之比克舜周孔是究是明百度以貞其德乃成玉璣
琢磨乃荐宗廟豈其賢才不由輔導爾端爾行爾正尔心非聖
不道其慎其欽大經大猷是匡是直國有元良惟尔之績 司
經局箴曰聖人之道具載經籍用理萬邦用凝庶績國有儲副
天下之本惟德之修惟道之盡凡厥典冊爾寔司之尔殫尔心
尔正尔思克齊之聖惟曰仁義廓而充之萬善斯備雜家者流
反道自賢孟軻教王不陳于前尔其監茲祇乃攸服日就月將
是啓是沃道積厥躬而致于中克讚其隆時乃之功由學阿世

古人所戒篤慎勿忘庶幾無悔 六科箴曰國家建官內外有
制給事之臣察爾廷陞爰華大典分科置員各司其務有簡有
繁命令之出于汝紀之章廢之入于汝度之考其得失舉其愆
戾釐革欺蔽以贊予治敬共朝夕無繼以逸無易以忽必毖以
密達夫大體由乎至公維汝之曷光奮于庸恪處以騁不幸正
道汝之不賢辜以自造自首尔臣左右承弼正人是資邪佞必
存其篤念哉毋苟充位杜端乃志以懋乃事 光祿寺箴曰周
官膳庖實聲光祿漢列九卿唐總四屬國朝建置率循弗易享
祀賓宴成其所職先王之禮豐儉有宜惟敬惟誠儀武行之梁
盛必恪犧牲必嗜執事有格儼乎對筮群賢在朝四裔會同康
之饒之必精必豐朝夕膳饗必謹恒度毋儉公費而繼私鉅毋
駢奢侈毋肆暴殄毋作愆過以蹈常典正己率下咸敦慎之用

永終譽光戎訓辭 鴻臚寺箴曰 祈萬邦成統于一朝 觀會
同其儀 有秩咨爾 鵠臚 御爾暨屬 時維爾官 必莊以肅 必考于
度 必協于中 無簡無繁 罔旌雍容 惟勤以周 惟一靡慝 敦慎爾
儀 庶光爾職 太僕寺箴曰 軍國所用 馬為之宗 軍國之政 馬
政亦大肆 予慎之有 駉如雲 既充內贖 亦渙其群 疇厥庶民 祈
之畜牧 司其政令 爾太僕政令 攸宜 閱省以時 不憊不忘 乃
著乃滋 蚩蚩之屯 國家之本 毗既阜 豐馬息思 奮爾篤于民 毋
侵 毋列 爾勤于職 必敬乃德 魯倍無邪 衛文塞淵 爾師古人 厥
功茂焉 國子監箴曰 翼翼京都 巖巖學宮 首善之地 是維辟
雍 四方髦士 來游來學 業之所專 詩書禮樂 學必有師 為士承
式 祭酒司業 暨乃衆職 師道克博 士乃有成 俊義奮興 為國之
楨 咨爾為師 敦爾儀則 以教以率 罔懈朝夕 咨爾為學 明善誠

身充智異能匪教弗臻俗化所自賢才所出其于國家任重而
切勗尔師生咸篤于誠無忽于行式觀厥成 欽天監箴曰五
帝之世曆象肇興建官作式後世襲承惟我 祖宗德合克辟
天道民事尤篤欽慎尔職于斯夙夜惟寅用率厥屬咸致其勤
必精推策必審觀候庶副欽若爰及敬授行奉天道動協時宜
在予靡愆實汝之賢惰慢而失灾咎而隲予則汝罰勗哉惟謹
京府箴曰奕奕京師四方所瞻京尹之職民庶是誠周之內
史漢之三輔不輕畀人擇賢以付國家因之有尹有丞亦有庶
僚用積厥成苙苙區域輦轂其本王者施行仁篤近舉遠尔體予
懷務勤共周情必上道澤必下沅水清玉剛準平純直毋憚豪
右毋縱奸惡趙張遠延顯顯前規毋愜古人祇我訓辭 行人
司箴曰法古建官以熙于治國之行人寔永周制慎簡髦士俾

居俾臧朝有命令肅肅用將有容有章必教必飭毋為奇哀毋
縱貪墨載馳載駝周爰咨諏靡及之懷益安弗渝克篤念茲不
忝于士不忝于國有聞于世 錦衣衛箴曰自古建國皆重環
衛爾維厥官朝夕廷陛予所服御咸爾攸秩出入先後以警以
蹕左右駭奔亦戒不虞亦有匪人爾詰爾詰爾其懋密勿縱于
私宜廉宜慎宜勤宜祇惟義之遵惟善之迪敬恭勿渝用保終
吉、中都留守司箴曰洪惟 太祖龍飛之初曠時舊邦肇作
中都官府既備兵衛斯設留守之司戎紀有截戡戡 皇陵奕
奕寢園是保是完既固既安惟勳其賢爰剖簡畀洋洋 聖謨
式篤于此凡爾庶僚受職寔同率厥攸屬秉其虔恭嚴乃節曲
飭乃士伍有愛有威以訓以撫惟 皇聖明於昭于天來遊來
觀尚教慎旃 各都指揮司箴維聖制兵職以衛民朕臨既臨

國勢用振惟都指揮以總諸衛戎政是專乃古連師內藩朝廷
外固封疆上下相維有紀有綱率厥攸屬小大維服以親戎行
保安俾有維屯維守政之所宜居安慮危訓勵以時勇智信嚴
仁則為大母繼命度母肆暴害維昔艱勤尔克臻茲尚慎旃哉
保終勿隳 內外諸衛箴曰兵衛之設以居師旅內以宿衛外
以禦侮必有武功以統以率齊其部伍明其紀律簡閱練習矣
甲堅利養威藏銳用則有備為將之道勇智兼全為士有教桓
桓奮先將之于士必隆恩撫矜其寒餼同其甘苦毋虐與苛侵
奪厥利仁如父兄愛其子弟以赴敵必得死力豈直輔功亦
濟危挽厄占良將固不率茲尔篤念之無忽無違飭尔屯務兵
食所賴修尔兵政以靖境內祇我訓辭懋尔功庸庶幾祿位光
被永終 各布政司箴曰國有方岳統治列郡克舉其國紀斯

不吝舜命收伯農時為先柔遠能通惇德允元咨爾藩臣往厥
汝職惟誠無欺克熙汝績永流宣化夙夜念哉謹其操持瑞其
表儀郡守邑令有賢有否明其廉察公其去取雖予夙夜求民
之莫為藩為翰維仁之篤生息有養禮讓有興爾政之成式觀
厥能 按察司箴曰國家養民藩牧是寄必有憲臣乃爾乃又
提刑按察厥署以名有使以長有貳有丞比而藩垣下而郡邑
廣聽聰達明無或勿及黜奸戢暴去頑革舊用植善柔用暢鬱理
以義行仁以刑弼教豈曰今茲重古之道法以坊人必自爾躬
表之克端影靡弗從毋忘于職毋敗于度毋權之懾毋勢之怙
吐剛茹柔或私滅公維身之事維家之凶明明上天臨下有赫
往敬爾德以懋爾績 各府箴曰列郡有守民之司牧有佐有
護協恭教育邦國之本實惟斯民教之育之一主于仁千里之

地膺受朝命安危休戚一條厥政耕桑之業毋奪其時督之勸
之民固寒饑學校之政必修必飭無慢無怠善教斯植正其範
防去其蠹蠹所惡勿施所歆典暨備典祇祀以為民福禮賢尚
德以勵民俗奉法循理為下表儀廉公興明政乃弗疵豈弟君
子民之父母慎執教執用永終譽 各州箴曰環境千里置府
以治州亞于府建官次之有臨乎上有仰乎下凡爾所職承流
宣化蚩蚩者氓休戚在爾心誠求之如保赤子無妨其播乃衣
乃食無殫其力乃休乃逸興學教敦恭神祇獄訟必平賦稅
必時毋繼民厲毋侈貨贖維仁維清如水如玉如繩之直如鑑
之明豈弟君子懋永令名 各縣箴曰人君代天子養兆民任
牧民者邑令无親丞簿佐令幕府積畫民之休戚成其所職保
民之方心誠求之如父如母字教孩提察其凍餒俾衣俾食恤

其疾痛保康保適既厚其生必道其行有禮有儀善俗用興致
 恭神祀致勵學校毋肆侵漁毋縱苛暴尔端尔心務恪共誠改
 用有成民用底寧 王甫官箴曰宗室之親各有封國用作藩
 屏必建輔弼藩王之德惟忠共孝惟善之存惟仁之蹈輔之弼
 之如古名賢非聖之書弗陳于前進王于道維汝之勳苟納于
 邪汝則干僻維漢賢藩東平河間人心之善古今同然汝贊王
 德克濟乎是將汝顯闕永揚于世 鹽運司箴曰鹹鹺之利興
 自古昔下以惠民上亦資國歷代暨今置吏以監克用成功必
 才其廉歛發有制私竊有禁尔寔司之無忝厥任尔篤于公質
 違乃通尔忠毋倦賦乃饒衍尔之依職是名刹權其永保之無
 忝訓戒 儒學箴曰君國子民教之育之有育無教或淪于夷
 置吏保育建學保教而教之方本乎師道清修實踐正學博聞

利不自滿汝之共賢雖身與名雖私則

利不自滿汝之共賢雖身與名雖私則

成已成物師道用尊為學之方體仁由義誦法周孔亦致文藝
化民成俗以善其鄉成德達才以道于邦本末循序用臻實効
勗爾師生毋忝學教

大明宣宗憲天崇道英明神聖欽文昭武寬仁純孝章皇帝實
錄卷之九十二

六萬有奇則於歲額六十餘萬之額不足不得不借割沒以足數耳因無定額百蠹叢生不知割沒者因夫帶私鹽而割之也如無夫帶則亦已矣今既因正課不足而為濫解之計則不得不許商人夫帶是明之導之以行私也既已准其行私而又設為禁私之法以治之以致良商疾首而蹙額奸商恣意而橫行名實兩無謂矣不如每引加鹽百斤增納餘銀二錢則歲額無虧而割沒之利可以永絕其有正數之外仍行夫帶私鹽者以私鹽之律治之庶積弊可清而百蠹之潛伏者與之而俱絕矣一專委任以責成功天下事久則精專則重理勢然也以兩淮鹽臣言之

明宣宗章皇帝實錄卷之九十三

宣德七年秋七月丁巳朔享

太廟○遣中官祭司門之神○滄州民畜官馬一產二駒州以
為祥獻于朝 上曰物理之常何足異也 命付御馬監畜之
○戊午 命行在禮部停武陵王季嬭妃冊禮初楚王孟煥奏
已選湖廣都指揮僉事魯魯女為武陵王妃發冊有日既而人
言此女許嫁都指揮僉事穆爾為子婦受其聘矣 上聞召曾
門之曾不能隱乃 命停冊禮以書諭楚王曰婚配人倫之始
王化之源彼既許人理難發冊曾貪冒無恥豈可玷 祖宗家
法貽外人之議已令禮部停封冊宜為武陵王別娶○命行在
工部凡所役神機營五府各衛繕工旗軍人月加給米一斗鈔
四錠○命改濟州衛指揮使吳海子安金吾右衛指揮使王禮

茅貴指揮同知張福子善濟陽衛指揮僉事賈泉茅忠白祥弟
亮羽林前衛指揮僉事劉興子剛俱襲職○遣指揮丁全趙回
來的等賚勅及金織綵帶表裏賜泰寧衛掌衛事都督僉事脫
火赤等以能綏撫其眾恭茅朝廷故也○已未實授山西都司
看都指揮僉事馬貴為都指揮僉事賞綵帶表裏一鈔一千貫
時虜寇犯境都督李謙遣貴率官軍擊之貴生擒寇四人奪馬
二十七匹謙以聞故有是命從貴有功者陞賞有差○改交趾
上洪州等衛門歸順土官知州等官阮暹干等四十五員為山
東山西青州等府州縣通判判官照磨驛丞○行在戶部奏直
隸松江府沒官田宜准民田例起科古額官田積年逋負稅糧
請蠲免以甦民困 上從之仍 命今後各處官田糧俱准此
例○巡撫侍郎趙新奏每歲徵糧請命都察院移文各處按察

司委廉幹官一員協助又奏三司府州縣首領官除犯私罪外其餘公務失錯小過該復職者請令巡按御史同按察司就被取問發落免致缺官廢事又奏糧長里長漕運赴京道途艱苦費用浩繁及抵倉所多為奸猾之徒詐騙乞嚴加禁約俱從之○夜有流星大如雞子色青白尾跡有光起外屏南行至羽林軍○辛酉遣戶部侍郎城均往浙江巡撫召侍郎趙倫還朝時有言倫督糧賦用峻法吏民不勝苦者上聞之曰既酷安可撫民逆命均往代之而召倫還○夜有流星大如雞子彈色青白尾跡有光出華蓋東北行至函○壬戌以考最陞行在翰林院編脩尹鳳岐檢討黃裳劉麟應俱為本院修撰擢建寧府照磨謝良翰進士楊春為行在監察御史良翰廣東道春陝西道陞松江府同知陳智為順天府丞行在翰林院編修梁禋行在

福建道監察御史陳璇親喪服闋 命禮從職調璇行在貴州
道後劉觀河間長蘆鹽運司同知陞正四品祿秦銘貴州新化
府推官徐岳直隸河間縣知縣陞正六品祿朱輔山東蓬萊縣
知縣陞從六品祿鄭福湖廣長沙縣丞陞從七品祿詔能安慶
府白沙巡檢司巡檢陞正九品祿皆任滿當陞各以其民奏乞
留之故也以賊罪遇赦降太僕寺丞紀文為山東膠州同知○
行在工部奏請修葺舊營房七十餘間以處工匠之有疾者從
之○癸亥直隸忠義中衛遵化衛東勝右衛興州後屯衛大寧
都司營州右屯衛各奏今年五六月間天雨連日山水驟發滄
沒軍屯低田畝穀○日上生背氣一道色黃赤鮮明○甲子旌
表孝子馬威節婦張氏等六人威山東汶上縣人性至孝教事
父母父病革夜焚香籲天請以身代父卒朝夕號慟不飲酒食

內隆冬服單衣露頂跣足自負土築墳廬於墓側事聞旌其門
曰孝行張氏常州府江陰縣民陳忠妻忠以事卒于京師張氏
聞之號痛歎絕時年二十有七誓不改嫁撫孤男女守節四十
七年聶氏江西吉水縣民郭仲稷妻年二十一夫亡不嫁養姑
育子咸盡其道守節四十九年楊氏山東莘縣民耿好古妻年
二十三好古亡誓不更嫁撫幼男女三人皆有成立孝養祖姑
百三歲而卒脫簪珥以資殯葬魏氏應天府句容縣民陳儀妻
年二十七而寡誓不改嫁子三人俱幼弟姑盡孝姑卒殯葬以
禮黃氏淮安府山陽縣民趙仲名妻年二十九喪夫不嫁勤女
工躬儉約奉養舅姑始終盡禮屠氏順天府大興縣民李奴奴
妻年二十九喪夫不嫁子幼家貧倒奩具易棺葬其夫守制垂
四十年事聞俱旌其門曰貞節○乙丑 上諭行在工部尚書

吳中兵部侍郎王驥等曰比聞外來操練官軍及工匠主于京師人家一遇患病輒逐出之死者街衢莫之或省卿等即行五城兵馬常遣人巡視但若此者執送法司治之果有病故即為埋瘞不許暴露○廣西左州故土官舍人黃繼亮等來朝負馬○命行在戶部員外郎羅通往宣府理軍儲○丙寅五鼓有流星大如雞子彈色青白尾跡有光出營室西南行至雲中曉刻歲星犯天罇○戊辰 命定國公徐景昌禮科給事中虞祥為正副使持節封趙簡王第二子安陽王瞻瑞為趙王建平伯高遠禮部員外郎易鼎為正副使持節封瀋簡王庶長子武鄉王信煇為瀋王駙馬都尉西寧侯宋瑛戶科給事中楊盛為正副使持節封蜀靖王第二弟羅江王友煥為蜀王吏部右侍郎黃宗載工科給事中李個為正副使持節封慶成莊惠王庶長子鎮

國將軍美靖為慶成王刑部右侍郎吳廷用刑科給事中牛富
為正副使持節封廣昌悼平王庶長子鎮國將軍美堅為廣昌
王禮部右侍郎章敞大理寺左寺副唐復為正副使持節冊西
城兵馬副指揮胡信女為永壽王志填妃○己巳 命福建按
察司副使祝戒致仕戒浙江蘭谿人由刑部主事陞按察僉事
再陞副使歷任雖久風紀無聞至是考滿未朝以老疾 命致
仕○庚午以明日中元節遣衛王瞻埏祭 長陵 獻陵○哈
密忠順王卜答失里遣指揮捨黑馬黑麻等及哈烈等處頭目
沙哈魯米兒咱遣使臣馬速等來朝貢駝馬玉石○辛未命行
在翰林院侍讀學士李時勉侍讀苗忠為應天府鄉試考官○
順天府霸州及三河香河豐潤灤東安永清六縣及永平府灤
州各奏今夏苦雨河水漲溢低田所種禾穀俱傷無收○壬申

封周王有燉侍姬施氏陳氏韓氏歐氏李氏張氏皆為王夫人
賜王開封府稅課鈔令王府自收 命兵部給開封民丁三百
人充王府校尉除典仗二員管轄皆從王所請也○肅王瞻熾
奏甘州中右二護衛官軍皆開送無差違欲止留一衛請以一
衛歸朝廷助備邊 上得奏復書曰護衛以衛王國王國以藩
屏朝廷今款以國中無事而為朝廷慮遠足見至親體國之為
特遣都督僉事王或副都御史實諫賚書以演聽簡留一衛所
歸朝廷者令孛家屬赴甘州補前後二衛之數仍勅或諫加意
撫綏所過給口糧車輛毋令失所○曲先衛都指揮同知那那
罕遣百戶阿荅劉肥河衛女直指揮同知卜刺罕等來朝貢駝
馬○賜哈烈等處貢使宴○置呂梁漕渠石閘初平江伯陳瑄
以呂梁上洪地陡水急漕舟難行奏准令民于舊洪西岸鑿渠

深二尺闊五丈有奇夏秋有水可以行舟至是復欲深鑿置石
閘二時其啓閉以節水庶幾往來無虞事聞命附近軍衛及
山東布政司量發民夫工匠協力成之○丙子河南民自宮者
六人託胙城王左右以求用胙城王收之周王以為不可歸之
朝廷上以賜周王漢書曰胙城不循祖訓擅收此人過矣
叔秉德循禮歸之朝廷河間東平堂足多哉今遣還叔以協使
令○賜慶城王美靖第二弟名美塚第三弟名美捌○丁丑
上視朝退御武英殿翰林儒臣侍因論漢唐開創輔_臣侍臣對
曰蕭曹房杜雖皆常才亦當時無過之者有曰天下之廣未必
無之但係于遭際何如耳上曰然如三老董公及泰山道士
徐弘容皆不見用而蕭曹房杜成功誠哉人才遭際為難也○
庚辰免直隸揚州濟泰州去年水災官民租二萬二千九百三

十餘石馬草三萬二千六百六十餘包○上燕間閱內庫書畫
得元趙孟頫所繪幽風圖而賦長詩一章召翰林詞臣示之曰
幽詩周公陳后稷公劉致王業之由與民事早晚之宜以告成
王使知稼穡之艱難萬世人君皆當鑑此朕愛斯圖為賦詩歌
獨于便殿之壁朝夕在目有所儆勵爾其書于圖之右○夜有
流星大如雞^彈子色赤尾跡有光起女牀西北行至濁○辛巳免
慶王旗寧夏中護衛備邊兵及永和王濟懷慶成王美靖大同
戍兵之半皆從王所奏也○貴州大萬山長官司土官長官楊
光慶遣子海昌等貢馬○賜廣西左州故土官舍人黃蘊亮等
帶^欵領有差○命故大寧都指揮同知孫興孫清襲為金吾右衛^左
指揮使金吾前衛指揮僉事王壽子鈺錦衣衛指揮僉事李滿
子瑛襲職燕山左衛指揮使陳謙子智金吾左衛指揮僉事張

貴子敬俱代職以謙等老疾乞致仕也一行在欽天監奏大興
縣民劉溥等充天文生及陰陽生而有司一槩編充里甲舊制
凡習學天文陰陽者許子孫亦習其業乞免其里甲之後
上諭行在戶部臣曰天文曆數非世業不精天文生可免二丁
陰陽生免本身之後三年後考試不精者罰之○直隸蘇州府
知府况鍾言憲綱有云御史所至之處博採諸司官吏廉勤公
謹者禮之薦之汙濫奸佞者威之糾之勸懲得體人自畏服至
于御史與在外官相見禮儀及凡迎詔勅詣學校皆有一定禮
制比來各處公差御史多有違越禮分各府知府亦有自顧聞
算貪慕畏其糾劾者接見御史諛說拜跪甘受署辱間有奉法
持已不肯阿屈輒求小過擅作威福使賢良不安于位而邪佞
得以苟全伏乞禁約上命行在禮部同翰林院會議申明○

曉刻太白犯熒惑○癸未 上登萬歲山坐廣寒殿召翰林儒
臣侍 命周覽都畿山川形勢既畢 上諭之曰此元之故都
也世祖知人善任使信任儒術愛養民力故能混一區宇以成
帝業再傳至武宗元政稍有變更仁宗繼之恭儉愛仁即位之
初興學校勸風憲清中書其孜孜為治一遵世祖之法足為賢
君英宗果于殺戮姦黨禍遂構大疫泰定以後皆享祚不久至
順帝在位既久肆意荒淫怠于政事紀綱法度蕩然遂致失國
使順帝能恭儉長守世祖仁宗之法天下豈為我 祖宗所有
又曰茲山茲宇順帝所日宴遊者也豈不可感侍臣叩首曰紂
之跡周之監也 上曰然○甲申夜有流星大如盃色赤光燭
地起天津西南行至乾瓜○乙酉平江伯陳瑄言高郵郡城西
北湖中有神祠古碑載神姓耿名邁德宋哲宗時人異天性忠

實聰明且直死而為神，善昭靈，感累封，至靈應，侯其廟，額曰康。
澤至今，其神有靈，凡人禱之者，若果虔誠，禱舟行無浚溺。
之患，早熯有甘澍之應，請令有司春秋祭祀。上謂禮部尚書
胡榮曰：神有功德及民，應在祀典。果如壇所言，有應，其令有司以
時致祭。一夜有流星大如雞子，色青白，尾跡有光，出天廩西北，
行至閣道，曉刻太白犯軒轅。

大明宣宗憲天崇道英明神聖欽文昭武寬仁純孝章皇帝實
錄卷之九十三

明宣宗章皇帝實錄卷之九十三

明¹軍宗章皇帝實錄卷之九十四

宣德七年八月丁亥朔遣北京園子監祭酒貝恭釋奠先師孔子○戊子祭太社太稷○中都正留守蕭讓等以私役軍劉俸先足命駙馬都尉趙輝往鳳陽修理宣陵輝奏軍少不足用上遣御史查理至是御史奏皆讓及掌中都留守司事都督陳恭都指揮僉事徐震署都指揮楊興^{僉事}私等^私役計一千六百八十餘人請俱罪之上命姑皆記罪私役十名以上者罰俸半年不及十名者罰三月○己丑直隸壽州衛奏近城西有湖與淮相通比雨潦暴漲壞城二百四十餘丈乞發附近軍民協助修理從之○辛卯雲南濠化州土官知州左伽遣侄青求潞南州故土官舍人恭福等來朝貢馬○賜哈密使臣捨黑馬黑麻及哈列等處使臣馬速等一百七十九人割肥河等

衛指揮同知卜刺罕等曲先等衛百戶阿荅等白金紗羅綾綉
絹布及金織紵絲襲衣有差 夜有流星大如盃色青白有光
起大陵東北行至濁○壬辰陞曲先衛指揮同知那那罕為指
揮使副千戶瓦思荅兒為指揮僉事經壁瓦撒為正千戶百戶
阿荅及頭目卜兒只等為三人為副五千戶○以赤斤蒙古衛故指揮僉
事子脫脫等三人襲職○授罕東衛頭目堅藏為正千戶可紀
即等四人為副千戶堅失加等四人為百戶脫脫為所鎮撫○
有妄男子大呼西羊門外語涉訛守門卒掉至御前其呼仍
不已群臣請下法司 上曰聖人之世有謏誹謗木以來諫者
此何足罪 命釋之○癸巳雲南車里故宣慰使刀更孟子霸
羨邁頭目召哀等貢象馬及方物○命左春坊左庶子兼翰林
院侍讀周述翰林院侍讀學士錢習禮為順天府鄉試考官賜

安于本府。○總兵官都督僉事巫凱奏潯陽中鎮嶺二衛指揮宋禮千戶朱斌等在職皆共同僚爭私意無同寅協恭之誼累累上瀆朝廷或罰俸或輸米贖罪遂職終不悛革每事爭競未嘗寧息以致廢弛公務請悉調極邊及新置諸衛所使之省過自今遼東都司所屬軍官有同僚不和妨廢公務者請一體調衛從之。○夜有流星大如盃色青白光燭地起天倉東行至濁。○甲午給鎮守遼東軍士馬五千匹守備開平等處軍士馬六百匹時遼東總兵官都督巫凱開平副總兵都督方政皆奏官軍原給馬多因出哨而斃請勅所司如數給補于是命北京行太僕寺以順天府民所畜孳生馬給之。○復馮好學山東恩縣至好學坐科欽罰後當調用縣民五十餘人詣闕奏好學一心撫民賦役均平公勤廉猷民心信服今所坐非其罪乞留

以安百姓。上曰：丞佐令之官而^能使民愛慕，不忘非有實惠，不能然。且言所出非其罪，此則法司之過。命復其職，仍命法司今後宜原情定罪，無蹈前過。○乙未，上御奉天門視朝，罷召少傅楊士奇、楊榮、王禕、前諭曰：今春命京官三品以上舉方面郡守，後又出舊作，招隱倚蘭之詩，以示意。已踰半歲，都不舉一人。近因卿二人舉黎恬等，朕思今天下之廣，豈果無人才，但群臣不以國家生民為心，故往往視朕言為虛文。此由吏部之怠忽也。其降勅責之。仍命吏部都察院考察在外方面及^郡縣官之昏懦不才者，黜之于。是勅諭行在吏部曰：致理之方，用賢為要。事君之道，荐賢為忠。朕主宰天下，思惟負荷之重，必得賢才共圖治理。夙夜在念，寢食弗忘。嘗勅朝廷三品以上舉荐所知，又出示招隱倚蘭之作，庶幾人臣咸明朕志。近惟一

二建臣曾有舉荐其餘曠時積月不舉一人豈果無遺賢歟抑
余中外所用皆得人歟蓋典銓衡者之怠忽也朕以誠心求賢
望理不圖臣下玩為虛文孔子曰十室之邑必有忠信者况今
天下之廣生民之衆乎尔吏部即會在京三品以上官眾議推
舉以有才行者有文學者具名來聞朕擢用之毋徇私濫舉塞
責仍同都察院考察在外方面有司官之昏懦不立暴虐無狀
者具奏罷黜之庶以副朕惓惓求治之意欽哉○命雲南布政
司右叅議劉龜致仕龜直隸安東人歷監察御史中軍都督府
經歷陞叅議政績無聞至是年七十餘考滿來朝 命致仕○
丁酉朝鮮國王李詢遣陪臣尹季童等來朝貢方物○賜貴州
大萬山長官司土官舍人楊海昌等鈔幣有差○廣東按察僉
中曾鼎言雷州廉州神電等衛所歲儲止足一年海南衛并所

屬不及一年軍士往往乏食令廣州府積糧雖多阻山隔海艱
于餽運切見洪武永樂間衛所軍士守城屯種各有定額食皆
給足而備禦不失其後都司奏罷屯種嚴城守故田皆荒蕪倉
無儲積乞仍屯種以廣邊儲遇有警報不妨調發庶倉廩有備
邊衛無虞 命行在戶部禮部議行之○戊戌浙江左布政使
黃澤右布政使史瑛左叅政熊本誠右叅政張子真左叅議張
以澄右叅議戴同古魏修嘗役人于公解治登採桑于屬縣歸
安縣知縣華嵩舉奏之 命澤等自陳澤等具伏罪 上曰此
非大擾民事宥之○己亥移東安門于橋之東○命行在戶部
尚書黃福掌南京戶部事○陞行在吏部考功員外郎魏驥為
南京太常寺少卿交趾南靈州知州黎恬為右春坊右諭德福
建建寧府建安縣學教諭楊壽夫山東臨清縣學教諭彭琉為

行在翰林院編修行在鴻臚寺丞周銓行在吏部稽勳郎中楊
應春行在工部營繕郎中王仕嘉虞衡郎中李新屯田郎中方
正為布政司右叅政銓河南應春雲南仕嘉新陝西正江西行
在吏科給事中張居傑行在禮科給事中武達行在光祿寺珍
羞署丞李唐為布政司右叅議居傑雲南達浙江唐貴州行在
刑部員外郎王暹行在監察御史焦宏杜時金灑胡志賀教王
豫為按察司副使暹河南宏江西時山東灑陝西賀福建教廣
東豫浙江皆以京官三品以上所荐也○庚子 命各處巡撫
侍郎同巡按監察御史考察方面官仍同布政司按察司考察
郡縣官時吏部部察院奉勅考覈方面及郡縣官賢否尚書郭
璉等言各處有巡撫侍郎請令同巡按御史考察如無巡撫侍
郎應別遣官或止令布政司按察司堂上官同巡按御史考直

隸濟縣宜從巡按御史考。上曰：方面官及巡按御史，從公考察，是以別賢否。無巡撫侍郎，不必別遣官。○召鎮守密雲都指揮同知蔣貴還京，以神機營都指揮同知李榮代之。○辛丑，陝西永壽等縣獻嘉禾，有同本三莖或五莖，莖十數，穗穗一尺有餘者，有同本十九莖或二十莖，莖十餘，穗又多至數十穗者，又有莖五歧六歧或一節一歧者。上覽之，謂群臣曰：諸物不足為瑞，穀以養民，今著異如此，可以為瑞。是日又有獻嘉瓜者，尚書胡濙言瓜連理而生，有瓜魁綿遠之兆。二者皆禎祥，請奉表賀。上不許，曰：嘉禾瑞瓜，雖年豐物阜之應，皆天地祖宗之所垂祐，朕何德以致之。夙夜內省，有獻多矣，其止勿賀。○壬寅，曲先衛指揮那那罕等奏：性者安定之兵，未討散，即思臣二女四弟，及指揮桑哥，經歷刺麻家屬被虜者五百餘人，今散即

思已宥罪復業而臣等親屬被俘掠不得歸千戶米刺苦述等
六驚潰今尚居西番江未回 上曰朕嘗以用兵為戒正恐濫
及無辜彼不自言何由知之勅諭安定王亦攀丹及安定衛都
指揮僉事桑哥阿刺乞已指揮使魯古荅兒等曰去年調尔等
討散即思今已宥其罪俾復業那那罕等本無罪之人而其親
屬為尔等俘虜此于天理人道順邪勅至尔即遍索部下但有
得其家口者悉給還之不許違命仍遣那那罕及指揮僉事白
帖木兒等賫勅往西番江柁撫米刺苦术等俾歸曲先○修通
州通流湖及南海子紅橋等閑○癸卯格失迷頭目宰奴阿卜
丁遣打刺罕速力迷失等來朝貢馬○陞罕東衛頭目班麻思
結為本衛指揮使賜勅諭之曰有功者賞有罪者罰此國家勸
懲之典天下之至公也往因曲先衛散即思縱所部劫烏思藏

使臣及殺傷官軍故發兵勦捕尔聰明特達聞官軍至即率衆從征禽殺賊徒獲其駝馬牛羊以獻朕甚嘉之已遣人賫幣賞功今陞尔為罕東指揮使尔尚益順天心永暨臣節則子子孫孫永享福祿尔其欽哉○土魯番城舍人陳禮等來朝奏願居京自劾賜紵絲襲衣綵幣鈔布有差仍命有司給房屋器物○甲辰民有建言云有堯舜禹湯文武之君而後有唐虞三代之治下至漢唐宋莫不皆由其君之賢明以致乂安而其言不及于臣 上曰必君臣同德而後可以致治豈當專歸于君古人謂君為元首臣為股肱政以同體相資也言者謬矣○乙巳湖廣高羅安撫司木冊長官司護印舍人田賢遣舍人譚潮美東鄉五路安撫司搖把洞長官司長官向墨古送遣把事黑牛送等貢馬及方物○初緣違諸將曰今秋高馬肥正虜寇南行之

時酒晝夜嚴督官軍謹備不可怠忽○命都指揮僉事馬驥鎮
守密雲提督閔陞謹慎陟脩附近密雲衛所官軍聽驥調遣初
命都指揮同知李榮鎮守密雲陞辭上留之遂改命驥○命
都指揮僉事馬麟管神機營事○丁未祭太歲風雲雷雨嶽鎮
海瀆山川等神○遣官祭旗纛之神○命都指揮同知蔣奇為
叅將佐總兵官都督陳懷鎮守松潘勅懷與之同心協力撫恤
軍民懷因封守○戊申行在戶部奏直隸順天真定順德廣平
永平保定大名河間八府并徐州所屬諸縣連歲水旱相仍被
災之田二萬八千八百七十五頃六十餘畝其稅糧馬草皆無
徵乞典蠲免稅之○夜月檢東井○己酉貴州安順州等衛門
土官同知阿籠遣道事李宗等貢馬○直隸常州府奏所屬四
縣西歲水災田稼不收人民飢窘已發官糧一萬二千二百八

十六石有奇賑濟俟秋成運官○夜五鼓有流星大如盃色赤
有光出紫微垣東著東北行五滴○庚戌 命赤介蒙古衛故
指揮僉事朵兒只失加之子亦魯伯沙州衛故指揮僉事兀魯
思子忽克不花故指揮僉事鎮南子曲列該由先衛故都指揮
同知歡即思之子都立等俱襲職各賜初袍之○行在太常寺
奏永樂中本寺寄處故元萬壽宮承慶堂祭器神帛品物皆貯
于內請別更置 上諭工部尚書吳中曰太常專奉神明亟尋
潔淨之居徙之○淮安等衛奏請軍器乞增神機銃一百大砲
一百于諸隘口隄脩工部請于兵仗局給軍器及神銃惟大砲
減半與之 上曰漢時兵器藏于武庫造吏能禦寇者則賜武
庫兵今軍器正為邊境之用大砲不可減半其志與之又曰造
兵器亦尔之職更須堅剋庶得其用○夜月掩與鬼○辛亥置

蘇州濟農倉蘇州田賦素重其力耕者皆貧民每歲輸納糧長里胥率厚取之不免貸于富家富家又數倍取利而農益貧工部侍郎周忱巡撫直隸諸郡兼督賦運至蘇有旨命以官鈔平糶儲備以備歲凶得米二十九萬石分貯于屬縣忱令各縣于水次置場別擇人總收發運細民徑自輸米赴場糧里長不得預遂革多取之弊民所費視舊減三之一凡糧當運南京倉以備北京軍官月俸者率每石加費六斗忱奏請軍官月俸就蘇州給之而徵其加費未四十萬石悉儲于官道前所糶六十九萬石有奇書諸籍而官掌之凡糧遠運有失及負欠者悉于此給借陪納秋成抵數還官而民免奉貸多償之害若民修圩岸浚河道有乏食者皆于此給之定為條約以聞上然之于是蘇州各縣皆置倉名濟農倉惟崇明阻海未置歲歉則于長洲

縣倉發米一萬石往賑之。○命故山西行都司都指揮僉事
福子瑄襲為金吾左衛指揮使羽林前衛帶俸都指揮僉事司
信子通襲為燕山左衛指揮使羽林前衛指揮同知申政子貴
金吾左衛指揮同知李名子玉金吾右衛指揮僉事王斌弟紀
俱襲職燕山右衛指揮僉事時冕子款燕山前衛指揮僉事崔
諒子海俱代職以冕諒老疾乞致仕也。○賜朝鮮國陪臣尹李
童雲尚蒙化州土官舍人左青求潞南州故土官舍人恭福等
鈔綠幣絹布有差。○壬子以故太保陽武侯薛祿孫詵襲封陽
武侯祿既卒。上悼念之不置俾詵襲爵而思保全于久遠賜
勅諭詵曰昔尔祖祿祇事我皇祖皇考多勳忠勤茂建愈
績而敢恭事朕始終一致論勞典德莫或加之自其既亡風在
在念今特命尔繼承侯爵尔其篤思尔祖樹立之報永念朝

建恩命之厚務善摘理以修德行習智與勇以進材能必謙必
恭必勤必慎毋貽邪僻毋事虛浮款以事長和以輯家心之所
存惟忠惟孝庶幾不負尔祖之所教遺亦不忝朝廷之榮命欵
哉○遣書戒諭遠王初荊州左衛總旗薛冬保借投遠府遠王
既取有長女又款取其次冬保不從已納贖增王怒証以他事
執送刑部贖罪復原衛王怒不已遂奏刑部官黃昱受賂釋之
工命刑部究其實覆奏本部官無姓名黃昱者冬保例應贖
罪還原衛非有禁此王府造誣請治其官屬之罪 上曰如此
則傷王之意姑已之復書遠王曰王前所言薛冬保事驗之皆
非實蓋近例贖罪者軍復原伍民復原籍非獨冬保然也且刑
部官未嘗有黃昱姓名此小人之妄言而王之過聽也法司必
款究治王府官巫罔之罪朕慮傷王意姑置不問王自今宜戒慎

勿惑邪說庶幾享福于悠遠○釋故城縣丞陳銘濩任先是
上聞內官內使差遣在內者多貧饑為民害已嘗罪其尤者
上以太監劉寧清謹忠良命同監察御史馳往各處盡收其資
橐并其人械送京師既還道經故城縣丞銘素悍暴又時大醉
而酗開有內官至更不明所從來輒奮前捍寧而手擊之御史
莫能止遂奏丞無狀逮至 上曰丞固可罪朕以其一時昧于
所聞而宥之侍臣或言銘酗酒擅擊朝使 陛下縱赦之亦不
可使復任 上曰朕既釋之矣彼當因此知改過也○遣羽林
前衛都指揮僉事昌英往哈密賜忠義王脫歡帖木兒等肅州
衛指揮同知韋文等往赤斤蒙古曲先軍東等衛賜指揮僉事
倉兒吉等緜帶表裏○賜朝鮮國等處貢使宴○行在都察院
右都御史顧佐言考課之法熙陟之典關係政治甚重欽承詔

諭吏部都察院考察在外官昏懦不立貪暴無狀者具奏罷黜
之臣比聞布政司按察司^二暨巡按監察御史往往偏信鄉都里
老甲長學校生員等之言定為去留殊不知有等小人即假公
濟私以圖報恩復仇于剛正公平不受請託者誣毀以為非昏
懦貪婪同流合汚者妄譽以為是以致是非顛倒乞勅在外巡
撫官及巡按御史從公考察毋容^{徇私}縱^{徇私}毋徇私情如此則官之
賢否可知民之奸弊可革 上從之○癸丑鎮守甘肅總兵官
都督僉事劉廣奏陝西都指揮僉事劉永宇河州衛理事勤慎
令陝西行都司都指揮使吳升病不任事其餘或老疾管屯或
領兵防邊本司無官理事請以命永又甘州諸衛皆是步兵艱
于巡邏今欲每衛選二百人充騎士教練庶可兼機赴利
上謂兵部侍郎王驥曰聞外事在得人朕以邊務委廣凡所用

聽其自擇朕觀成功而已所言悉從之遂命永寧陝西行都司
事○夜有流星大如雞子色青白尾跡有光東北至近海○甲
寅鄭王瞻垓奏請朝覲復書止之○寧夏總兵官都督僉事史
昭遣百戶畢勝進嘉禾 上諭行在禮部尚書胡濙曰近者各
處多以水旱告獨陝西數進嘉禾則陝西今歲必有收亦省朕
一方之憂賜畢勝鈔六十錠布十疋遣歸○乙卯進北鞋靽脫
脫咬兒赤刺力緊納等來歸奏願居京自効 命為千百戶等
官賜冠帶金織龍衣綵帶銀鈔綿布鞍馬有差仍 命有司給
房屋器皿等物○革河南林縣東得峪上下關及西得峪關時
建言者言守關軍士並緣為奸邀阻行旅迫取財物凡關之近
城及巡檢司并非衝要之地者俱乞罷革 上命都司布政司
按察司覆勘至是奏言罷革為便遂革之○永平總兵官都督

倉事陳敬言撫寧衛舊有土城周圍四百三十丈雖左後二所
下北右中前三所在衛然太狹隘不足以容且為久雨頽壞欲
遂展東南西三面以居軍士越農隙修築乞于附近衛所有司
量起軍夫協助從之○巡撫侍郎羅汝敬奏西嶽神祠年深傾
圮請令西安左三衛屯田軍餘及近廟州縣量起民夫伐材脩
葺 命俟農隙之時興工

大明宣宗憲天崇道英明神聖欽文昭武克仁純孝章皇帝實
錄卷之九十四

明宣宗章皇帝實錄卷九十四終

明宣宗章皇

錄卷之九十五

宣德七年九月丙辰朔昧爽有流星大如鷄彈色青白尾跡有光出軒轅東北行入太微垣○丁巳行在戶部言陽武侯薛祿初食祿一千一百石洪熙元年以邊功加賜五百石今其孫統襲爵歲祿當減命仍給一千一百石○行在都察院右都御史顧佐劾奏巡按浙江監察御史杜時與布政司叅議彭璟按察司僉事劉廣等不能伸理平人之寃乃扶同欺罔請治其罪上問已決未對曰未決上曰姑宥之如不謹再犯雖未決亦不宥○鎮守山西都督僉事李謙言偏頭關外地臨黃河皆邊境衝要之處草木茂盛或有寇盜往來難於瞭望請如大同宣府例至冬初發兵燒荒○貴州都勻衛陳蒙爛土長官司副長官張勉奏本司離衛遠地連古州八萬生苗廣西徠洞寨與

所屬化從等寨長常翁同等相誘為惡叛服不常果通賦稅或
出侵掠闖官兵追捕即獲險抗拒或奔竄遠伏官軍既回又出
為害乞如永樂故事調廣西泗城州土兵一千立堡鎮守遇有
緩急即行勦捕庶使蠻夷知畏善良安業命兵部悉從其言○
戊午鎮守甘肅太監王安奏兵部移文西寧衛官軍在甘州操
備者遣還守備切思西寧雖臨蕃簇終是所轄又有土官管屬
納馬當差可無他慮請遣其安軍一百二人還衛仍留馬隊官
軍三百六十六人在甘州守備從之○夜有流星大如盃色赤
有光起天船西北行入紫微垣○己未廣昌王美堅慶成王美
噴皆以嗣爵奏請詣闕謝恩復書止之○劄肥河衛指揮僉事
牙失答湖廣施州衛鎮南長官司副長官董全遣頭目阿留備
等來朝貢馬○賜雲南車里故宣慰使舍人刀霸美所遣頭目

召哀等紵縵紗羅絹布有差仍命霸羨襲其父職遣行人陸垺
往賜冠帶及織金襲衣錦綺紗羅○監察御史包德懷給事中
虞祥等劾奏順天府御試閔防不嚴致有詐冒請治提調官府
尹李庸監試官御史梁廣成等罪 上命姑宥之已而顧侍臣
曰科舉求賢國家重事於此而不用心他事可知也御史給事
中所劾本不可宥但念斯事因庸覺察不然則奸弊不露矣○
遼東總兵官都督巫凱等亦馬忽山等衛指揮木荅兀等來報
福餘等三衛韃軍往掠阿魯台為阿魯台所敗盡收其家口輜
重牛馬田稼三衛之人奔往海西或在遼東境外招之不來聞
有來者語言譎張已整飭軍馬備之且送木荅兀等六人詣京
師 上曰虜賊譎詐亦惟謹備之耳遂勅凱等嚴哨防命行在
禮部宴荅兀等○鎮守肅州都督王貴奏肅州西北極邊

昨遣人往各處戒飭官軍守備惟一人還哨探至寒水石口見同差之人皆被殺疑亦斥蒙古衛指揮且旺失加部屬所為此皆提督守備指揮許昂不嚴警邏所致請治其罪仍遣人往且旺失加所根究以戒後來 上曰殺人當問罪但疑似之間不可不審令與劉廣王安詳議而行許昂失機誅治其罪○直隸盧龍衛奏本衛軍士分守關口營寨二十餘所與別衛官軍參錯散處難于點閱款約量多寡以近就近歸併成伍如洪武中各守地方詎令親管指揮千百戶鈐束庶事權歸一軍無逃竄守備無虞從之○夜有流星大如盃色赤有光起參東行至濁○庚申賜格失迷頭日宰奴阿卜丁所遣打刺罕迭力迷失等綵幣表裏仍命齋勅及綵幣等物賜宰奴阿卜丁○辛酉賜湖廣本冊等長官司舍人譚朝美捏把洞長官司把事黑牛送

貴州安順州通事李宗等鈔絲幣表裏有差○巡按直隸蘇松
監察御史王來言今年四月至六月苦雨海潮泛溢漫漫堤圩
蘇松常鎮四府所屬長洲吳江崑山常熟華亭上海宜興金壇
八縣低田皆沒苗稼無收 上命行在戶部遣人覆視蠲其租
稅○夜有流星大如鷄彈色青白尾跡有光出天津西南行入
河鼓曉刺熒惑犯上將○壬戌泰政沈固上言四事其一大同
等處先降神銃三十把付內官使人等於各城操備後分撥緣
邊爛柴溝等一十八處守把蓋大同地方東自爛柴溝西至崖
頭墩凡八百餘里其間可通人馬之處不可數計胡寇狡諳往
往兼間突入為患每處不過五六十人卒難抗禦况緣邊供立
斤喉凡有聲息舉火發砲即整軍隄備已是常規乞勅總兵官
武安侯鄭亨鎮守內官郭敦等以各處神銃取回各城團聚操

練以養銳氣遇寇犯邊調兵勦捕庶其力不分殺賊有效其二
山西行都司所轄一十二衛俱臨極邊小大軍官不時差調一
聞警報便當出敵其中多老疾幼弱不堪用者乞勅兵部今後
本司屬衛襲替官前視果精健則俾還原任否則調入內地而
選內地衛所之精健堪任者補之其三比來侍郎柴車等取勘
官軍所種地土每頃全納細米一十石種田納糧理所當然臣
觀大同邊境地土鹵薄若雨暘順時人工修治僅得十之三四
人工不修加以旱澇霜雹計其所收不能償種而况軍士月糧
有妻室者月止七斗無妻室者月止五斗家口多者不全自耕
豈能足食况先奉 太宗皇帝勅諭軍官及軍_下舍人家人餘
丁自備耕種者不拘頃畝隨其開墾子粒自收官府不許比較
今田一畝徵糧一斗比之民糧尤重若逼迫取之必致逃逸乞

勅戶部凡各衛官軍有力耕種者計其田畝歲納糧數准作應
支俸給有多餘者仍舊納官不及本等俸者如數補給其旗軍
餘丁所種地土應納之糧給與自食或三分中減納二分庶使
軍士得遂所養其四各府州縣俱有養濟院收養鰥寡孤獨老
疾無依之人朝廷存恤恩同天地其天下衛所軍士少時趨
事赴工勞勩苦力比老翁退役亦有鰥寡孤獨爲廢殘疾無親戚
可依者未蒙收養乞令天下衛所取勘此等悉養濟如窮民以
副朝廷矜閔之意上曰所言皆有理命六部議行時回奉勅
在武安侯幕府治軍機文書故上此奏○癸亥順天府尹李庸
言所屬州縣舊有桑棗近年砍伐殆盡請令州縣每里擇耆老
一人勸督安丁種桑棗各百株官常點視三年給由開其所種
多寡以驗勤怠上謂行在戶部臣曰桑棗土民衣食之給洪

武閣遣官專督種租今有司畧不加意前屢有言者己命爾申
明舊令至今未有實效其即移文天下郡邑督民裁種違者寬
治○夜五鼓有流星大如鷄彈色赤有光出畢正南行至雲中
○甲子重陽節賜文武羣臣宴○乙丑河南布政使李昌祺奏
開封等府鄭州中牟等州縣四十四處今年四月至七月亢旱
不雨穀麥無收人民艱食其歲納秋糧馬草乞皆停徵從之○
丙寅夜有流星大如盂色赤光燭地起五諸侯東北行至軒轅
又有流星大如鷄彈色赤尾跡有光出南河東南行至濁五鼓
有流星大如鷄彈色青白有光出稜星南行至濁○丁卯行在
兵部奏太僕寺併北京行太僕寺宣德六年孽生馬騾駒六萬
九千二百六十七匹例應遣官監印 上命安鄉伯張安建平
伯高遠往監諭之曰爾等藉祖父功有爵祿未知稼穡艱難宜

奉法循理保守富貴若不遵憲度恣行貪虐如孫傑所為必罪
不宥○陞陝西按察僉事林時為貴州按察副使調浙江按察
副使王增於福建按察司復王佐直隸徽州府同知陞正四品
祿陳希恭鳳陽府盱眙縣丞陞從七品祿皆九年考最當陞以
其民奏請留之故增其祿俾復任點監察御史章儀為陝西都
司副斷事張厚為河南都司副斷事以都御史言其不稱職也
降山東按察副使于庭顯為河間長蘆鹽運司同知廣東按察
副使潛濱為河東陝西鹽運司同知以犯贓罪故也○且隸蘇
州府知府况鍾言蘇松嘉湖四府之地其湖有六曰太湖傍山
楊城昆承沙湖尚湖廣袤凡三千餘里久雨則湖水泛溢田皆
被溺湖水東南出嘉定縣吳淞江東出崑山縣劉家港東北出
常熟縣白茆港永樂初朝廷遣尚書夏原吉等疏浚河港水不

為患民得其利年久淤塞不通乞如舊遣大臣一員督府縣官
於農隙時發民疏浚則水有所泄田禾有收 上命巡撫侍郎
周忱與鍾計其人力多寡用工難易以聞○夜有流星大如五
色赤光燭地起羽林軍西南行至雲中五鼓有流星大如鷄彈
色青白有光出晏西行至外屏○戊辰賜亦馬忽山等衛女直
指揮僉事木答兀等劄肥河衛指揮僉事牙失答湖廣鎮南長
官司頭目阿留備等鈔絲幣表裏有差○行在戶部奏山西孝
義縣民地二十五頃九十五畝為慶成王墳域稅糧二百七十
石草四百畝東及桑棗絲鈔請為除豁從之○直隸大名府奏所
屬開州并長垣南樂內黃清豐滑濬六縣自今年五月至七月
終旱乾黍穀皆槁○應天府尹張瑄卒瑄字文玉湖廣黃岡人
永樂中由進士擢山東布政司右叅政改山西宣德二年調福

廷考最陞應天府尹瑋聰敏廉潔幹濟所至能恤民為京尹不
諂事上官雖屢譴瑋於上不聽未幾以病死○己巳增置北
京在城倉廩○直隸隆慶衛指揮同知袁泰等奏本衛指揮同
知李景奉敕鎮守居庸調度有方行事得宜今缺指揮使請
以任景通政司以闕上不從因召諸武臣語之曰爵賞當自
朝廷景若有功朕豈吝此唐自中世以來威權不振河北將帥
皆由軍中所立所以漸至微弱此輩猶欲效之耶為人臣者但
當竭忠盡力為國立功不患不富貴也群臣皆頓首○劉肥河
衛女直指揮僉事牙失答等奏願居遼東自在州賜金織絳衣
鈔布有差仍命遼東都司給房屋器物如例○夜五鼓有流星
大如碗青白色光燭地起刷呈東行至孤天炸散○庚午命將
率兵巡邊上諭之曰今國家無事邊塞無警可以共逸然居

安慮危乃保邦之道况西北二邊虜常出沒今秋高馬肥宜預
警備但師行須慎重無貪利輕進無肆殺戮中嚴號令整肅却
伍堅利兵甲以振權威武使虜懾服不敢侵掠而邊城各固封
守此良策也○浙江布政司奏湖州府烏程歸安德清長興武
康五縣并嘉興府嘉善縣四月五月又兩塗沒田禾六千三百
餘頃命行在戶部覈視蠲其租○辛未敕行在兵部凡被水旱
災傷之慶宣德七年九月十五日以前軍民專牧種馬并寄養
騎操馬死及虧欠馬駒皆免追陪各都司及直隸衛所官軍累
年騎操馬死當償者皆寬限聽於宣德八年償官○命都指揮
錢表仍守薊州羽林前衛指揮同知李英者都指揮僉事守邊
化○甘肅總兵官都督劉廣奏近虜寇入蘭州衛境掠馬又入
永昌衛劫掠水泉兒水磨川二驛人畜其指揮馬驃千戶阮徽

等巡備不嚴致寇侵犯臣領兵追擊賊已遁去敕賁廣等曰守邊之道惟在謹嚴雖未有寇常若臨敵然後可保無虞今賊縱橫往來劫掠人馬蓋由爾等平素怠慢之過今賊雖去或伺爾回甘州仍復來犯敕至即執驥等罪之嚴督各屯堡官軍晝夜警備庶幾不蹈前失○行在河南道監察御史李彞等劾奏忠義後等五衛指揮千百戶李源等一百六十六人勾補軍役有以老弱易精壯者有軍未到衛而妄云已到者有到衛而虐之逃者有逃後冒關月糧三月之上而改竄文書者俱合究問上命行在都察院執其首領官吏鞠治之而諭源等曰爾等作弊非一豈謂朝廷不殺爾待念舊勞姑記爾罪又諭行在兵部臣曰凡軍有事故當追補者即選廉幹之人往追補之有逃亡未及到衛証云已到者指揮千百戶俱停俸一年令速追補冒

關月糧五石以下者倍追五石以上先鞠首領官吏事千衛揮
千百戶具奏處治○壬申成國公朱勇奏幼官舍人俱已操練
惟公侯伯都督子弟不赴教場操習徂於養養苟安就閒他日
繫職終孤任使請敕行在兵部取勘俱令操習武藝庶幾才有
可用 上從之○直隸保定府安州奏五月六月連雨河堤衝
決潦水害稼○夜有流星大如雞彈色赤尾跡有光出營室西
行至河鼓○癸酉清湘郡主薨主楚昭王之女嫁儀賓耿瑋計
聞遣官賜祭命有司治喪葬○昏刻有流星大如雞彈色青白
尾跡有光出營室東南行至濁○乙亥命浙江按察司僉事楊
嵩致仕嵩湖廣武昌人由進士為監察御史陞僉事廉謹守法
確然自持時浙江布政司官懷私縱欲相師成風吏胥因之為
弊百端嵩分按浙西道榜示禁革衆咸嫉之至是考滿未朝以

疾力辭遂命致仕○行在尚寶司卿葛貞振信少卿袁忠徽俞
敬司丞蔣先邦珺有罪命罰役以贖時所掌守衛銅牌字號有
缺而又有重者貞等以爲鑄造之誤也不以聞自命工鑄改補
之珺奏貞等擅改銅牌有弊上命行在六部都察院同鞠之
皆引伏貞等言珺初同議鑄改於是論貞爲首當絞信等爲從
當流珺當徒流徒例應罰役還職上命併宥貞皆聽罰役後
職云○丁丑命南京兵部右侍郎甄儀致仕儀陝西麟遊人由
戶部主事屢陞郡佐陞順天府尹改行在兵部右侍郎調南京
儀平坦無過至是有疾上聞之特命致仕還鄉○夜有流星
大如碗色赤光燭地起五車西北行至騰蛇○己卯夜有流星
大如雞彈色青白有光出羽林軍西南行至濁○庚辰湖廣容
美宣撫司道通事黃家得廣東新興縣猛獠龐有清等來朝貢

馬及方物○ 上視朝罷御便殿問侍臣曰民何事最苦侍臣
曰四民之中農最勞苦 上曰朕固知之朕嘗歷田野見織婦
採桑育蠶繰絲製帛累寸而後成足亦甚勞苦侍臣曰惟 陛
下聖明知民之艱難及此已而 上出所賦織婦詞一篇以示
左右臣曰朕非好為詞章昔真西山有言農桑衣食之本為君
者當詔儒臣以農夫紅女耕蠶勞動之狀作為歌詩使人誦於
前又繪為圖揭於宮掖布之戚里使皆知民事之艱衣食之所
自朕所以賦此也其詞曰昔嘗歷田野親觀織婦勞春深蠶作
壘五月絲可縲繰絲準擬織為帛兩手理絲精揀擇理之有緒
繰上機弄杆拋梭窻下織斯蠶動股織未停雜聲三號先夙興
機梭軋軋不暫息辛勤累日帛始成嗚呼育蠶作壘未必如甕
盎累絲由寸積為丈上供公有次豪家織者冬寒無挾續紛紛

當時富貴人綺羅燁燁華其身安知織婦最辛苦我獨沉思一
憐汝○辛巳命廣東廉州衛指揮使王斌復任斌禁革姦弊軍
民樂業至是兵部奏取回京將有任使廉州軍民不悉甚去於
廣東三司告乞留三司以聞故有是命○命政府軍左衛指揮
同知馬聚子英羽林左衛指揮僉事陳斌子瑛襲職○鎮守山
西都督僉事李謙奏山西都司先撥官軍三千從總兵官武安
侯鄭亨於大同備禦本司所存止二千而偏頭關沿邊諸處近
有虜寇出沒防守不足乞敕亨遣還千人以備調用上命亨
以五百人還之○長陵衛指揮僉事秦英等伏誅英與百戶李
忠守天壽山每月召近山軍民五十餘家令各納布一疋聽入
山伐樹鬻賣累受布至三百疋事覺法司論其罪當死 上曰
圖小利而縱伐山陵樹豈比帝犯其斬之梟首以徇○壬午鄭

王瞻峻擅取鳳翔寶雞二縣官軍退閒屯田六十五頃令人耕種至是慮事覺乃奏上後書曰雖是閒田非無主者賢弟此後宜謹禮法不得踰分若宗室諸王皆做做來求朝廷何以應之不應則失親親應之則失公道處之甚難吾弟宜體兄心母蹈前過○燕寧行在戶部事禮部尚書胡濙言天下庫藏所貯諸物歲久積多守護為勞請遣官辨驗凡金銀寶玉珠翠紵絲綾羅布帛銅鐵顏料等項與凡違禁物皆送京師具不堪起運衣服之類折充所在文武官俸給軍器付附近衛所從之○行在都察院右都御史顧佐等奏巡按四川監察御史馮駿刷四川都司布政司按察司卷牘有錢糧不明罪囚未解稽遲差錯追補文書等項皆涉欺弊其掌都司事都督同知徐南都指揮僉事徐諒左布政使甄實按察使康郁副使李節等皆當逮問

上命姑寬之俾追究清理其實以聞果有窺避罪之不宥○
癸未行在監察御史羅銓奏照刷行在五府六部等衙門卷牘
自宣德元年正月至宣德四年十二月總六萬四千八百四十
二事內稽緩錯誤冒支埋沒錢糧及故出刑名失追贓物等項
凡一萬九千七百四十二事赦前四千四百六十八事經該官
吏鴻臚寺御楊善等五千一百一十六人罪雖已宥亦應查理
改正赦後一萬五千二百七十四事經該官吏戶部右侍郎王
佐等一萬二千七百二十九人皆當有罪請還治之 上曰赦
前者如所奏赦後者亦記其罪俾查理改正若冒支埋沒錢糧
及故出人罪者悉查究明白其實來聞如有窺避不宥○夜有
流星大如盃色赤光燭地起婁兩行至營至○甲申哈密忠順
王卜答失里遣百戶他竹等二人奏事至未賄之絲幣衣裘等

物有差○遵化衛指揮使陳亨奏遵化炒鐵雖撥本處工匠皆不諳炒鐵乞敕行在工部於諸作查取舊諳鍊之人遣用工從其言○行在戶部奏北者平江伯陳瑄言總督官軍一十三萬歲運淮安臨清等倉糧五百萬餘石赴北京人運糧四十石舡初河淺舟行甚艱夏秋有水又多漂流損失而軍士亦有疾病逃亡者糧多不足請增兵今議於南京豹韜左等衛及各都司直隸衛所軍餘內增撥通一十六萬人從之○遼東總兵官都督巫凱奏前有敕令海西地面都指揮塔夫納荅等追取造船逃軍五百餘人凡野人女直所匿者皆已追還餘山寨頭目刺令哈等多隱匿不還請領兵追索上曰以兵臨之恐害及無事且諭以禍福彼當悔悟如又不悔發兵未晚○乙酉以明日下元節遣衛王瞻埏祭長陵獻陵